

入楞伽經卷第一

身

元龜天竺三藏菩提智叉譯

請佛品第一

歸命大智海毗盧遮那佛如是我聞一時婆伽婆住大海畔摩羅耶山頂上楞伽城中彼山種種寶性所成諸寶間錯光明赫炎如百千日照曜金山復有無量花園香樹皆寶香林微風吹擊振枝動葉百千妙香一時流布百千妙音一時俱發重巖屈曲巖巖皆有仙堂靈室龕窟無數衆寶所成內外明徹日月光暉不能復現皆是古昔諸仙賢聖思如實法得道之慶與大比丘僧及大菩薩衆皆從種種他方佛土俱來集會是諸菩薩具足无量自在三昧神通之力普迅遊化五法自性二種無我究竟通達大慈菩薩摩訶薩而為上首一切諸佛手灌其頂而授佛位自心為境善解其義種種衆生種種心色種種種心種種異念无量度門隨所應度隨所應見而為普現

入楞伽經卷第一 第二身

今時婆伽婆於大海龍王宮說法滿七日已度至南岸時有無量衆由他釋梵天王諸龍王等無邊大衆悉皆隨從向海南岸今時婆伽婆遙望觀察摩羅耶山楞伽城光顯舒悅如動金山照怡微笑而作是言過去諸佛應正遍知於彼摩羅耶山頂上楞伽城中說自內身聖智證法離於一切邪見覺觀非諸外道聲聞辟支佛等修行境界我亦應彼摩羅耶山楞伽城中為羅婆那夜叉王上首說於此法今時羅婆那夜叉王以佛神力聞如來聲時婆伽婆離海龍王宮度大海已與諸衆由他无量釋梵天王諸龍王等圍繞恭敬今時如來觀察衆生阿梨耶識大海水波為諸境界狂風吹動轉識波浪隨緣而起今時羅婆那夜叉王而自歎言我應請如來入楞伽城令我長夜於天人中與諸人天得大利益快得安樂今時楞伽城主羅婆那夜叉王與諸眷屬乘花宮殿至如來所與諸眷屬從宮殿下遶佛三匝以種種伎樂樂於如來所持樂器

入楞伽經卷第一 第三身

皆是大青因陀羅寶而用造作大毗琉璃馬瑙諸寶以為間錯無價色衣以用纏裹以梵聲等無量聲音歌歎如來一切功德而說偈言

心具於法藏離我見垢世尊說諸行內心所知法白法得佛身內身所證法化身示化身時到入楞伽今此楞伽城過去无量佛及諸佛子等無量身受用世尊若說法无量諸夜叉能現无量身欲聞說法聲

今時羅婆那楞伽王以都吒迦種種妙聲歌歎如來諸功德已復更以如他妙聲歌歎如來而說偈言

如來於七日大海惡獸中渡海至彼岸出已即便住羅婆那王共妻子夜叉等及无量眷屬大智諸大臣分迦婆羅那如是等天衆各各悉皆現無量諸神通乘妙花宮殿俱來到佛所到已下花殿禮拜供養佛依佛住持力即於如來前自說已名字我十頭羅刹願番良慰我及此城衆生受此楞伽城摩羅耶寶山過去无量佛於此楞伽城種種寶山上說身所證法如來亦應於此寶山中

入楞伽經第一卷 第四品

同諸過去佛亦說如是法願共諸佛子
說此清淨法我及楞伽眾咸皆欲聽聞
入楞伽經典過去佛讚歎內身智境界
離所說名字我念過去世无量諸如來
諸佛子圓達說此修多羅如來於今日
亦應為我等及諸一切眾說此甚深法
未來諸世尊及諸佛子等於此寶山上
亦說此深法今此楞伽城微妙過天宮
牆壁非土石諸寶羅網覆此諸夜叉等
已於過去佛修行難諸過畢竟住大乘
內心善思惟如實念相應願佛憐愍故
為諸夜叉說願佛天人師入摩羅耶山
夜叉及妻子欲得摩訶衍變耳等羅刹
亦住此城中曾供養過去无量億諸佛
今復願供養現在大法王欲聞內心行
欲得摩訶衍願佛憐愍我及諸夜叉眾
共諸佛子等入此楞伽城我所有宮殿
妻子及眷屬寶冠諸璫種種莊嚴具
阿舒迦園林種種皆可樂及所乘花殿
施佛及大眾我於如來所無有不捨物
願大牟尼尊哀愍我受用我及諸佛子
受佛所說法願佛垂哀愍為我受用說
今時三界尊聞夜叉請已即為夜叉說

入楞伽經第一卷 第五品

過去未來佛夜叉過去佛此勝寶山中
憐愍夜叉故說內身證法未來佛亦介
於此寶山中為諸夜叉等亦說此深法
夜叉此寶山如實修行人現見法行人
乃能住此處夜叉今告汝我及諸佛子
憐愍汝等故受汝施請說如來略略竟
寂靜默然住羅婆那羅刹奉佛花宮殿
如來及佛子受已即皆乘羅婆那夜叉
亦自乘羅殿以諸姝女樂樂佛到彼城
到彼妙城已羅婆那夜叉及其夜叉妻
夜叉男女等更持勝供具種種皆微妙
供養於如來及諸佛子等諸佛及菩薩
皆受彼供養羅婆那等眾供養說法者
觀察所說法內身證境界供養大慧士
數數而請言大士能問佛內身行境界
我與夜叉眾及諸佛子等一切諸聽者
咸請仁者問大士說法勝修行亦取勝
我尊重大士請問佛勝行離諸外道邊
亦離二乘過說內法清淨究竟如來地
今時佛神力復化作山城瞿曇百千相
嚴飾對須弥无量億花園皆是眾寶林
香氣廣流布芬馥未曾聞一一寶山中
皆示現佛身亦有羅婆那夜叉眾等住

入楞伽經第一卷 第六品

十方佛國土及於諸佛身佛子夜叉王
皆來集彼山而此楞伽城所有諸眾等
皆悉見自身入化楞伽中如來神力作
亦同彼楞伽諸山及園林寶莊嚴亦介
一一山中佛皆有大智問如來悉為說
內身所證法出百千妙聲說此經法已
佛及諸佛子一切隱不現羅婆那夜叉
忽然見自身在己本宮殿更不見餘物
而作是思惟向見者誰作說法者為誰
是誰而聽聞我所見何法而有些等事
彼諸佛國土及諸如來身如此諸妙事
今皆何處去為是夢所憶為是幻所作
為是實城邑為是閻婆城為是瞿曇見
為是陽炎起為是夢石女生為是我見火輪
為見火輪烟我所見云何復自深思惟
諸法體如是唯自心境界內心能證知
而諸凡夫等无明所覆障虛妄心分別
而不能覺知能見及所見一切不可得
說者及所說如是等亦無佛法真實體
非有亦非無法相恒如是唯自心分別
如見物為實彼人不見佛不住分別心
亦不能見佛不見有諸行如是名為佛
若能如是見彼人見如來智者如是觀

一切諸境界轉身得妙身是即佛菩提
今時羅婆部十頭羅刹楞伽王見分
別心過而不住於分別心中以過去
世善根力故如實覺知一切諸論如
實能見諸法實相不隨他教善自思
惟覺知諸法能離一切邪見覺知善
能修行如實行法於自身中能現一
切種種色像而得究竟大方便解善
知一切諸地上上自體相貌樂觀心
意識自體見於三界相續身斷離
諸外道常見因智如實善知如來之
藏善住佛地內心實智聞虛空中及
自身中出於妙聲而作是言善哉善
哉楞伽王諸修行者悲應如汝之所
修學復作是言善哉楞伽王諸佛如
來法及非法如汝所見若不如汝之
所見者名為斷見楞伽王汝應遠離
心意識如實修行諸法實相汝今應
當修行內法莫著外義邪見之相楞
伽王汝莫修行聲聞緣覺諸外道等
修行境界汝不應住一切外道諸餘
三昧汝不應樂一切外道種種戲論
汝不應住一切外道圓陀邪見汝不

應者王位放逐自在力中汝不見
禪定神通自在力中楞伽王如此等
事皆是如實修行者行能降一切外
道邪論能破一切虛妄邪見能轉一
切見我見過能轉一切微細識行修
大乘行楞伽王汝應內身入如來地
修如實行如是修行者得轉上上清
淨之法楞伽王汝莫捨汝所證之
道善修三昧三摩跋提莫著聲聞
緣覺外道三昧境界以為勝樂如毛
道凡夫外道修行者汝莫分別楞伽
王外道者我見有我相故虛妄分別
外道見有四大之相而著色聲香味
觸法以為實有聲聞緣覺見元明緣
行為實有起執著心離如實空虛
妄分別專著有法而墮能見所見心
中楞伽王此勝道法能令眾生內身
覺觀能令眾生得勝大乘能生三有
楞伽王此入大乘行能破眾生種種
翳膜種種識波不墮外道諸見行中
楞伽王此是入大乘行非入外道行
外道行者依於內身有我而行見識
色二法以為實故見有生滅善哉楞

伽三思惟此義如汝思惟即是見佛
今時羅婆部楞伽王復作是念我應
問佛如實行法轉於一切諸外道行
內心修行所觀境界離於應佛所作
應事更有勝法所謂如實修行者證
於法時所得三昧究竟之樂若得欲
樂是則名為如實修行者是故我應
問大慈悲如來世尊如來能燒煩惱
薪盡及諸佛子亦能燒盡如來能知
一切眾生心使煩惱如來遍至一切
智處如來如實善能知解是相非相
我今應以妙神通力見於如來見如
來已未得者得已得者不退得元分
別三昧三摩跋提得增長滿足如來
行處
今時世尊如實照知楞伽王應證無
生法忍時至憐愍十頭羅刹王故所
隱宮殿還復如本身於種種寶網莊
嚴山城中現
今時十頭羅刹楞伽王見諸宮殿還
復如本一山中處處皆見有佛世
尊應正遍知三十二相妙莊嚴身而
在山中自見已身遍諸佛前又見一

入楞伽經卷第一 第三張身

切諸佛國土及諸國王念身無常由貪王位妻子眷屬五欲相縛元解脫期便捨國土宮殿妻妾象馬珍寶施佛及偕入於山林出家學道又見佛子在山林中勇猛精進投身餓虎獅子羅刹以求佛道又見佛子在林樹下讀誦經典為人演說以求佛道又見菩薩念苦眾生坐於道場菩提樹下思惟佛道又見一一佛前皆有聖者大慈菩薩說於內身修行境界亦見一切夜叉眷屬圍繞而說名字章句念時世尊智慧觀察現在大眾非向眼觀如師子王奮迅視眴呵呵大笑頂上向諸放无量光肩膊胷臆臂肘德處及諸毛孔皆放一切無量光明如空中虹如日千光如劫盡時大火熾然猛炎之相帝釋梵王四天王等於虛空中觀察如來見佛坐於須弥相對楞伽山頂上呵呵大笑念時菩薩眾帝釋梵王四天王等作是思惟何因何緣如來應正遍知於一切法中而得自在未曾如是呵呵大笑復於自身出无量光默然而住專念內

入楞伽經卷第一 第七張身

身智慧境界不以為勝如師子視觀楞伽王念如實行

念時聖者大慈菩薩摩訶薩先受楞伽羅婆鄰王所啓請已念楞伽王知諸一切大菩薩眾心行之法觀察未來一切眾生心皆樂於名字說法心迷生疑如說而取著於一切聲聞緣覺外道之行諸佛世尊離諸一切心識之行能笑大笑為彼大眾斷於疑心而問佛言如來何因何緣何事呵呵大笑佛告聖者大慈菩薩善哉善哉善哉大慈復善哉大慈汝能觀察世間妄想分別之心邪見顛倒汝實能知三世之事而問此事如汝所問智者之問亦復如是為自利利他故大慈此楞伽王曾問過去一切諸佛應正遍知如是二法今復現在亦欲問我如是二法此二法者一切聲聞緣覺外道未嘗知此二法之相大慈此十頭羅刹亦問未來一切諸佛如此二法今時如來知而故問羅婆鄰王而作是言楞伽王汝欲問我隨汝疑心今恚可問我恚能答斷汝疑心

入楞伽經卷第一 第十張身

令得歡喜楞伽王汝斷虛妄分別之身得地對治方便觀察如實智慧能入內身如實之相三昧樂行三昧佛即攝取汝汝身善住奢摩他樂境界中過諸聲聞緣覺三昧不淨之垢能住不動善慧法雲等地善知如實无我之法大寶蓮花王座上而坐得無量三昧而受佛藏楞伽王汝當不久自見己身亦在如是蓮花王座上而坐法今住持无量蓮花王眷屬无量菩薩眷屬各各皆坐蓮花王座而自圓遠送相瞻視各各不久皆得住彼不可思議境界所謂起一行方便行住諸地中能見不可思議境界見如來地无量無邊種種法相一切聲聞緣覺四天王帝釋梵王等所未曾見念時楞伽王聞佛世尊聽已問已彼於無垢无量光明大寶蓮花眾寶莊嚴山上無量天女而自圍遶現於无量種種異花種種異香散香塗香寶幢幡蓋寶冠瓔珞莊嚴身具復現世間未曾聞見種種勝妙莊嚴之具復現无量種種樂器過諸天龍夜叉

闍婆阿修羅迦樓羅緊陀羅摩睺羅
入楞伽經卷第二 第七段
伽人非人等所有樂具復隨三界欲
界色界无色界所有樂具皆悉化作
復隨十方諸佛國土所有種種勝妙
樂具皆悉化作作元量大寶羅網
遍覆一切諸佛菩薩大衆之上復豎
無量種種寶幢羅綺王作如是等
變化事已身昇虛空高七多羅樹住
虛空中雨種種伎樂雨種種花雨種
種香雨種種衣滿虛空中如樹大雨
以用供養佛及佛子雨供養已從上
而下於虛空中即坐第二電光明大
寶蓮花王種種寶山上
今時如來見其坐已發於微笑聽楞
伽王問二種法時楞伽王白佛言世
尊此二種法我已曾問過去諸佛應
正遍知彼佛世尊已為我說世尊我
今現在依名字章句亦問如來如來
畢竟應為我說世尊應化化佛說此
二法非根本如來世尊根本如來修
集三昧樂境界者不說心識外諸境
界善哉世尊如來自身於一切法而
得自在惟願世尊應正遍知說此二

法一切佛子及我已身亦願欲聞今
入楞伽經卷第二 第十段
時世尊知而即告楞伽王言楞伽王
汝問此二法今時夜叉王更著種種
金冠璫珞金莊嚴具而作是言如來
常說法尚應捨何況非法世尊云何
言二法捨世尊何者是法何者非法
世尊捨法云何有二以墮分別相中
虛妄分別是有无法無大有大世尊
阿梨耶識知名識相所有體相如虛
空中有毛輪住不淨盡智所知境界世
尊法若如是云何而捨佛告楞伽王
楞伽王汝不見瓶等无常敗壞之法
毛道凡夫分別境界差別之相楞伽
王何故不如是取有法非法差別之
相依毛道凡夫分別心有非聖證智
以為可見楞伽王且置瓶等種種相
事毛道凡夫心謂為有非謂聖人以
為有法楞伽王譬如火炎燒宮殿
園林草木見種種火光明色炎各各
差別依種種薪草木長短分別見有
勝負之相此中何故不如是知有法
非法差別之相楞伽王非但火炎依
一相續身中見有種種諸相差別楞

伽王如一種子一相續生牙莖枝葉
入楞伽經卷第二 第十一段
華果樹林種種異相如是內外所生
諸法无明及行陰界入等一切諸法
三界所生皆有差別現樂形相言語
去來勝智異相一相境界而取於相
見下中上勝相染淨善不善相楞伽
王非但種種法中見差別相覺如實
道者內證行中亦有見於種種異相
何況法非法无分別種種差別相楞
伽王有法非法種種差別相楞伽王
何者為法所謂一切外道聲聞緣覺
毛道凡夫分別之見從因實物以為
根本生種種法如是等法應捨應離
莫取於相而生分別見自心法計以
為實楞伽王無瓶實法而毛道凡夫
虛妄分別法本无相如實知觀名捨
諸法楞伽王何等為非法所謂无有
身相唯自心滅妄想分別而諸凡夫
見實法非實法菩薩如實見如是捨
非法
復次楞伽王何者復為非法所謂兔
馬驢駝角石女兒等无身無相而毛
道凡夫取以為無為世間義說於名

入楞伽經第一卷 第七品 身

字非取相如彼瓶等法可捨智者不
取如是虛妄分別免角等名字法亦
是可捨是故捨法及非法楞伽王汝
今問我法及非法云何捨我已說竟
楞伽王汝言我於過去應正遍知已
問此法彼諸如來已為我說楞伽王
汝言過去者即分別相未來現在分
別亦亦楞伽王我說真如法體是如
實者亦是分別如分別色為實際為
證實智樂修行元相智慧是故莫分
別如來為智身智體心中莫分別意
中莫取我人命等云何不分別意識
中取種種境界如色形相如是莫取
莫分別可分別
復次楞伽王譬如壁上畫種種相一
切衆生亦復如是楞伽王一切衆生
猶如草木元業無行楞伽王一切法
非法無聞無說楞伽王一切世間法
皆如幻而諸外道凡夫不知楞伽王
若能如是見如實見者名為正見若
異見者名為邪見若分別者名為取
二楞伽王譬如鏡中像自見像譬如
水中影自見影如月燈光在屋室中

影自見影如空中響聲自出聲取以

為聲若如是取法與非法皆是虛妄
妄想分別是故不知法及非法增長
虛妄不得寂滅寂滅者名為一心一
心者名為如來藏入自內身智慧境
界得无生法忍三昧

入楞伽經問答品第二

今時聖者大慈菩薩與諸一切大慈
菩薩俱遊一切諸佛國土承佛神力
從坐而起更整衣服合掌恭敬以偈
讚佛

佛善大悲觀 世間離生滅 猶如虛空花
有元不可得 佛慈大悲觀 一切法如幻
遠離心意識 有無不可得 佛慈大悲觀
世間猶如夢 遠離於斷常 有元不可得
佛慈大悲觀 煩惱障智障 二無我清淨
有無不可得 佛不入不滅 涅槃亦不住
離覺所覺法 有元二俱離 若如是觀佛
寂靜離生滅 彼人今後世 離垢无染取
今時大慈菩薩摩訶薩如法偈讚佛
已自說姓名

我名為大慈 願通達大乘 今以百八問
仰諮元上尊 寂勝世間解 聞彼大慈問

入楞伽經第二卷 第八品 身

觀察諸衆生 告諸佛子言 汝等諸佛子
及大慈諮問 我當為汝說 自覺之境界
今時聖者大慈菩薩摩訶薩聞佛聽
問頂礼佛足合掌恭敬以偈問曰

云何淨諸覺 何因而有覺 何因見迷惑
何因有迷惑 何因有國土 化相諸外道
云何名佛子 寂靜及次第 解脫何所至
誰縛何因脫 禪者觀何法 何因有三乘
何因緣生法 何因作所作 何因俱異說
何因無而現 何因无色定 及與滅盡定
何因想滅定 何因從定覺 云何因果生
何因身去住 何因觀所見 何因生諸地
破三有者誰 何身至何所 云何處而住
云何諸佛子 何因得神通 及自在三昧
何因得定心 寂勝為我說 何因為藏識
何因意及識 何因見諸法 何因斷所見
云何性非性 云何心無法 何因說法相
云何名無我 何因无衆生 何因有世諦
何因不見常 何因不見斷 云何佛外道
二相不相違 何因當來世 種種諸異部
云何名為空 何因念不住 何因有胎藏
何因世不動 云何如幻夢 說如捷闢婆
陽炎水中月 世尊為我說 云何說覺支

何因菩提分 何因國亂動 何因作有見
 何因不生滅 何因如空花 何因覺世間
 何因无字訖 何無分別 何因如虛空
 真如有幾種 何名心數岸 何因地次第
 真如無次第 何因二元我 何因境界淨
 幾種智覺戒 何因衆生 誰作諸實性
 金摩尼珠等 誰生於語言 衆生種種異
 五明處伎術 誰能如是說 伽陀有幾種
 云何長短句 法復有幾種 解義復有幾
 何因飲食種 何因生愛欲 云何名為王
 轉輪及小王 何因護國土 諸天有幾種
 何因而有地 何因星日月 解脫有幾種
 行者有幾種 弟子有幾種 阿闍梨幾種
 如來有幾種 本生有幾種 摩羅有幾種
 異學有幾種
 自性有幾種 心復有幾種 云何施假名
 世尊為我說 何因有風雲 何因有雲慧
 何因有樹林 世尊為我說 何因象馬鹿
 何因人捕取 何因為婬陋 世尊為我說
 何因為六時 何因成闍提 男女及不男
 為我說其生 何因修行退 何因修行進
 教何等入修 令住何等法 諸衆生去來
 何因何像類 何因致財富 世尊為我說

云何為釋種 何因有釋種 何因甘蔗種
 何因長壽仙 長壽仙何親 云何彼教持
 世尊如虛空 為我分別說 何因佛世尊
 一切時刻現 種種名色類 佛子衆圖遠
 何因不食肉 云何制斷肉 食肉諸種類
 何因故食肉 何因日月形 須弥及蓮花
 師子形勝相 國土為我說 亂側覆世界
 如因陀羅網 一切實國土 何因為我說
 如空侯琵琶 鼓種種花形 離日月光土
 何因為我說 何等為化佛 何等為報佛
 何等如智佛 何因為我說 云何於欲界
 不成等正覺 云何色究竟 離欲中得道
 如來般涅脛 何人持正法 世尊住又如
 正法幾時住 如來立幾法 各見有幾種
 比尼及比丘 世尊為我說 何因百變易
 何因百寂靜 聲聞辟支佛 世尊為我說
 何因世間通 何因出世通 何因七地心
 世尊為我說 僧伽有幾種 何因為破僧
 云何醫方論 世尊為我說 迦葉拘留孫
 拘鄰舍是我 常為諸佛子 何故如是說
 何故說人我 何故說斷常 何故不但說
 唯有於一心 何因男女林 呵梨阿摩勒
 維羅及鐵圍 金剛寺諸山 次及無量山

種種寶莊嚴 仙樂人充滿 世尊為我說
 大天佛間彼 所說諸偈句 大乘諸度門
 諸佛心第一 善哉善哉問 大慧善諦聽
 我今當次第 如汝問而說 生及與不生
 涅槃空剎那 趣至无自體 佛波羅蜜子
 聲聞辟支佛 外道無色者 須弥海及山
 四天下土地 日月諸星宿 外道天修羅
 解脫自在通 力思惟寂定 滅及如意足
 覺支及道品 諸禪定无量 五陰及去來
 四空定滅盡 發起心而說 心意及意識
 無我法有五 自性相所想 所見能見二
 云何種種乘 金摩尼珠性 一闍提四大
 荒亂及一佛 智境界獲得 衆生有無有
 象馬諸禽獸 云何如捕取 辟如因相應
 力說法云何 何因有因果 林迷惑如實
 但心无境界 諸地無次第 百變及无相
 醫方工巧論 呪術諸明處 何故而問我
 諸山須弥地 其形量大小 大海日月星
 云何而問我 上中下衆生 身各幾微塵
 肘步至十里 四十及二十 毫毫微塵幾
 羊毛麤麤塵 一升幾麤麥 半升幾頭數
 一斛及十斛 百万及一億 頻婆羅幾塵
 芥子幾微塵 幾不成草子 幾草子成豆

入楞伽經卷第三 第五分

幾鉢成一兩幾兩成一分如是次第數
幾分成須弥佛子今何故不如是問我
緣覺聲聞等諸佛及佛子身幾微塵成
何故不問此火炎有幾塵風微塵有幾
根根樂塵數毛孔為樂塵何因則自在
轉輪聖帝主何因王守護解脫廣略說
種種衆生欲云何而問我何因諸飲食
何因男女林金剛堅固山為我說云何
何因如幻夢野鹿渴愛聲何因而有雲
何因有六時何因種種味男女非男女
何因諸莊嚴佛子何因問云何諸妙山
仙樂人莊嚴解脫至何所誰縛云何縛
云何禪境界涅槃及外道云何無因作
何因可見縛何因淨諸覺何因有諸覺
何因轉所作幸願為我說何因斷諸想
何因出三昧破三有者誰何因身何處
云何無人我何因依世說何因問我相
云何問元我云何為胎藏汝何因問我
何因斷常見何因心得定何因言及智
界性諸佛子勘解師弟子種種諸衆生
云何飲食塵虛空聰明施何因有樹林
佛子何因問云何種種刹何因長壽仙
何因種種師汝何因問我何因有醜陋

入楞伽經卷第三 第五分

修行不欲成色究竟成道云何而問我
何因世間通何因為比丘云何化報佛
何因而問我云何如智佛云何為衆僧
荖葆鼓花刹云何離光明云何為心地
佛子而問我此及餘衆生佛子所應問
二相相應遠離諸見過離諸外道法
我說汝諦聽此上八百八見如諸佛所說
我今說少分佛子善諦聽

生見不生見常見無常見相見元相
見住異見非住異見剎那見非剎那
見離自性見非離自性見空見不空
見斷見非斷見心見非心見邊見非
邊見中見非中見變見非變見緣見
非緣見因見非因見煩惱見非煩惱
見愛見非愛見方便見非方便見巧
見非巧見淨見非淨見相應見非相
應見譬喻見非譬喻見弟子見非弟
子見師見非師見性見非性見乘見
非乘見寂靜見非寂靜見願見非願
見三輪見非三輪見相見非相見有
元立見非有無立見有二見元二見
緣內身聖見非緣內身聖見現法樂
見非現法樂見國土見非國土見微

入楞伽經卷第三 第五分

塵見非微塵見水見非水見弓見非
弓見四大見非四大見數見非數見
通見非通見虛妄見非虛妄見雲見
非雲見工巧見非工巧見明處見非
明處見風見非風見地見非地見心
見非心見假名見非假名見自性見
非自性見陰見非陰見衆生見非衆
生見智見非智見涅槃見非涅槃見
境界見非境界見外道見非外道見
亂見非亂見幻見非幻見夢見非夢
見陽炎見非陽炎見像見非像見輪
見非輪見捷闍婆見非捷闍婆見天
見非天見飲食見非飲食見煙欲見
非煙欲見見非見見波羅蜜見非波
羅蜜見戒見非戒見日月星宿見非
日月星宿見諦見非諦見果見非果
見滅見非滅見起滅盡定見非起滅
盡定見治見非治見相見非相見支
見非支見巧明見非巧明見禪見非
禪見迷見非迷見現見非現見護見
非護見族姓見非族姓見仙人見非
仙人見王見非王見捕取見非捕取
見實見非實見記見非記見一闍提

見非一聞提見男女見非男女見味
見非味見作見非作見身見非身見
覺見非覺見動見非動見根見非根
見有為見非有為見因果見非因果
見色究竟見非色究竟見時見非時
見樹林見非樹林見種種見非種種
見說見非說見比立見非比立見比
立見非比立見住持見非住持
見字見非字見大慧此百八見過去
諸佛開說汝及諸菩薩當如是學
入楞伽經卷第一

癸卯歲高麗國大藏都監奉
勅彫造

入楞伽經卷第二

元魏天竺三藏菩提留支譯

集一切佛法品第三之一

今時聖者大慧菩薩復白佛言世尊
諸識有幾種生住滅佛告聖者大慧
菩薩言大慧諸識生住滅非思量者
之所能知大慧諸識各有二種生住
滅大慧諸識二種滅者一者相滅二
者相續滅大慧諸識又二種住一者
相住二者相續住大慧諸識有二種
生一者相生二者相續生大慧諸識有
三種何等三種一者轉相識二者業
相識三者智相識大慧有八種識略
說有二種何等為二一者了別識二
者分別事識大慧如明鏡中見諸色
像大慧了別識亦如是見種種鏡像
大慧了別識分別事識彼二種識无
差別相迭共為因大慧了別識不可
思議熏變因大慧分別事識分別取
境界因無始來戲論熏習大慧阿梨
耶識虛妄分別種種熏滅諸根亦滅
大慧是名相滅大慧相續滅者相續

因滅則相續滅因滅緣滅則相續滅
大慧所謂依法依緣言依法者謂无
始戲論妄想熏習言依緣者謂自心
識見境界分別大慧譬如泥團微塵
非異非不異金莊嚴具亦復如是非
異非不異大慧若泥團異者非彼所
成而實彼成是故不異若不異者泥
團微塵應無差別大慧如是轉識阿
梨耶識若異相者不從阿梨耶識生
若不異者轉識滅阿梨耶識亦應滅
而自相取取識不滅是故大慧諸
識自相滅自相滅者業相滅若自相
滅者阿梨耶識應滅大慧若阿梨耶
識滅者此不異外道斷見戲論大慧
彼諸外道作如是說所謂離諸境界
相續識滅相續識滅已即滅諸識大
慧若相續識滅者无始世來諸識應
滅大慧諸外道說相續諸識從作者
生不說識依眼色空明和合而生而
說有作者大慧何者是外道作者勝
人自在時微塵等是能作者復次大
慧有七種自性何等為七一者集性
自性二者性自性三者相性自性四

入楞伽經卷第二 第四節

者大性自性五者因性自性六者緣性自性七者成性自性

復次大慧有七種第一義何等為七一者心境界二者智境界三者慧境界四者三見境界五者過二見境界六者過佛子地境界七者入如來地內行境界大慧此是過去未來現在諸佛如來應正遍知性自性第一義心大慧依此性自性第一義心諸佛如來畢竟得於世間出世間諸佛智慧眼同相別相諸法建立如所建立不與外道邪見共同大慧云何不與外道邪見共同所謂分別自心境界妄想見而不覺知自心想見大慧諸愚癡凡夫无有實體以為第一義說二見論復次大慧汝今諦聽我為汝說虛妄分別以為有物為斷三種苦何等為三謂無知愛業因緣滅自心所見如幻境界大慧諸沙門婆羅門作如是說本无始生依因果而現復作是說實有物住依諸緣故有陰界入生住滅以生者滅故大慧彼沙門婆羅門說相續體本無始有若生若滅若涅槃

入楞伽經卷第二 第四節

若道若業若果若諦破壞諸法是斷滅論非我所說何以故以現法不久當可得故不見根本故大慧譬如瓶破不得瓶用大慧譬如焦種不生芽等大慧彼陰界入是滅過去陰界入滅現在未來亦滅何以故因自心虛妄分別見故大慧无彼陰界入相續體故大慧若本無始生依三法生種種識者龜毛何故不生沙不出油汝之所立決定之義是即自壞汝說有无說生所成因果亦壞大慧若如是依三法因緣應生諸法因果自相過去現在未來有无諸相譬喻及阿含自覺觀地依自見薰心作如是說大慧愚癡凡夫亦復如是惡見所言邪見迷意无智妄稱一切智說大慧若復有沙門婆羅門見諸法離自性故如雲火輪捷閼婆城不生不滅故如幻陽炎水中月故如夢內外心依無始世來虛妄分別戲論而現故離自心虛妄分別可見因緣故離滅盡妄想說所說法故離身資生持用法故離阿梨耶識取境界相應故入寂靜境界

入楞伽經卷第二 第五節

故離生住滅法故如是思惟觀察自心以為生故大慧如是菩薩不久當得世間涅槃平等之心大慧汝巧方便開發方便觀察一切諸衆生界皆悉如幻如鏡中像故无因緣起遠離內境故自心見外境界故次第隨入無相處故次第隨入從地至地三昧境界故信三界自心幻故大慧如是修行者當得如幻三昧故入自心寂靜境界故到彼岸境界故離作者生法故得金剛三昧故入如來身故入如來化身故入諸力通自在大慈大悲莊嚴身故入一切佛國土故入一切衆生所樂故離心意意識境界故轉身得妙身故大慧諸菩薩摩訶薩如是修行者必得如來无上妙身大慧菩薩欲證如來身者當遠離陰界入心因緣和合法故遠離生住滅虛妄分別戲論故諸法唯心當如是知見三界因無始世來虛妄分別戲論而有故觀如來地寂靜不生故進趣內身聖行故大慧汝當不久得心自在无功用行究竟故如衆色隨摩尼寶化身入

諸衆生微細心故以入隨心地故令諸衆生次第入地故是故大慧諸菩薩摩訶薩應當善知諸菩薩修行自內法故

尔時聖者大慧菩薩摩訶薩復白佛言惟願世尊為諸菩薩摩訶薩說心意意識五法自體相應法門諸佛菩薩修行之處遠離自心邪見境界和合故能破一切言語辭喻體相故一切諸佛所說法心為楞伽城摩羅耶山大海中諸菩薩說觀察阿梨耶識大海波境界說法身如來所說法故尔時佛告聖者大慧菩薩摩訶薩言大慧有四因緣眼識生何等為四一者不覺自內身取境界故二者无始世來虛妄分別色境界薰習執著戲論故三者識自性體如是故四者樂見種種色相故大慧是名四種因緣於阿梨耶識海起大勇波能生轉識大慧如眼識起識一切諸根毛孔一時轉識生如鏡中像多少一時復有隨因緣次第生大慧猶如猛風吹境心海而識波生不断因事相故迭共

不相離故業體相使縛故不覺色聲故而五識身轉故大慧不離彼五識因了別識相名為意識共彼因常轉故大慧五識及心識不作是念我迭共為因自心見虛妄分別取諸境界而彼各各不異相俱現分別境界如是彼識微細生滅以入修行三昧者不覺不知微細薰習而修行者作是我滅諸識入三昧而修行者不滅諸識入三昧大慧熏集種子心不滅取外境界諸識滅大慧如是微細阿梨耶識行除佛如來及入地諸菩薩摩訶薩諸餘聲聞辟支佛外道修行者不能知故入三昧智力亦不能覺以其不知諸地相故以不知智慧方便差別善決定故以不能覺諸佛如來集諸善根故以不能知自現境界分別戲論故以不能入種種稠林阿梨耶識窟故大慧惟下中上如實修行者乃能分別見自心中虛妄見故能於無量國土為諸如來拔位故得无量自在力神通三昧故依善知識佛子眷屬而能得見心意意識自心

自體境界故分別生死大海以業受無智以為因有故大慧是故如實修行者應推覓親近善知識故尔時世尊而說偈言

譬如巨海浪 斯由猛風起 洪波鼓冥壑 無有斷絕時 梨耶識亦尔 境界風吹動 種種諸識浪 騰躍而轉生 青赤鹽珂乳 味及於石蜜 衆華與果實 如日月光明 非異非不異 海水起波浪 七識亦如是 心俱和合生 譬如海水動 種種波浪轉 梨耶識亦尔 種種諸識生 心意及意識 為諸相故說 諸識无別相 非見所見相 譬如海水波 是則無差別 諸識心如是 異亦不可得 心能集諸業 意能觀集境 識能了所識 五識現分別 尔時聖者大慧菩薩摩訶薩以偈問佛 青赤諸色像 自識如是見 水波相對法 何故如是說 尔時世尊以偈答曰 青赤諸雜色 波中悉皆無 說轉識心中 為凡夫相說 彼業悉皆无 自心離可取 可取及能取 與彼波浪同 身資生住持 衆生惟識見 是故現轉識 水波浪相似

入楞伽經卷第二 第九

大海波浪動 鼓躍可分別 阿梨耶識轉
何故不覺知 凡夫无智慧 梨耶識如海
波浪轉對法 是故譬喻說

今時聖者大慧菩薩摩訶薩復說偈言
日出光等照 下中上眾生 如來出世間
為凡夫說實 佛得究竟法 何故不說實
若說真實者 彼心無真實 譬如海波浪
鏡中像及夢 俱時而得現 心境界亦然
境界不具故 是故次第現 識者識所識
意者然不然 吾則以現見 定中无如是
譬如巧畫師 及畫師弟子 布絲畫衆像
我說法亦尔 綠色本无文 非筆亦非器
為衆生說故 綺錯畫衆像 言說離真實
真實離名字 我得真實處 如實內身知
離覺所覺相 解如實為說 此為佛子說
愚者異分別 種種皆如幻 唯見非真實
如是種種說 隨事實不實 為此入故說
於彼為非說 彼彼諸病人 良醫隨慶樂
如來為衆生 唯心應器說 妄想非境界
聲聞亦非分 諸如來世尊 自覺境界說
復次大慧若菩薩摩訶薩欲知自心
離虛妄分別能取可取境界相者當
離憒鬧離睡眠蓋初夜後夜常自覺

入楞伽經卷第二 第十

悟修行方便離諸外道一切戲論離
聲聞緣覺乘相當通達自心現見虛
妄分別之相

復次大慧菩薩摩訶薩建立住持智
慧心相者於上聖智三相當勤修學
大慧何等為上聖智三相所謂无所
有相一切諸佛自願住持相內身聖
智自覺知相修行此已能捨跋驢智
慧之相得勝子第八地三相修行大
慧何者無所有相謂觀聲聞緣覺外
道相大慧何者一切諸佛自願住持
相謂諸佛本自作願住持諸法大慧
何者內身聖智自覺知相一切法相無
所執者得如幻三昧身諸佛地處進
趣修行大慧是名上聖智三相若成
就此三相者能到自覺聖智境界是
故大慧諸菩薩摩訶薩求上聖智三
相者當如是學
今時聖者大慧菩薩摩訶薩知諸大
菩薩衆心之所念承佛如來住持之
力問於如來名聖智行分別法門體
世尊願為我說名聖智行分別法
門體依百八見分別說如來應正

入楞伽經卷第二 第十一

遍知依此百八見為諸菩薩摩
訶薩分別說自相同相妄想分別
體修行差別法大慧諸菩薩善得
此妄想分別自體法行差別能清淨
人無我法无我善解諸地過諸聲聞
辟支佛禪定三摩跋提之樂得諸佛
如來不可思議境界修行故得離五
法自體相行入諸佛法身體真實行
故得如來法身善決定處如幻境界
所成故一切國土從梵率天阿迦尼
吒處得如來法身故

佛告聖者大慧菩薩有一種外道邪
見執著空无所有妄想分別智因有
二自體無體分別兔角无如兔角無
諸法亦无大慧復有餘外道見四大
功德實有物見各各有差別相實无兔
角虛妄執著妄想分別實有牛角大
慧彼諸外道墮於二見不知唯心安
想分別增長自心界大慧如身資生
器世間等准是心分別不得分別兔
角離於有無大慧不得分別一切諸
法離於有無大慧若有人離於有無
作如是言无有有兔角分別不得分

別無有有兔角彼人見相待因不得分別无兔角何以故大慧乃至觀察微細微塵不見實事離聖人智境界不得分別有牛角

尔時聖者大慧菩薩摩訶薩白佛言世尊世尊愚癡凡夫不見分別相而比智分別彼人見无佛告聖者大慧菩薩言大慧非觀分別心彼人無相何以故因虛妄分別心依角有分別心大慧依止虛妄角有分別心是故依止因離相待法非見法彼无角大慧若離分別心更有分別應離角有非因角有大慧若不離彼分別心彼法乃至觀察微塵不見有實物大慧不離於心彼法應无以彼二法有無不可得若尔見何等法有何等法无大慧若不如是見有無不得分別有無此義云何見有牛角見无兔角不得如是分別大慧以因不相似故有元義不成以諸外道凡夫聲聞說有無義二俱不成故

大慧復有餘外道見色有因妄想執著形相長短見虛空无形相分齊見

諸色相異於虛空有其分齊大慧虛空即是色以色大入虛空故大慧色即是虛空依此法有彼法依彼法有此法故以依色分別虛空依虛空分別色故大慧四大種生自相各別不住虛空而四大中非无虛空大慧兔角亦如是因牛角有言兔角無大慧又彼牛角指為微塵分別微塵相不可得見彼何等何等法有何何等何等法元而言有耶無耶若如是觀餘法亦然

尔時佛告聖者大慧菩薩言大慧汝當應離兔角牛角虛空色異妄想見等大慧汝亦應為諸菩薩說離兔角等相大慧汝應當知自心所見虛妄分別之相大慧汝當於諸佛國土中為諸佛子說汝自心現見一切虛妄境界尔時世尊重說偈言

色於心中無心依境見有內識衆生見身資生住處心意與意識自性及五法二種无我淨如來如是說長短有元等展轉互相生以無故成有以有故成無分別微塵體不起色妄想但心安住處

惡見不能淨非妄智境界聲聞亦不知如來之所說自覺之境界

尔時聖者大慧菩薩摩訶薩為淨自心現流復請如來而作是言世尊云何淨除自心現流為次第淨為一時耶佛告聖者大慧菩薩摩訶薩言大慧淨自心現流次第漸淨非為一時大慧譬如庵摩羅果漸次成熟非為一時大慧衆生清淨自心現流亦復如是漸次清淨非為一時譬如陶師造作諸器漸次成就非為一時大慧諸佛如來淨諸衆生自心現流亦復如是漸次而淨非一時淨大慧譬如大地生諸樹林藥草万物漸次增長非一時成大慧諸佛如來淨諸衆生自心現流亦復如是漸次而淨非一時淨大慧譬如有人學諸音樂歌唄書畫種種伎術漸次而解非一時知大慧諸佛如來淨諸衆生自心現流亦復如是漸次而淨非一時淨大慧譬如明鏡无分別心一時俱現一切色像如來世尊亦復如是无有分別淨諸衆生自心現流一時清淨非漸

入楞伽經卷第二 第三分

次淨令住寂靜無分別處大慧辭如日月輪相光明一時遍照一切色像非為前後大慧如來世尊亦復如是為令衆生離自心煩惱見薰習氣過患一時示現不思議智寂勝境界大慧辭如阿梨耶識分別現境自身資生器世間等一時而知非是前後大慧報佛如來亦復如是一時成熟諸衆生界置究竟天淨妙宮殿修行清淨之慶大慧辭如法佛報佛放諸光明有應化佛照諸世間大慧內身聖行光明法體照除世間有邪見亦復如是復次大慧法佛報佛說一切法自相同相故因自心現見薰習相故因妄妄分別戲論相縛故如所說法元如是體故大慧辭如幻師幻作一切種種形像諸愚癡人取以為實而彼諸像實不可得復次大慧虛妄法體依因緣法執著有實分別而生大慧如巧幻師依草木瓦石作種種事依於呪術人工之力成就一切衆生形色身分之相名幻人衆生見幻種種形色執著為人而實無人大

入楞伽經卷第二 第三分

慧衆生雖見以為是人元實人體大慧因緣法體隨心分別亦復如是以見心相種種幻故何以故以執著虛妄相因分別心薰習故大慧是名分別虛妄體相大慧是名報佛說法之相大慧法佛說法者離心相應體故內證聖行境界故大慧是名法佛說法之相

大慧應化佛所作應佛說施戒忍精進禪定智慧故陰界入解脫故建立識想差別行故說諸外道无色三摩跋提次第相大慧是名應佛所作應佛說法相復次大慧法佛說法者離攀緣故離能觀所觀故離所作相量相故大慧非諸凡夫聲聞緣覺外道境界故以諸外道執著虛妄我相故是大慧如是內身自覺修行勝相當如是學大慧汝當應離見自心相以為非實復次大慧聲聞乘有二種差別相謂於內身證得聖相故執著虛妄相分別有物故大慧何者聲聞內身證得聖相謂无常苦空無我境界故真諦離欲寂滅故陰界入故自相同相

入楞伽經卷第二 第三分

故內外不滅相故見如實法故得心三昧得心三昧已得禪定解脫三昧道果三摩跋提不退解脫故離不可思議薰習變易死故內身證得聖樂行法住聲聞地故大慧是名聲聞內身證得聖相大慧菩薩摩訶薩入諸聲聞內證聖行三昧樂法而不取寂滅空門樂不取三摩跋提樂以憐愍衆生故起本願力行是故雖知不取為究竟大慧是名聲聞內身證聖修行樂相大慧菩薩摩訶薩應當修行內身證聖修行樂門而不取著大慧何者是聲聞分別有物執著虛妄相謂於四大堅濕熱動相青黃赤白等相故無作者而有生故自相同相故對量相應阿舍先勝見善說故依彼法虛妄執著以為實有大慧是名聲聞分別有物執著虛妄相大慧菩薩摩訶薩於彼聲聞法應知而捨捨已入法無我相入法无我相已入人無我觀察无我相已次第入諸地大慧是名聲聞分別有物執著虛妄相大慧所言聲聞乘有二種相者我已說竟

今時聖者大慧菩薩摩訶薩復白佛言世尊世尊所說常不可思議法內身證聖境界法第一義法世尊外道亦說常不可思議因果此義云何佛告聖者大慧菩薩言大慧諸外道說常不可思議因果不成何以故大慧諸外道說常不可思議非因自相相應故大慧諸外道說常不可思議若因自相不相應者此何等法何等法了出是故外道不得言常不可思議復次大慧諸外道說常不可思議者若因自相相應者應成无常不可思議以有因相故是故不成常不可思議大慧我說常不可思議第一義常不可思議與第一義相因果相應以離有无故以內身證相故以有彼相故以第一義智因相相應以離有无故以非所作故與虛空涅槃寂滅辟喻相應故是故常不可思議是故大慧我說常不可思議不同外道常不可思議論大慧此常不可思議諸佛如來應正遍知實是常法以諸佛聖智內身證得故非心意意識境界故

大慧是故菩薩摩訶薩應當行常不可思議內身所證聖智行法復次大慧諸外道常不可思議元常法相因相應故是故無常非因相而得名故是故常法不可思議大慧若諸外道常不可思議見有无法而言常以彼法比智知言有常大慧我亦如是即因此法作有元見無常應常何以故以無因故復次大慧諸外道說若因相相應成常不可思議以彼外道言因自相有元故者同於兔角大慧此常不可思議諸外道等但虛妄分別何以故以無兔角但虛妄分別故自因相无故大慧我常不可思議惟內身證相因故離作有无法故是故常不可思議以元外相故常法相應故大慧諸外道等見無外相比智知常不可思議以為常彼外道等不知常不可思議自因相彼因相故以內身聖智證境界相故大慧彼外道於我法不應為說

別故分別一切法與非法而滅諸根不取未來境界妄取以為涅槃不知內身證修行法故不知阿梨耶識轉故大慧是故彼愚癡人說有三乘法而不能知唯心想寂滅得寂滅法是故彼无智愚人不知過去未來現在諸佛如來應正遍知自心見境界故執著外心境界故是故大慧彼愚癡人於世間生死輪中常轉不住

復次大慧過去未來現在一切諸佛皆說諸法不生何以故謂自心見有无法故若離有無諸法不生故是故大慧一切法不生大慧一切法如兔角驢馳等角大慧愚癡凡夫妄想分別分別諸法是故一切諸法不生大慧一切諸法自體相不生是內身證聖智境界故非諸凡夫自體分別二境界故大慧是阿梨耶識身資生器世間去來自體相故見能取可取轉故諸凡夫墮於生住滅二相心故分別諸法生有元故大慧汝應知如是法故

復次大慧我說五種乘性證法何等

八勝伽經第二卷 第三張身
為五一者聲聞乘性證法二者辟支
佛乘性證法三者如來乘性證法四
者不定乘性證法五者无性證法大
慧何者聲聞乘性證法謂說陰界
入法故說自相同相證智法故彼身
毛孔熙怡欣悅樂修相智不修因緣
不相離相故大慧是名聲聞乘性證
法故彼聲聞人邪見證智離起廣煩
惱不離无明熏習煩惱見已身證相
謂初地中乃至五地六地離諸煩惱
同已所離故熏習無明煩惱故墮
不可思議變易死故而作是言我生
已盡梵行已立所作已辦不受後有
如是等得入人無我乃至生心以為
得涅槃故大慧復有餘外道求證涅
槃而作是言覺知我人衆生壽命作
者受者丈夫以為涅槃大慧復有餘
外道見一切諸法依因而有涅槃心
故大慧彼諸外道無涅槃解脫以不
見法無我故大慧是名聲聞乘外道
性於非離處而生離想大慧汝應轉
此邪見修行如實行故
大慧何者辟支佛乘性證法謂聞說

緣覺證法舉身毛豎悲泣流淚不樂
憤悶故觀察諸因緣法故不著諸因
緣法故聞說自身種種神通若離若
合種種變化其心隨入故大慧是名
緣覺乘性證法汝當應知隨順緣覺說
大慧何者如來乘性證法大慧如來
乘性證法有四種何等為四一者證
實法性二者離實法證性三者自身
內證聖智性四者外諸國土勝妙莊
嚴證法性大慧若聞說此一二法時
但阿梨耶心見外身所依資生器世
間不可思議境界不驚不怖不畏者
大慧當知是證如來乘性人大慧是
名如來乘性證法人相
大慧何者不定乘性證法大慧若人
聞說此三種法於一一中有所樂者
隨順為說大慧說三乘者為發起修
行地故說諸性差別非究竟地為欲
建立畢竟能取寂靜之地故大慧彼
三種人離煩惱障熏習得清淨故見
法無我得三昧樂行故聲聞緣覺畢
竟證得如來法身故今時世尊重說
偈言

八勝伽經第三卷 第三張身
逆流修无漏 往來及不還 應供阿羅漢
是等心乱惑 我說於三乘 一乘及非乘
諸聖如實解 凡夫不能知 第一義法門
遠離於二教 建立於三乘 為住寂靜處
諸禪及无量 無色三摩提 元想定滅盡
亦皆心中無
大慧何者无性乘謂一闍提大慧一
闍提者無涅槃性何以故於解脫中
不生信心不入涅槃大慧一闍提者
有二種何等為二一者焚燒一切善
根二者憐愍一切衆生作盡一切衆
生界願大慧云何焚燒一切善根謂
謗善薩藏作如是言彼非隨順修多
羅毗尼解脫說捨諸善根是故不得
涅槃大慧憐愍衆生作盡衆生界願
者是為善薩大慧善薩方便作願若
諸衆生不入涅槃者我亦不入涅槃
是故善薩摩訶薩不入涅槃大慧是
名二種一闍提元涅槃性以是義故
決定取一闍提行大慧善薩白佛言
世尊此二種一闍提何等一闍提常
不入涅槃佛告大慧善薩摩訶薩一
闍提常不入涅槃何以故以能善知

入楞伽經卷第三 第三

一切諸法本來涅槃是故不入涅槃
非捨一切善根聞提何以大慧彼
捨一切善根聞提若值諸佛善知識
等發菩提心生諸善根便證涅槃何
以故大慧諸佛如來不捨一切諸衆
生故是故大慧菩薩一聞提常不入
涅槃

入楞伽經卷第二

癸卯歲高麗國大藏都監奉
勅彫造

入楞伽經卷第三

九魏天竺三藏菩提智支譯

集一切佛法品第三之三

復次大慧菩薩摩訶薩當善知三法
自體相大慧何等三法自體相一者
虛妄分別名字相二者因緣法體自
相相三者第一義諦法體相大慧何
者虛妄分別名字相謂從名字虛妄
分別一切法相是名虛妄分別名字
之相大慧何者因緣法體自相相大
慧因緣法體自相相者從境界事生
故大慧因緣法體境界事相諸佛如
來應正遍知說虛妄分別差別有二
種何等二種一者妄執名字戲論分
別二者妄執名字相分別境界相事
相大慧何者妄執名字相境界相事
相謂即彼内外法自相同相大慧是
名因緣法體二種自相相以依彼法
觀彼法生故大慧是名因緣法體自
相相大慧何者第一義諦法體相謂
諸佛如來離名字相境界相事相相
聖智修行境界行處大慧是名第一

義諦相諸佛如來藏心亦時世尊重
說偈言

名相分別事及法有二相 真如正妙智
是第一義相

大慧是名觀察五法自相法門諸佛
菩薩修行內證境界之相汝及諸菩
薩應如是學復次大慧菩薩摩訶薩
應當善觀二无我相大慧何等二種
一者人無我智二者法无我智云何
人无我智謂離我所陰界入聚故
無智業愛生故依眼色等虛妄執著
故自心現見一切諸根器身屋宅故
自心分別分別故分別分別識故如
河流種子燈焰風雲念念展轉前後
差別輕躁動轉如猿猴蠅等愛樂不
淨境界處故无厭足如火故因無始
來戲論境界熏習故猶如轉輪車輪
機關於三界中生種種色種種身如
幻起尸大慧如是觀諸法相巧方便
智是名善知人无我智境界之相大
慧何者法無我智謂如實分別陰界
入相大慧菩薩觀察陰界入等无我
我所陰界入聚因業愛繩迭共相縛

入楞伽經第三卷 第三品 是

因緣生故无我無作者大慧陰界入等雜同相異相故依不實相分別得名愚癡凡夫妄相分別以為有故非證實者見以為有大慧菩薩如是觀察心意意識五法體相一切雜故諸因緣無是名善知諸法无我智境界相大慧菩薩善知諸法無我已觀察真如修寂靜行不久當得初歡喜地善能觀察歡喜地已如是諸地次第轉明乃至得證法雲之地菩薩住彼法雲地已无量諸實間錯莊嚴大蓮華王座大寶官殿如實業幻境界所生而坐其上一切同行諸佛子等恭敬圍繞十方諸佛申手灌頂授於佛位如轉輪王灌太子頂過佛子地過佛子地已觀諸佛法如實修行於諸法中而得自在得自在已名得如來無上法身以見法无我故大慧是名如實法无我相大慧汝及諸菩薩應如是學

尔時聖者大慧菩薩復白佛言世尊世尊有无謗相願為我說世尊我及諸菩薩摩訶薩若聞得離有无邪見

入楞伽經第三卷 第四品 是

速得阿耨多羅三藐三菩提得阿耨多羅三藐三菩提已速離斷常邪見建立便能建立諸佛正法今時世尊復受聖者大慧菩薩摩訶薩請已而說偈言

心中無斷常 身資生住處 惟心愚元智 无物而見有

尔時世尊於此偈義復重宣說告聖者大慧菩薩言大慧有四種建立謗相何等為四一者建立非有相二者建立非正見相三者建立非有因相四者建立非有體相大慧是名四種建立大慧何者是謗相大慧觀察邪見所建立法不見實相即謗諸法言一切無大慧是名建立謗相

復次大慧何者建立非有相謂分別陰界入非有法无始來戲論非有實故而執著同相異相此法如是如是畢竟不異大慧依此無量世來煩惱薰習執著而起大慧是名建立非有相大慧何者建立非正見相大慧彼陰界入中无我人眾生壽者作者受者而建建立邪見謂有我等故大慧是

入楞伽經第三卷 第五品 是

名建立非正見相大慧何者建立非有因相謂初識不從因生本不生後時生如幻本无因物而有因眼色明念故識生已還滅大慧是名建立非有因相大慧何者建立非有體謗法相謂虛空滅涅槃无作無物建立執著大慧彼三法離有元故大慧一切諸法如兔馬驢驘角毛輪等故離有元建立相故大慧建立謗相者諸凡夫虛妄分別故不知但是心見諸法是有非聖人所見故大慧是名建立非有體謗法相大慧汝當遠離不正見建立謗法相故

復次大慧諸菩薩摩訶薩汝實知心意識五法體相二種無我為安隱眾生現種種類像如彼虛妄无所分別依因緣法而有種種大慧菩薩摩訶薩亦復如是依眾生現種種色如如意寶隨諸一切眾生心念於諸佛土大衆中現如幻如夢如響如水中月鏡中像故遠離諸法不生不滅非常非斷故現佛如來離諸聲聞緣覺衆故聞諸佛法即得元量百千萬億諸

深三昧得三昧已依三昧力從一佛土至一佛土供養諸佛示現生於諸官殿中讚歎三寶現作佛身菩薩聲聞大衆圍繞令諸一切衆生得入自心見境為說外境无物有物令得遠離建立有無法故今時世尊重說偈言佛子見世間惟心无諸法種類非身作得力自在成

今時聖者大慧菩薩復請佛言惟願世尊為我等說一切法空無生无二離自體相我及一切諸菩薩衆知諸法空無生无二離自體相已離有無妄想速得阿耨多羅三藐三菩提今時佛告聖者大慧菩薩摩訶薩言善哉善哉善哉大慧諦聽諦聽我當為汝廣分別說大慧白佛言善哉世尊唯然受教佛告大慧言大慧空者即是妄想法體句大慧依執者妄想法體說空无生無體相不二大慧空有七種何等為七一者相空二者一切法有物无物空三者行空四者不行空五者一切法無言空六者第一義聖智大空七者彼彼空大慧何者是

相空謂一切法自相同相空見造共積聚大慧觀察一法自相同相无一法可得離自相他相二相無相可住可見是故名為自相空大慧何者一切法有物無物空謂自體相實有法生大慧諸法自體相有无俱空是故名為自體相有物無物空大慧何者是行空謂諸陰等離我我所依因作業而得有生大慧是故名為行空大慧何者不行空謂陰法中涅槃未曾行大慧是名不行空大慧何者一切法無言空謂妄想分別一切諸法无言可說大慧是名一切法無言空大慧何者第一義聖智大空謂自身內證聖智法空離諸邪見熏習之過大慧是名第一義聖智大空大慧何者彼彼空謂何等何等法處彼法无此法有彼法有此法無是故言空大慧我昔曾為鹿母說殿堂空者無象馬牛羊等名為空有諸比丘等名為不空而殿堂堂體元比丘比丘體亦不可得而彼象馬牛羊等非餘處無大慧如是諸法自相同相亦不可

得離此彼處是故我言彼彼空大慧是名七種空大慧此彼彼空寂為淺大慧汝當應離彼彼空不須修習大慧言何者不生大慧自體不生而非不生依世諦故說名為生依本不生故言不生大慧言何者无體相大慧我說無體相者一切諸法體本不生是故我言諸法无體而相續體剎鄰不住大慧以見異異相故是故一切法無體相大慧言何者名為不二法相大慧二法相者謂日光影長短黑白彼如是等法各各別名不得言不二大慧如世間涅槃一切諸法各各有二大慧何等涅槃彼處无世間何處世間彼處元涅槃以異因相故是故我言一切諸法不二一切諸法不二者世間涅槃無二故是故汝應修學諸法空不生无體不二故今時世尊重說偈言我常說空法遠離於斷常生死如幻夢而彼業不失虚空及涅槃滅二亦如是凡夫分別生聖人離有无尔時佛告聖者大慧菩薩摩訶薩言

入楞伽經第三卷 第九分

終

大慧一切法空不生無體不二相入於諸佛如來所說修多羅中凡諸法門皆說此義大慧一切修多羅隨諸一切衆生心故分別顯示大慧譬如陽焰迷惑禽獸虛妄執著生於水想而陽焰中實無有水大慧一切修多羅說法亦復如是為諸凡夫自心分別令得歡喜非如實聖智在於言說大慧汝應隨順於義莫著所說名字章句

今時聖者大慧菩薩摩訶薩自佛言世尊世尊如修多羅說如來藏自性清淨具三十二相在於一切衆生身中為貪瞋癡不實垢染陰界入之所纏覆如無價寶垢衣所纏如來世尊復說常恒清涼不變世尊若外道亦說我有神我常在不變如來亦說如來藏常乃至不變世尊外道亦說有常作者不依諸緣自然而有周遍不滅若如是者如來外道說无老別佛告聖者大慧菩薩言大慧我說如來藏常不同外道所有神我大慧我說如來藏空實際涅槃不生不滅

入楞伽經第三卷 第十分

終

無相無願等文辭章句說名如來藏大慧如來應正遍知為諸一切愚癡凡夫聞說無我生於驚怖是故我說有如來藏而如來藏無所分別寂靜無相說名如來藏大慧未來現在諸菩薩等不應執著有我之相大慧譬如陶師依於泥聚微塵輪繩人切手木方便力故作種種器大慧如來世尊亦復如是彼法无我離諸一切分別之相智慧巧便說名如來藏或說無我或說實際及涅槃等種種名字章句示現如彼陶師作種種器是故大慧我說如來藏不同外道說有我相大慧我說如來藏者為諸外道執著於我攝取彼故說如來藏令彼外道離於神我妄想見心執著之處入三解脫門速得阿耨多羅三藐三菩提大慧以是我故諸佛如來應正遍知說如來藏是故我說有如來藏不同外道執著神我是故大慧為離一切外道邪見諸佛如來作如是說汝當修學如來无我相法今時世尊重說偈言

入楞伽經第三卷 第十一分

終

人我及於陰衆緣與微塵自性自在作唯心妄分別今時聖者大慧菩薩觀察未來一切衆生復請佛言唯願世尊為諸菩薩說如實修行法彼諸菩薩聞說如實修行之法便得成就如實修行者佛告聖者大慧菩薩摩訶薩言大慧有四種法得名為大如實修行者何等為四一者善知自心現見故二者速離生住滅故三者善解外法有元故四者樂修內身證智故大慧菩薩成就如是四法得成就大如實修行者大慧何者菩薩摩訶薩觀察三界但是一心作故離我我所故無動无覺故離取舍故從无始來虛妄執著三界薰習戲論心故種種色行常繫縛故身及資生器世間中六道虛妄現故大慧是名諸菩薩摩訶薩善知自心現見相大慧云何一切菩薩摩訶薩見速離生住滅法謂觀諸法如幻如夢故一切諸法自他二種無故不生以隨自心現知見故以无外法故諸識不起觀諸因緣無積聚故見諸三

界因緣有故不見內外一切諸法元
實體故速離生諸法不正見故入一
切法如幻相故菩薩令時名得初地
无生法忍速離心意意識五法體相
故得二無我如意意身乃至得第八
不動地如意意身故大慧菩薩白佛
言世尊何故名為如意意身佛告大
慧隨意速去如念即至无有障身名
如意身大慧言如意者於石壁山障
无量百千万億由旬念本所見種種
境界自心中縛不能障身自在而去
大慧如意身者亦復如是得如幻三
昧自在神力莊嚴其身進趣一切聖
智種類身无障身隨意而去以念本
願力境界故為化一切諸衆生故大
慧是名菩薩摩訶薩遠離生住滅相
大慧云何菩薩摩訶薩善解外法有
无之相所謂善解見一切法如陽焰
如夢如毛輪故因无始來執著種種
戲論分別妄想薰習故見一切法無
體相求證聖智境界修行故大慧是
名菩薩善解外法有无之相即成就
大如實修行者大慧汝應如是修學

尔時聖者大慧菩薩復請佛言世尊
唯願世尊說一切法因緣之相我及
一切諸菩薩等善知諸法因緣之相
離於有無不正見等妄想分別諸法
次第一時生過佛告大慧菩薩言大
慧一切諸法有於二種因緣集相所
謂內外大慧外法因緣集相者所謂
泥團等柱輪繩人功方便緣故則有
瓶生大慧如泥團等因緣生瓶如是
纒疊草席種種牙湮等入功生酪生酪
已生酥生酥已得醍醐大慧是名外
法因緣集相從下上上應知大慧何
者內法因緣集相相大慧所謂无明業
愛如是等法名內因緣集相大慧因
无明等陰界入等而得名為因緣集
相而諸凡夫虛妄分別各見別相大
慧因有六種何等為六一者當因二
者相續因三者相因四者作因五者
了因六者相待因大慧當因者作因
已能生內外法大慧相續因者能攀
緣內外法陰種子等文大慧相因者能
生相續次第作事而不斷絕大慧作
因者能作增上因如轉輪三大慧了

因者妄想事生已能顯示如燈照色
等大慧相待因者於滅時不見虛妄
生法相續事斷絕故大慧如是諸法
凡夫自心虛妄分別大慧是諸法非
次第生非一時生何以故大慧若一
切法一時生者因果不可差別以不
見因果身相故若次第生者未得身
相不得言次第生如未有子不能言
父大慧愚癡凡夫自心觀察次第相
續不相應故作如是言因緣次第緣所
緣緣增上緣等能生諸法大慧如是
次第諸法不生大慧虛妄分別取法
體相一時次第俱亦不生復次大慧
自心中見身及資生故大慧自相同
相外法无法是故次第一時不生大
慧但虛妄識生自心見故大慧汝當
應離不正見因緣生事次第一時生
法尔時世尊重說偈言
因緣无不生不生故不滅生滅因緣虛
非生亦非滅為遮諸因緣愚人虛妄取
有無緣不生故諸法不起以於三界中
熏習迷惑心因緣本自无不生亦不滅
見諸有為法石文虛空花轉可取能取

不生惑妄見 現本皆不生 緣本亦不有 如是等諸法 自體是空無 亦无有住處 為世間說有

今時聖者大慧菩薩復白佛言世尊 惟願世尊為我說名分別言語相心 法門我及一切諸菩薩等若得善知 名分別言語相心法門則能通達言 說及義二種之法速得阿耨多羅三 藐三菩提得菩提已言說及義能令 一切諸眾生等得清淨解佛告聖者 大慧菩薩言善哉大慧諦聽諦聽當 為汝說大慧菩薩言善哉世尊唯然 受教佛告大慧菩薩言大慧有四種 妄相言語何等為四一者相言說二 者夢言說三者妄執言說四者无始 言說大慧相言說者所謂執著色等 諸相而生大慧夢言說者念本受用 虛妄境界依境界夢覺已知依虛妄 境界不實而生大慧執著言說者念 本所聞所作業生大慧无始言說者 從无始來執著戲論煩惱種子熏習 而生大慧我言四種言說虛妄執著 者我已說竟

今時聖者大慧菩薩復以此義勸請 如來而白佛言世尊惟願為我重說 四種虛妄執著言語之相眾生言語 何處出云何出何因出佛告大慧菩 薩言大慧從頭問問鼻唇舌牙齒轉 故和合出聲大慧菩薩白佛言世尊 口中言語虛妄法相為異為不異佛 告大慧言大慧言語虛妄者非異非 不異何以故大慧因彼虛妄法相生 言語故大慧若言語異者應无因生 大慧若不異者言說不能了前境界 大慧說彼言語能了前境是故非異 非不異大慧復白佛言世尊為言語 即第一義為言語所說為第一義佛 告大慧非言語即第一義何以故大 慧為令第一義隨順言語入聖境界 故有言語說第一義非言語即第一義 大慧第一義者聖智內證非言語法 是智境界以言語能了彼境界大慧 說第一義言語者是生滅法念念不 住因緣和合有言語生大慧因緣和 合者彼不能了第一義何以故以無 自相他相故是故大慧言語不能了

第一義復次大慧隨順自心見外諸 法无法分別是故不能了知第一義 是故大慧汝當應離種種言語妄分 別相今時世尊重說偈言 諸法本虛妄 无有自體實 是故諸言語 不能說有無 空及與不空 凡夫不能知 諸法无體相 說眾生亦尔 分別有无法 猶如化夢等 觀察一切法 不住於涅槃 亦不住世間 如王長者等 為令諸子喜 泥作諸禽獸 先與虛偽物 後乃授實事 我說種種法 自法鏡像等 為諸佛子喜 後說明實際 今時聖者大慧菩薩復白佛言世尊 惟願世尊為諸菩薩及我身說離有 無一異俱不俱有无非有非無常无 常一切外道所不能行聖智自證覺 所行故離於自相同相法故入第一 義實法性故諸地次第上上清淨故 入如來地相故依本願力如如意寶 无量境界修行之相自然行故於一 切法自心現見差別相故我及一切 諸菩薩等離於如是妄想分別同相 異相速得阿耨多羅三藐三菩提得

菩提已與一切衆生安隱樂具足令
 滿足故佛告大慧善哉善哉善哉大
 慧汝為哀愍一切天人多所安樂多
 所饒益乃能問我如是之義善哉善
 哉善哉大慧諦聽諦聽我當為汝分
 別解說大慧白佛言善哉世尊唯然
 受教佛告大慧愚癡凡夫不能覺知
 惟自心見執著外諸種種法相以為
 實有是故虛妄分別一異俱不俱有
 无非有非無常无常因自心熏習依
 虛妄分別心故大慧譬如群獸為渴
 所逼依熱陽焰自心迷亂而作水想
 東西馳走不知非水大慧如是凡夫
 愚癡心見生滅法不善分別因無
 始末虛妄執著戲論熏習貪瞋癡熱
 迷心逼惱樂求種種諸色境界是故
 凡夫墮於一異俱不俱有无非有非
 無常无常等大慧譬如凡夫見捷闢
 逐城生實城想因無始末虛妄分別
 城想種子熏習而見大慧彼城非城
 非不城大慧一切外道亦復如是因無
 始末戲論熏習執著一異俱不俱有
 无非有非無常无常法故大慧以不

覺知唯是自心虛妄見故大慧譬如
 有人於睡夢中見諸男女象馬車步
 城邑聚落牛與水牛園林樹木種種
 山河泉流浴池宮殿樓閣種種莊嚴
 廣大嚴博見身在中忽然即覺覺已
 憶念彼廣大城大慧於意云何彼人
 名為聖者不大慧白佛言不也世
 尊佛告大慧一切愚癡凡夫外道邪
 見諸見亦復如是不能覺知諸法夢
 睡自心見故執著一異俱不俱有無
 非有非无常無常見故大慧譬如畫
 像不高不下大慧愚癡凡夫妄見諸
 法有高有下大慧於未來世依諸外
 道邪見心熏習增長虛妄分別一異
 俱不俱有無非有非无常無常等大
 慧而彼外道自壞壞也說如是言諸
 法不生不滅有取靜彼人名為不
 正見者大慧彼諸外道謗因果法因
 邪見故拔諸一切善根白法清淨之
 因大慧欲求勝法者當遠離說如是
 法人被人心著自他二見執虛妄法
 墮於誹謗建立邪心入於惡道大慧
 譬如目瞤見虛空中有於毛輪為他

說言如是如是青黃赤白汝何不觀
 大慧而彼毛輪本自无體何以故有
 見不見故大慧諸外道等依邪見心
 虛妄分別亦復如是虛妄執著一異
 俱不俱有无非有非無常无常生諸
 法故大慧譬如天雨生於水泡以頗
 梨珠愚癡凡夫妄見執著生於珠想
 東西走逐大慧而彼水泡非實珠非
 不實珠何以故有取不取故大慧彼
 諸外道因虛妄心分別熏習亦復如
 是說非有法依因緣生復有說言實
 有法滅復次大慧彼諸外道建立三
 種量五分論而作是言實有聖者內
 證之法離二自體虛妄分別故大慧
 離心意意識轉身便得聖種類身修
 行諸行无如是心離自心見取可
 取虛妄境界故入如來地自身進趣
 證聖智故如實修行者不生有無心
 故大慧如實修行必得如是境界故
 大慧若取有无法者即為我相人相
 衆生相壽者相故大慧說有无法自
 相同相是名應化佛說非法佛說復
 次大慧應化如來說如是法隨願愚

入楞伽經第三卷 第三十五 身 金

癡凡夫見心令其修行非為建立如實修行示現自身內證聖智三昧樂行故大慧辟如人見水中樹影大慧彼非影非不影何以故有樹則有無樹則無故大慧彼諸外道依邪見心妄想熏習亦復如是分別一異俱不俱有無非有非無常無常妄想分別故何以故以不覺知唯自心見故大慧辟如明鏡隨緣得見一切色像元分別心大慧彼非像非不像何以故有緣得見無緣不見故大慧愚癡凡夫自心分別見像有無大慧一切外道自心妄想分別鏡像亦復如是見一異俱不俱故大慧辟如諸響因山河水風空屋和合而聞彼所聞響非有非無何以故因聲聞聲故大慧一切外道自心虛妄分別熏習見一異俱不俱有無非有非無常無常故大慧辟如大地無諸草木園林之屬因於日光塵土和合見水波動而彼水波非有非無何以故令衆生歡喜不歡喜故大慧一切外道愚癡凡夫亦復如是因無始來煩惱心重習盛

入楞伽經第三卷 第三十六 身 金

論分別生住滅一異俱不俱有無非有非無常無常聖人內身證智門中示現陽焰渴愛事故大慧辟如有人依呪術力起於死尸機關木人無衆生體依毗舍闍力依巧師力作去來事而諸愚癡凡夫執著以為實有以去來故大慧愚癡凡夫諸外道等墮邪見心亦復如是執著虛妄一異俱不俱有無非有非無常無常故是故凡夫外道虛妄建立如是法故是故大慧汝當遠離生住滅一異俱不俱有無非有非無常無常故自身內證聖智分別故今時世尊重說偈言
五陰及於識 如水中樹影 如幻夢所見 莫依意識取 諸法如毛輪 如焰水迷惑 觀察於三界 一切如幻夢 若能如是觀 修行得解脫 如夏獸愛水 搖動迷惑心 彼處无水事 妄想見為水 如意識種子 境界動生見 愚癡取為實 彼法生如翳 无始世愚癡 取物如懷抱 如因指出指 誑凡夫入法 幻起尸機關 夢電雲恒尔 觀世間如是 斷有得解脫 陽焰虛空中 無有諸識知 觀諸法如是 不著一切法

入楞伽經第三卷 第三十七 身 金

諸識唯有名以諸相空無見陰如毛輪何法中分別盡及諸毛輪幻夢鍵闍婆火輪翳趣水實无而見有常無常及一二俱及不俱依無始因縛凡夫迷惑心鏡實水眼中現諸種種像妄見種種色如夢石女兒一切法无實如獸愛空水復次大慧諸佛如來說法離四種見謂離一異俱不俱故遠離建立有無故大慧一切諸佛如來說法依實際因緣寂滅解脫故大慧一切諸佛如來說法依究竟境界非因自性自在天無因微塵時不依如是說法
復次大慧諸佛說法離二種障煩惱障智障如大商主將諸人衆次第置於至未曾見究竟安隱寂靜之處次第安置令善解知乘地差別相故
復次大慧有四種禪何等為四一者愚癡凡夫所行禪二者觀察義禪三者念真如禪四者諸佛如來禪大慧何者愚癡凡夫所行禪謂聲聞緣覺外道修行者觀人无我自相同相骨鐫故无常苦無我不淨執著諸相如是如是決定畢竟不異故如是次第因

前觀次第上上乃至非想滅盡定解脫是名愚癡凡夫外道聲聞等禪大慧何者觀察義禪謂觀人無我自相相同相故見愚癡凡夫外道自相相同相自他相无實故觀法無我諸地行相義次第故大慧是名觀察義禪大慧何者觀真如禪謂觀察虛妄分別因緣如實知二種无我如實分別一切諸法无實體相余時不住分別心中得寂靜境界大慧是名觀真如禪大慧何者觀察如來禪謂如實入如來地故入內身聖智相三空三種樂行故能成辦衆生所作不可思議大慧是名觀察如來禪余時世尊重說偈言

凡夫等行禪 觀察義相禪 觀念真如禪 究竟佛淨禪 譬如日月形 鉢頭摩海相 虛空火盡相 行者如是觀 如是種種相 墮於外道法 亦墮於聲聞 辟支佛等行 捨離於一切 則是無所有 時十方刹土 諸佛真如手 摩彼行者頂 入真如无相 余時聖者大慧菩薩摩訶薩白佛言 世尊言涅槃涅槃者說何等法名為

涅槃佛告聖者大慧菩薩言大慧言涅槃者轉滅諸識法體相故轉諸見熏習故轉心意何梨耶識法相熏習名為涅槃大慧我及諸佛說如是涅槃法體境界空事故復次大慧言涅槃者謂內身聖智修行境界故離虛妄分別有无法故大慧云何非常謂離自相同相分別法故是故非常大慧云何非斷謂過去未來現在一切聖人內身證得故是故非斷大慧般涅槃者非死非滅大慧若般涅槃是死法者應有生縛故大慧若般涅槃是滅法者應有為法故是故大慧般涅槃者非死非滅如實修行者之所歸依故復次大慧言涅槃者非可取非可捨非此處非彼處非斷非常非一義非種種義是故名為涅槃復次大慧聲聞涅槃者觀察自相同相覺諸法故名聲聞涅槃大慧辟支佛涅槃者不樂憒鬧見諸境界無常无樂无我無淨不生顛倒相是故聲聞辟支佛非究竟處生涅槃想故復次大慧我為汝說二法體相何等為二

一者執著言說體相二者執著世事體相大慧何者執著言說體相謂无始來執著言說戲論熏習生故大慧何者執著世事體相謂不如實知唯是自心見外境界故復次大慧諸菩薩摩訶薩依二種願力住持故頂禮諸佛如來應正遍知問所疑事大慧何等二種願力住持一者依三昧三摩跋提住持力二者遍身得樂謂佛如來手摩其頂受位住持力大慧諸菩薩摩訶薩住初地中承諸如來住持力故名入菩薩大乘光明三昧大慧諸菩薩摩訶薩入大乘光明三昧已余時十方諸佛如來應正遍知與諸菩薩住持力故現身口意大慧如金剛藏菩薩摩訶薩及餘成就如是功德相菩薩摩訶薩大慧如是諸菩薩摩訶薩住初地中三昧三摩跋提力住持故以百千萬億劫修集善根力故次第如實知地對治法相成就菩薩摩訶薩至法雲地住大寶蓮華王宮殿師子座上坐同類菩薩摩訶薩眷屬圍繞寶冠瓔珞莊嚴其身如

入楞伽經卷第三 第三大法身

閻浮檀金瞻蔔日月光明勝蓮花色
今時十方一切諸佛各申其手運摩
蓮花王座上菩薩摩訶薩頂如得自
在王帝釋王轉輪王灌太子頂授位
故大慧彼授位菩薩及眷屬菩薩摩
訶薩依如來手摩頂故得遍身樂是
故言手摩菩薩頂住持力大慧是名
諸菩薩摩訶薩二種住持力大慧諸
菩薩摩訶薩依此二種住持力故能
觀察一切諸如來身大慧若無二種
住持力者則不得見諸佛如來大慧
若諸菩薩摩訶薩離二種住持力能
說法者愚癡凡夫亦應說法何以故
謂不以得諸佛住持力故大慧依諸
如來住持力故山河石壁草木園林
及種種伎樂城邑聚落宮殿屋宅皆
能出於說法之聲自然皆出伎樂之
音大慧何況有心者瞽盲瘖瘂無量
衆生離諸苦惱大慧諸佛如來住持
之力无量利益安樂衆生大慧菩薩
復白佛言世尊世尊何故諸菩薩摩
訶薩入三昧三摩跋提及入諸地時
諸佛如來應正遍知作住持力佛告

入楞伽經卷第三 第三大法身

大慧為謾魔業煩惱散亂心故為不
墮聲聞禪定地故為內身證如來地
故為增長內身證法故大慧是故諸
佛如來應正遍知為諸菩薩作住持
力大慧若諸如來不為菩薩作住持
力者墮諸外道聲聞辟支佛魔事故
不得阿耨多羅三藐三菩提是故諸
佛如來應正遍知大慈攝取諸菩薩
故今時世尊重說偈言

菩薩依自身本願力清淨入三昧授位
初地至十地諸佛人中尊神力作住持
入楞伽經卷第三

癸卯歲高麗國大藏都監奉
勅彫造

入楞伽經卷第四

身

九觀天竺三藏菩提留支譯

集一切佛法品第三之三

今時聖者大慧菩薩摩訶薩復自佛

言世尊如世尊說十二因緣從因生

果不說自心妄想分別見大而生世

尊若外道亦說從因生果世尊外

道說言從於自性自在天時微塵等

因生一切法如來亦說依於因緣而

生諸法而不說有自建立法世尊外

道亦說從於有無而生諸法世尊說

言諸法本元依因緣生生已還滅世

尊說從無明緣行乃至於有依眼識

等生一切法如世尊說亦有諸法无

因而生何以故不從因生一時無前

後生以因此法生此法世尊自說因

虛妄因法生此法非次第生故世尊

若外道說法勝而如來不如何以

故世尊外道說因无因緣能生果如

來說法因亦依果果亦依因若因

緣无因無果世尊若外彼此因果展

轉無窮世尊說言從此法生彼法若

尔无因生法佛告聖者大慧菩薩摩訶薩言大慧我今當說因此法生彼法不同外道所立因果無因之法亦從因生我不如是我說諸法從因緣生非無因緣亦不雜乱亦无展轉無窮之過何以故以无能取可取法故大慧外道不知自心見故執着能取可取之法不知不覺惟自心見内外法故大慧彼諸外道不知自心内境界故見有無物是故外道有如是過非我過也我常說言因緣和合而生諸法非无因生大慧復言世尊有言語說應有諸法世尊若無諸法者應不說言語世尊是故依言說應有諸法佛告大慧亦有无法而說言語謂兔角龜毛石女兒等於世間中而有言說大慧彼兔角非有非无而說言語大慧汝言以有言說應有諸法者此義已破大慧非一切佛國土言語說法何以故以諸言語惟是人心分別說故是故大慧有佛國土直視不瞬口無言語名為說法有佛國土直尔示相名為說法有佛國土但動眉

相名為說法有佛國土惟動眼相名為說法有佛國土笑名說法有佛國土欠咭名說法有佛國土咳名說法有佛國土念名說法有佛國土身名說法大慧如元瞬世界及眾香世界於普賢如來應正遍知彼菩薩摩訶薩觀察如來目不暫瞬得无生法忍亦得无量勝三昧法是故大慧汝不得言有言語說應有諸法大慧如來亦見諸世界中一切微虫蚊蠅等眾生之類不說言語共作自事而得成辦尔時世尊重說偈言
如虚空兔角 及與石女兒 無而有言說 如是妄分別 因緣和合法 愚癡分別生 不知如實法 輪迴三有中
尔時聖者大慧菩薩摩訶薩復白佛言世尊世尊說常語法依何等法作如是說佛告聖者大慧菩薩言大慧依迷惑法我說為常何以故大慧聖人亦見世間迷惑法非顛倒心大慧譬如陽焰火輪毛輪輒闍婆城幻夢水中月鏡中像世間非智慧者見有諸像顛倒見故有智慧者不生分別非

不見彼迷惑之事大慧有智慧者見彼種種迷惑之事不生實心何以故離有无法故
佛復告聖者大慧菩薩言大慧云何迷惑法離於有无謂諸愚癡凡夫見有種種境界如諸餓鬼大海恒河見水不見大慧是迷惑法不得言有不得言无大慧餘眾生見彼是水故不得言無大慧迷惑之事亦復如是以諸聖人離顛倒見故大慧言迷惑法常者以想差別故大慧因迷惑法見種種相而迷惑法不分別異差別是故大慧迷惑法常大慧云何迷惑法名之為實以諸聖人迷惑法中不生顛倒心亦不生實心大慧而諸聖人見彼迷惑法起少心想不生聖智事相大慧起少想者是謂凡夫非謂聖人大慧分別彼迷惑法顛倒非顛倒者能生二種性何等二種一者能生凡夫性二者能生聖人性大慧彼聖人性者能生三種差別之性所謂聲聞辟支佛佛國土差別性故大慧云何毛道凡夫分別迷惑法而能生彼

聲聞乘性大慧（勝如經第四卷 第六分 身）所謂執著彼迷惑法
自相同相能成聲聞乘性大慧是名
迷惑法能生能成聲聞乘性大慧云
何愚癡凡夫分別迷惑法而能生彼
辟支佛乘性大慧（勝如經第四卷 第六分 身）所謂執著彼迷惑
法觀察諸法自相同相不樂憤鬧能
生辟支佛乘性大慧是名迷惑法能
生能成辟支佛乘性大慧云何智者
即分別彼迷惑之法能生佛乘性大
慧所謂見彼能見可見惟是自心而
不分別有無法故大慧如是觀察
迷惑之法能生能成如來乘性大慧
如是名為性義大慧何者一切毛道
凡夫即分別彼迷惑之法見種種事
能生世間所有乘性以觀察諸法如
是如是決定不異是故大慧彼迷惑
法愚癡凡夫虛妄分別種種法體大
慧彼迷惑法非是實事非不實事何
以故大慧聖人觀察彼迷惑法不虛
妄分別是故聖人能轉心意意識身
相離煩惱習故是故聖人轉彼迷惑
法名為真如大慧此名何等法大慧
此名真如法離分別法故大慧為此

義故我重宣說真如法體離分別法
彼真如中无彼虛妄分別法故大慧
菩薩復自佛言世尊彼迷惑法為有
為无佛告大慧彼迷惑法執著種種
相故名有大慧彼迷惑法於妄想中
若是有者一切聖人皆應不離執著
有无虛妄法故大慧如外道說十二
因緣有從因生不從因生此義亦如
是大慧言世尊若迷惑法如幻見者
此迷惑法異於迷惑以迷惑法能生
法故佛告大慧大慧非迷惑法生煩
惱過大慧若不分別迷惑法者不生
諸過復次大慧一切幻法依於人切
呪術而生非自心分別煩惱而生是
故大慧彼迷惑法不生諸過惟是愚
癡人見迷惑法故大慧愚癡凡夫執
著虛妄微細之事而生諸過非謂聖
人今時世尊重說偈言
聖不見迷惑世間亦无實迷惑即是實
實法次迷惑捨離諸迷惑若有相生者
即彼是迷惑不淨猶如翳
復次大慧汝不得言幻是無故一切
諸法亦无如幻大慧言世尊為執著

諸法如幻相故言諸法如幻為執著
諸法顛倒相故言諸法如幻也世尊
若執著諸法如幻相者世尊不得言
一切法皆如幻相若執著諸法顛倒
相故言如幻者不得言一切法如幻
何以故世尊色有種種因相見故世
尊无有異因色有諸相可見如幻是
故世尊不得說言執著諸法一切如
幻佛告大慧非謂執著種種法相說
言諸法一切如幻大慧諸法顛倒速
滅如電故言如幻大慧一切諸法譬
如電光即見即滅凡夫不見大慧一
切諸法亦復如是以一切法自心分
別同相異相以不能觀察故不如實
見以妄執著色等法故今時世尊重
說偈言
非見色等法說言无幻法故不違上下
我說一切法不見有本性如幻无生體
大慧菩薩復自佛言世尊如世尊說
諸法不生復言如幻將元世尊前後
所說自相違耶以如來說一切諸法
不如幻故佛告大慧我說一切法不
生如幻者不成前後有相違過何以

故以諸一切愚癡凡夫不見生法及不生法不能覺知自心有無外法有無何以故以不能見不生法故大慧我如是說諸法前後元有相違大慧我遮外道建立因果義不相當是故我說諸法不生大慧一切外道愚癡群聚作如是說從於有無生一切法不說自心分別執著因緣而生大慧我說諸法有亦不生無亦不生是故大慧我說諸法不生不滅大慧我說一切諸法有者護諸弟子令知二法何等為二一者攝取諸世間故二者為護諸斷見故何以故以依業故有種種身攝六道生是故我說言有諸法攝取世間大慧我說一切法如幻者為令一切愚癡凡夫畢竟能離自相同相故以諸凡夫癡心執著墮於邪見以不能知但是自心虛妄見故令離執著因緣生法是我說一切諸法如幻如夢元有實體何以故若不如是說者愚癡凡夫執邪見心欺誑自身及於他身難如實見一切法故大慧云何住如實見謂入自心見

諸法故亦時世尊重說偈言

如汝言諸法一切不生者是則謗因果不生如實見我說有生法攝受諸世間見諸法同幻不取諸見相

復次佛告聖者大慧菩薩言大慧我

今為諸菩薩摩訶薩說名身字身相

以諸菩薩善知名身字身相故依名

身字身相速得阿耨多羅三藐三菩提

得菩提已為衆生說名身字身相大

慧菩薩白佛言善哉世尊惟願速說

大慧何者名身謂依何等何等法作

名名身事物名異義一大慧是名我

說名身大慧何者是身身謂義事決

定究竟見義故大慧是名我說句身

大慧何者是字身謂文句畢竟故大

慧復次名身者依何等法了別名身

能了知自形相故大慧復次名身者

謂句事畢竟故大慧復次名身者所

謂諸字從名差別從阿字乃至呵字

名為名身大慧復次字身者謂聲長

短音韻高下名為字身大慧復次句

身者謂巷路行迹如人象馬諸獸行

迹等得名為句大慧復次名字者謂

无色四陰依名而說大慧復次名字

相者謂能了別名字相故大慧是名

名身字身相大慧如是名身字身相汝

應當學為人演說今時世尊重說偈言

名身與身及字身差別凡夫癡計著

如象溺深泥

復次大慧未來世中无智慧者以邪

見心不知如實法故因世間論自言

智者有智者問如實之法離邪見相

一異俱不俱而彼愚人作如是言是

問非是非正念問謂色等法常无常

為一為異如是涅槃有為諸行為一

為異相中所有能見所見為一為異

作者所作為一為異四大中色香味

觸為一為異能見所見為一為異泥

團微塵為一為異智者所知為一為

異如是等上上次第相上上無記置

答佛如是說是為謗我大慧而我不

說如是法者為遮外道邪見說故何

以故大慧外道等說謂身即命身異

命異如是等法外道所說是无記法

大慧外道迷於因果義故是故无記

非我法中名無記也大慧我佛法中

入楞伽經卷第四 第十一段

雖能見可見虛妄之想无分別心是故我法中無有置答諸外道等執著可取能取不知但是自心見法為彼人故我說言有四種問法无記置答非我法中大慧諸佛如來應正遍知為諸衆生有四種說言置答者大慧為待時故說如是法為根未熟非為根熟是故我說置答之義

復次大慧一切諸法若離作者及因不生以无作者故是我說諸法不生佛告大慧一切諸法無有體相大慧自佛言世尊何故一切諸法无實體相佛告大慧自智觀察一切諸法自相同相不見諸法是我說一切諸法无實體相佛告大慧一切諸法亦無取相大慧言世尊以何義故一切諸法亦无取相佛告大慧自相同相无法可取是我說無法可取佛告大慧一切諸法亦无捨相大慧言世尊何故諸法亦無捨相佛告大慧觀察自相同相无法可捨是我說一切諸法亦無捨相佛告大慧諸法不滅大慧言世尊何故一切諸法

入楞伽經卷第四 第十一段

不滅佛告大慧觀一切法自相同相无體相故是我說諸法不滅佛告大慧諸法無常大慧言世尊何故一切諸法无常佛告大慧一切諸法常無常相常不生相是我說諸法无常復次大慧我說一切諸法无常大慧言世尊何故一切諸法无常佛告大慧以相不生以不生體相是故常无常是我說諸法无常亦時世尊重說偈言

記論有四種 直答反質答 分別答置答以制諸外道 有及非有生 僧佉毗世師而說悉无記 彼作如是說 正智慧觀察自性不可得 是故不可說 及說无體相 余時聖者大慧善薩摩訶薩白佛言 世尊惟願世尊為我等說須陀洹等行差別相我及一切菩薩摩訶薩等善知須陀洹等修行相已如實知須陀洹斯陀含阿那含阿羅漢等如是如是為衆生說衆生聞已入二無我相淨二種障次第進取地地勝相得如來不可思議境界修行得修行處已如如意寶隨衆生念受用境界身

入楞伽經卷第四 第十一段

口意行故佛告大慧言善哉善哉善哉大慧諦聽諦聽今為汝說大慧白佛言善哉世尊唯然聽受佛告大慧言大慧須陀洹有三種果差別大慧言何等三種佛告大慧謂下中上大慧何者須陀洹下謂三有中七返受生大慧何者為中謂三生五生入於涅槃大慧何者為上謂即一生入於涅槃大慧是三種須陀洹有三種結謂下中上大慧何者三結謂身見疑戒取大慧彼三種結上上勝進得阿羅漢果大慧身見有二種何等為二者俱生二者虛妄分別而生如圓緣分別法故大慧譬如依諸因緣法相虛妄分別而生實相彼因緣法中非有非無以分別有無非實相故愚癡凡夫執著種種法相如諸禽獸見於陽炎取以為水大慧是名須陀洹分別身見何以故以無智故无始世來虛妄取相故大慧此身見垢見人無我乃能遠離大慧何者須陀洹俱生身見所謂自身他身俱見彼二四陰无色色陰生時住於四大及四塵

等彼此因緣和合生色而須陀洹知已能離有無邪見斷於身見斷身見已不生貪心大慧是名須陀洹身見之相大慧何者須陀洹疑相謂得證法善見相已先斷身見及於二見分別之心是故於諸法中不生疑心復不心於餘尊者以為尊相為淨不淨故大慧是名須陀洹疑相大慧何者須陀洹戒取相謂善見受生憂苦相故是故不取戒相大慧戒取者謂諸凡夫持戒精進種種善行求樂境界生諸天中彼須陀洹不取是相而取自身內證迴向進趣勝處離諸妄想修無漏戒分大慧是名須陀洹戒取相大慧須陀洹斷三結煩惱離貪瞋癡大慧自佛言世尊世尊說衆多貪須陀洹離何等貪佛告大慧須陀洹遠離與諸女人和合不為現在樂種未來苦因速離打擲鳴抱巧視大慧須陀洹不生如是貪心何以故以得三昧樂行故大慧須陀洹遠離如是等貪非離淫離貪大慧何者斯陀含果相謂一往見色相現前生心非

虛妄分別想見以善見禪修行相故一往來世間便斷苦盡入於涅槃是名斯陀含大慧何者阿那含相謂於過去現在未來色相中生有無心以見使虛妄分別心諸結不生不來故名阿那含大慧何者阿羅漢相謂不分別思惟可思惟三昧解脫力通煩惱苦等分別心故名阿羅漢

大慧菩薩白佛言世尊說三種阿羅漢此說何等羅漢名阿羅漢世尊為說得決定寂滅羅漢為發菩提願善根忘善根羅漢為化應化羅漢佛告大慧為說得決定寂滅聲聞羅漢非餘羅漢大慧餘羅漢者謂曾修行菩薩行者復有應化佛所化羅漢本願善根方便力故現諸佛土生大衆中莊嚴諸佛大會衆故大慧分別去來說種種事遠離證果能思惟所思惟可思惟故以見自心為見所見說得果相復次大慧若須陀洹生如是心此是三結我離三結者大慧是名見三法墮於身見彼若如是不離三結大慧是故須陀洹不生如是心復次

大慧若欲遠離禪無量無色界者應當遠離自心見相遠離少相寂滅定三摩跋提相故大慧若不如是彼菩薩心見諸法以惟心故亦時世尊重說偈言

諸禪四無量 无色三摩提 少相寂滅定 一切心中无 逆流修無漏 及於一往來 往來及不還 羅漢心迷沒 思可思能思 速離見真諦 惟是虛妄心 能知得解脫 復次大慧有二種智何等為二一者觀察智二者虛妄分別取相住智大慧何者觀察智謂何等智觀察一切諸法體相離於四法无法可得是名觀察智大慧何者四法謂一異俱不俱是名四法大慧若離四法一切法不可得大慧若欲觀寧一切法者當依四法而觀諸法大慧妄想分別取相住智者所謂執著堅熱濕動虛妄分別四大相故執著建立因辟喻相故建立非實法以為實大慧是名虛妄分別執著取相住持智大慧是名二種智相大慧諸菩薩摩訶薩畢竟知此二相進趣法无我相善知真實

入楞伽經第四卷 第七次發身

卷

智地行相知已即得初地得百三昧依三昧力見百佛見百菩薩能知過去未來各百劫事照百佛世界照百佛世界已善知諸地上上智相以本願力故能奮迅示現種種神通於法雲地中依法雨授位證如來內究竟法身智慧地依十無量善根願轉為教化衆生種種應化自身示現種種光明以得自身修行證智三昧樂故

復次大慧菩薩摩訶薩應善知四大及四塵相大慧云何菩薩善知四大及四塵相大慧菩薩摩訶薩應如是修行所言實者謂元四大處觀察四大本來不生如是觀已復作是念言觀察者惟自心見虛妄覺知以見外塵无有實物惟是名字分別心見所謂三界離於四大及四塵相見如是已離四種見見清淨法離我我所住於自相如實法中大慧住自相如實法中者謂住建立諸法無生自相法中大慧於四大中云何有四塵大慧謂妄想分別系軟濕潤生內外水大慧妄想分別煖增長力生內外火

入楞伽經第四卷 第七次發身

大大慧妄想分別輕轉動相生內外風大大慧妄想分別所有堅相生內外地大大慧妄想分別內外共虛空生內外想以執著虛妄內外邪見五陰聚落四大及四塵生故佛告大慧識能執著種種境界樂求異道取彼境界故大慧四大有四謂色香味觸大慧四大元因何以故謂地自體形相長短不生四大相故大慧依形相大小上下容貌而生諸法不離形相大小長短而有法故是故大慧外道虛妄分別四大及四塵非我法中如此分別復次大慧我為汝說五陰體相大慧何者五陰相謂色受想行識大慧四陰無色相謂受想行識大慧色依四大生四大彼此不同相大慧无色相法同如虛空云何得成四種數相大慧譬如虛空離於數相而虛妄分別此是虛空大慧陰之數相離於諸相離有無相離於四相愚癡凡夫說諸數相非謂聖人大慧我說諸相如幻種種形相離一二相依假名說如夢鏡像不離所依大慧如聖人

入楞伽經第四卷 第七次發身

智修行分別見五陰虛妄大慧是名五陰无五陰體相大慧汝今應離如是虛妄分別之相離如是已為諸菩薩說離諸法相寂靜之法為遮外道諸見之相大慧說寂靜法得證清淨無我之相入遠行地入遠行地已得无量三昧自在如意生身故以得諸法如幻三昧故以得自在神通力修行進趣故隨一切衆生自在用如大地故大慧譬如大地一切衆生隨意而用大慧菩薩摩訶薩隨衆生用亦復如是復次大慧外道說有四種濕脥何等為四一者自體相濕脥二者種種相有元濕脥三者自覺體有無濕脥四者諸陰自相同相斷相續體濕脥大慧是名外道四種濕脥非我所說大慧我所說者見虛妄境界分別識滅名為濕脥大慧白佛言世尊世尊可不說八種識耶佛告大慧我說八種識大慧言若世尊說八種識者何故但言意識轉滅不言七識轉滅佛告大慧以依彼念觀有故轉識滅七識

亦滅復次大慧意識執著取境界生
生已種種熏習增長阿梨耶識共意
識故離我我所相著虛妄空而生分
別大慧彼二種識無差別相以依
阿梨耶識因觀自心見境妄想執著
生種種心猶如束竹迭共為因如大
海波以自心見境界風吹而有生滅
是故大慧意識轉滅七種識轉滅介
時世尊重說偈言

我不取涅槃 亦不捨作相 轉滅虛妄心
故言得涅槃 依彼因及念 意趣諸境界
識與心作因 為識之所依 如水流枯竭
波浪則不起 如是意識滅 種種識不生
復次大慧我為汝說虛妄分別法體
差別相及諸菩薩摩訶薩善分別
知虛妄法體差別之相離分別所分
別法善知自身內修行法遠離外道
能取可取境界遠離種種虛妄分別
因緣法體相遠離已不復分別虛妄
之相大慧何者虛妄分別法體差別
之相大慧虛妄分別自體差別相有
十二種何等為十二一者言語分別
二者可知分別三者相分別四者義

分別五者實體分別六者因分別七
者見分別八者建立分別九者生分
別十者不生分別十一者和合分別
十二者縛不縛分別大慧是名分別
自體相差別法相大慧言語分別者
謂樂著種種語言語美妙者聲大慧是
名言語分別大慧可知分別者謂作
是思惟應有前法實事之相聖人修
行知依彼法而生言語如是分別大
慧是名可知分別大慧相分別者謂
即彼可知境界中熱濕動堅種種相
執以為實如空陽焰諸禽獸見生於
水想大慧是名相分別大慧義分別
者謂樂金銀等種種實境界大慧是
名義分別大慧自體分別者謂專念
有法自體形相此法如是如是不異
非正見見分別大慧是名自體分別
大慧因分別者謂何等何等因何等
何等緣有無了別因相生了別相大慧
是名因分別大慧見分別者謂有無一
異俱不俱邪見外道執著分別大慧
是名見分別大慧建立分別者謂取
我我所相說虛妄法大慧是名建立

分別六慧生分別者謂依眾緣有元
法中生執著心大慧是名生分別大
慧不生分別者謂一切法本來不生
以本無故依因緣有而無因果大慧
是名无生分別大慧和合分別者謂
何等何等法和合如金縷共何等何
等法和合如金縷和合大慧是名和
合分別大慧縛不縛分別者謂縛因
執著如所縛大慧如人方便結繩作
結結已還解大慧是名縛不縛分別
大慧是名虛妄分別法體差別之相
以此虛妄分別法體差別之相一切
凡夫執著有無故執著法相種種因
緣是故大慧分別法體差別之相見
種種法執著為實如依於幻見種種
事凡夫分別知異於幻有如是法大
慧我於種種法中不異幻說亦非不
異何以故若幻異於種種法者不應
因幻而生種種若幻即是種種法者
不應異見此是幻此是種種而見差
別是故我說不異非不異是故大慧
汝及諸菩薩摩訶薩莫分別幻有實
無實余時世尊重說偈言

入楞伽經卷第四 第三十五

心依境界縛知覺隨境生於寂靜勝處
生平等智慧妄想分別有於緣法則無
取虛妄迷亂不知他力生種種緣生法
即是幻不實彼有種種想妄分別不成
彼想則是過皆從心縛生愚癡人無智
分別因緣法此諸妄想體即是緣起法
妄想有種種衆緣中分別世諦第一義
第三無因生妄想說世諦斷則聖境界
譬如修行者一事見種種彼法無種種
分別相如是如目種種瞿妄想見衆色
瞿无色非色無智取法介如真金離垢
如水離泥濁如虛空離雲真法淨亦介
元有妄想法因緣法亦無取有及謗元
分別觀者見妄想若元實因緣法若實
離因應生法實法生實法因虛妄名法
見諸因緣生想名不相離如是生虛妄
虛妄本元實則度諸妄想然後知清淨
是名第一義妄想有十二緣法有六種
內身證境界彼元有差別五法為真實
及三種亦介修行者行此不離於真如
衆生及因緣名分別彼法彼諸妄想相
從彼因緣生真實智善觀元緣無妄想
第一義無物云何智分別若真實有法

入楞伽經卷第四 第三十六

遠離於有無若離於有無云何有二法
分別二法體二種法體有虛妄見種種
清淨聖境界見妄想種種因緣中分別
若異分別者則墮於外道妄想說妄想
因見和合生離二種妄想即是真實法
今時大慧菩薩摩訶薩復自佛言世
尊惟願為說自身內證聖智修行相
及一乘法不由於他遊行一切諸佛
國土通達佛法佛告聖者大慧菩薩
言善哉善哉善哉大慧諦聽諦聽當
為汝說大慧言善哉世尊唯然受教
佛告大慧菩薩摩訶薩離阿含名字
法諸論師所說分別法相在寂靜處
獨坐思惟自內智慧觀察諸法不隨
他教離種種見虛妄之相當勤修行
入如來地上上證智大慧是名自身
內證聖智修行之相大慧更有三界
中修一乘相大慧何者一乘相大慧
如實覺知一乘道故我說名一乘大
慧何者如實覺知一乘道相謂不分
別可取能取境界不生如是諸法相
住以不分別一切諸法故大慧是名
如實覺知一乘道相大慧如是覺知

入楞伽經卷第四 第三十七

一乘道相一切外道聲聞辟支佛梵
天等未曾得知惟除於我大慧故我
說名一乘道相大慧白佛言世尊世
尊何因說於三乘不說一乘佛告大
慧聲聞緣覺不能自知證於涅槃是
故我說惟一乘道大慧以一切聲聞
辟支佛隨受佛教厭離世間自不能
得解脫是故我說惟一乘道復次大
慧一切聲聞辟支佛不離智障不離
業煩惱習氣障故是我說惟一乘
道大慧聲聞辟支佛未證法元我未得
離不可思議變易生是故我為諸聲
聞故說一乘道大慧聲聞辟支佛若
離一切諸過熏習得證法無我今時
離於諸過三昧无漏醉法覺已修行
出世間无漏界中一切功德修行已
得不可思議自在法身今時世尊重
說偈言
元乘及梵乘聲聞緣覺乘諸佛如來乘
我說此諸乘以心有生滅諸乘非究竟
若彼心滅盡元乘及衆者無有乘差別
我說為一乘引導衆生故分別說諸乘
解脫有三種及二法無我不離二種障

速離具解脫 譬如海浮木 當隨波浪轉
諸聲聞亦然 相風所漂蕩 離諸隨煩惱
熏習煩惱縛 味著三昧樂 安住无漏界
元有究竟趣 亦復不退還 得諸三昧身
無量劫不覺 譬如醉人 酒消然後悟
得佛无上體 是我真法身
入楞伽經卷第四

癸卯歲高麗國大藏都監奉
勅彫造

入楞伽經卷第五

身

凡魏天生三藏菩提留支譯

佛心品第四

尔時佛告聖者大慧菩薩言大慧我
今為汝說意生身修行差別大慧諦
聽諦聽當為汝說大慧白佛言善哉
世尊唯然受教佛告大慧有三種意
生身何等為三一者得三昧樂三摩
跋提意生身二者如實覺知諸法相
意生身三者種類生無作行意生身
菩薩從於初地如實修行得上地
證智之相大慧何者菩薩摩訶薩得
三昧樂三摩跋提意生身謂第三第
四第五地中自心寂靜行種種行大
海心波轉識之相三摩跋提樂名意
識生以見自心境界故如實知有無
相大慧是名意生身相大慧何者如
實覺知諸法相意生身謂菩薩摩訶
薩於八地中觀察覺了得諸法无相
如幻等法悉無所有身心轉變得如
幻三昧及餘元量三摩跋提樂門元
量相力自在神通妙華莊嚴迅疾如

意猶如幻夢水中月鏡中像非四大
生似四大相具足身分一切修行得
如意自在隨入諸佛國土大衆大慧
是名如實覺知諸法相意生身大慧
何者種類生无作行意生身謂自身
內證一切諸法如實樂相法相樂故
大慧是名種類生無作行意生身大
慧汝當於彼三種身相觀察了知尔
時世尊重說偈言

我乘非大乘 非說亦非字 非諦非解脫
非无有境界 然乘摩訶衍 三摩提自在
種種意生身 自在華莊嚴

尔時聖者大慧菩薩復白佛言世尊
如世尊說善男子善女人行五無間
業世尊何等是五无間業而善男子
善女人行五無間入於元間佛告聖
者大慧菩薩言善哉善哉善哉大慧
諦聽諦聽當為汝說大慧白佛言善
哉世尊唯然受教佛告大慧五無間
者一者殺母二者殺父三者殺阿羅
漢四者破和合僧五者惡心出佛身
血大慧何者衆生母謂更受後生食
喜俱生如緣母立大慧何者為父謂

大智度論卷第三 集眾身 計數

无明為父生六入聚落大慧斷彼二種能生根本名殺父母大慧何者殺阿羅漢謂諸使如鼠毒發拔諸使忍根本不生大慧是名殺阿羅漢大慧何者破和合僧謂五陰異相和合積聚究竟斷破名為破僧大慧何者惡心出佛身血謂自相同相見外自心相八種識身依无漏三解脫門究竟斷八種識佛名為惡心出佛身血大慧是名內身五種無間若善男子善女人行此无間得名無間者无間者名證如實法故

復次大慧我為汝等說外五種無間之相諸善薩聞是義已於未來世不生疑心大慧何者是外五種无間謂殺父母羅漢破和合僧出佛身血行此無間者於彼三種解脫門中不能得證一一解脫除依如來力住持應化聲聞善薩如來神力為五種罪人讖悔疑心斷此疑心令生善根為彼罪人作應化說大慧若犯五種无間罪者畢竟不得證入道分除見自心准是虛妄離身資生所依住處分別

大智度論卷第五 第四段 計數

見我我所相於無量无边劫中遇善知識於異道身離於自心虛妄見過

尔時世尊重說偈言

貪愛名為母 无明則為父 了境識為佛 諸使為羅漢 陰聚名為僧 无間斷相續 更无有業間 得真如無間

尔時聖者大慧善薩復白佛言世尊

惟願為我說諸如來知覺之相佛告聖者大慧善薩摩訶薩言大慧如實

知人無我法无我如實能知二種障

故遠離二種煩惱大慧是名如來如實知覺大慧聲聞辟支佛得此法者

亦名為佛大慧是因緣故我說一乘

尔時世尊重說偈言

善知二無我 二障二煩惱 得不思議變 是名佛知覺

尔時聖者大慧善薩復白佛言世尊

世尊何故於大眾中說如是言我是

過去一切佛及說種種本生經我於

尔時作頂生王六牙大象鸚鵡鳥毗

耶婆仙人帝釋王善眼善薩如是等

百千經皆說本生佛告聖者大慧善薩摩訶薩言大慧依四種平等如來

大智度論卷第五 集眾身

應正遍知於大眾中唱如是言我於尔時作拘留孫佛拘舍牟尼佛迦葉佛何等為四一者字平等二者語平等三者法平等四者身平等大慧依此四種平等法故諸佛如來在於眾中說如是言大慧何者字平等謂何等字過去佛名佛我同彼字亦名為佛不過彼字與彼字等无異無別大慧是名字平等大慧何者諸佛語平等謂過去佛有六十四種微妙梵聲言語說法我亦六十四種微妙梵聲言語說法大慧未來諸佛亦以六十四種微妙梵聲言語說法不增不减不異无差別迦陵頻伽梵聲美妙大慧是名諸佛語平等大慧何者諸佛身平等大慧我及諸佛法身色身相好莊嚴无異無差別除依可度眾生彼彼眾生種種生處諸佛如來現種種身大慧是名諸佛身平等大慧云何諸佛法平等謂彼佛及我得三十七菩提分法十力四無畏等大慧是名諸佛法平等大慧依此四種平等法故如來於大眾中作如是說我

是過去頂生王等。爾時世尊重說偈言。迦葉拘留孫。拘都舍是我。說諸佛子等。依四平等故。

大慧菩薩復白佛言。世尊如來說言。我何等夜證大菩提。何等夜入般涅。縣我於中間。不說一字。佛言。非言世尊。依何等義說如是語。佛語非語。佛告大慧。言大慧。如來依二種法說如是言。何者。為二。我說如是一者。依自身內證法。二者。依本住法。我依此二法作如是言。大慧。云何依自身內證法。謂彼過去諸佛如來。所證得法。我亦如是證得。不增不減。自身內證諸境界。行離言語。分別相離。二種字故。大慧。何者。本住法。大慧。謂本行路平坦。譬如金銀真珠等寶。在於彼處。大慧。是名法性。本住處。大慧。諸佛如來出世。不出世法性。法界法住法相法證。常住如城。本道大慧。譬如有人行曠野中。見向本城平坦正道。即隨入城。入彼城已。受種種樂。作種種業。大慧。於意云何。彼人始作是道。隨入城耶。始作種種諸莊嚴耶。大慧。白佛不也。

世尊大慧。我及過去一切諸佛法性。法界法住法相法證。常住亦復如是。大慧。我依此義。於大眾中作如是說。我何等夜得大菩提。何等夜入般涅。縣此二中間。不說一字。亦不說當說。現說。爾時世尊重說偈言。

我何夜成道。何等夜涅槃。於此二中間。我都无所說。內身證法性。我依如是說。十方佛及我。諸法無差別。

爾時聖者大慧菩薩復請佛言。惟願世尊說一切法。有无相令。我及餘菩薩。大眾得聞。是已。雖有無相。疾得阿耨多羅三藐三菩提。佛告聖者大慧。菩薩言善哉。善哉。善哉。大慧。諦聽。諦聽。當為汝說。大慧。白佛言。善哉。世尊。唯然。受教。佛告大慧。世間人多墮於二見。何等二見。一者見有二。二者見無。以見有諸法。見无諸法。故非究竟法。生究竟想。大慧。云何世間墮於有見。謂實有因緣而生諸法。非不實有實有法。生非无法。生大慧。世間人如是說者。是名為說。無因无緣及謗世間。無因无緣而生諸法。大慧。世間人云何。

墮於無見。謂說言貪瞋癡實有貪瞋癡。而復說言无貪瞋癡。分別有無。大慧。若復有人作如是言。無有諸法。以不見諸物相。故大慧。若復有人作如是言。聲聞辟支佛。无貪无瞋无癡。復言先有此二人者。何等。人勝何等人。不如大慧。菩薩言。若人言。先有貪瞋癡。後時無此人。不如佛告大慧。善哉。善哉。善哉。大慧。汝解我問。大慧。非但言先實有貪瞋癡。後時言無。同衛世師等。是故不如大慧。非但不如滅一切聲聞辟支佛法。何以故。大慧。以實无內外諸法。故以非一非異。故以諸煩惱。非一非異。故大慧。貪瞋癡法。內身不可得。外法中亦不可得。无實體。故我不許大慧。我不許者。不許有貪瞋癡。是故彼人滅聲聞辟支佛法。何以故。諸佛如來。知寂靜法。聲聞緣覺。不見法。故以无能縛。所縛因。故大慧。若有能縛。必有所縛。若有所縛。必有能縛。因大慧。如是說者。名滅諸法。大慧。是名无法。相大慧。我依此義。餘經中說。寧起我見。如須弥山而起。憍慢。

不言諸法是空無也大慧增上憐人

入初如經第五卷 第七品 身

言諸法无者是滅諸法墮自相同相見故以見自心見法故以見外物無常故諸相展轉彼彼差別故以見陰界入相續體彼彼因展轉而生以自心虛妄分別是故大慧如此人者滅諸佛法尔時世尊重說偈言

有无是二邊以為心境界離諸境界法平等心寂靜無取境界法滅非有非無如真如本有彼是聖境界本无而有生已還復滅非有非无生彼不住我教非外道非佛非我亦非餘從因緣不成云何得言有若因緣不生云何而言無邪見論生法妄想計有元若知無所生亦知无所滅觀世慈空寂彼不墮有元尔時聖者大慧菩薩復白佛言世尊惟願如來應正遍知天人師為我及諸一切菩薩建立修行正法之相我及一切菩薩摩訶薩善知修行正法相已速得成就阿耨多羅三藐三菩提不隨一切虛妄覺觀魔事故佛告大慧菩薩言善哉善哉大慧諦聽諦聽我為汝說大慧言善哉世尊

唯然受教佛告大慧言大慧有二種

入初如經第五卷 第十品 身

法諸佛如來菩薩聲聞辟支佛建立修行正法之相何等為二一者建立正法初二者說建立正法相大慧何者建立正法相謂自身内證諸勝法相離文字語言章句能取无漏正戒諸證地修行相法離諸外道虛妄覺觀諸魔境界降伏一切外道諸魔顯示自身内證之法如實修行大慧是名建立正法之相大慧何者建立說法之相謂說九部種種教法離於一異有元取相先說善巧方便為令眾生入所樂處謂隨眾深信彼彼法說彼彼法大慧是名建立說法相大慧汝及諸菩薩應當修學如是正法尔時世尊重說偈言

建立内證法及說法相名若能善分別不隨他教相實无外諸法如凡夫分別若諸法虛妄何故取解脫觀察諸有為生滅等相續增長於二見不能知因緣涅槃難於識唯此一法實觀世間虛妄如幻夢芭蕉雖有貪瞋癡而無有作者從受生諸陰有皆如幻夢

尔時聖者大慧菩薩復請佛言世尊

入初如經第五卷 第十二品 身

惟願如來應正遍知為諸菩薩說不實妄想何等法中不實妄想佛告大慧菩薩言善哉善哉善哉大慧汝為安隱一切眾生饒益一切眾生安樂一切眾生哀愍一切世間天人請我此事大慧諦聽諦聽當為汝說大慧一言善哉世尊唯然受教佛告大慧一切眾生執著不實虛妄想者從見種種虛妄法生以著虛妄能取可取諸境界故入自心見生虛妄想故墮於有元二見朋黨非法聚中增長成就外道虛妄異見熏習故大慧以取外諸戲論義故起於虛妄心心數法猶如草束分別我我所法大慧以是義故生不實妄想大慧白佛言世尊若諸眾生執著不實虛妄想者從見種種虛妄法生執著虛妄能取可取一切境界入自心見生虛妄想墮於有元二見朋黨分別聚中增長成就外道虛妄異見熏習以取外諸戲論之義不實妄想起於虛妄心心數法猶如草束取我我所者世尊如彼彼依

外種種境界種種相隨有墮元明黨相中離有無見相世尊第一義諦亦應如是遠離阿含聖所說法遠離諸根速離建立三種之法譬喻因相世尊云何一處種種分別執著種種虛妄想生何故不著第一義諦虛妄分別而生分別世尊世尊如是說法非平等說无因而說何以故一處生一處不生故若世尊如是說者墮二明黨以見執著虛妄分別而生分別以世尊說如世幻師依種種因緣生種種色像以世尊自心虛妄分別以世尊言種種虛妄若有若无不可言說為難分別如是如來墮世間論入邪見心朋黨聚中佛告大慧我分別虛妄不生不滅何以故不生有無分別相故不見一切外有无故大慧以見自心如實見故虛妄分別不生不滅大慧我此所說准為愚癡凡夫而說自心分別分別種種隨先心生分別種種有相執著何以故若不說者愚癡凡夫不離自心虛妄覺知不離執著我我所見不離因果諸因緣過如

實覺知二種心故善知一切諸地行相善知諸佛自身所行內證境界轉五法體見分別相入如來地大慧因是事故我說一切諸眾生等執著不實虛妄生心自心分別種種諸義以是義故一切眾生知如實義而得解脫尔時世尊重說偈言
諸因及與緣從此生世間 妄想著四句
彼不知我說世有元不生 雖有無不生
云何愚分別依因緣生法 若能見世間
有元非有無轉於虛妄心 得真元我法
諸法本不生 故依因緣生 諸緣即是果
從果不生有 從果不生果 若尔有二果
若有二果者 果中果難得 離念及所念
觀諸有為法 見諸唯心法 故我說唯心
量體及形相 離緣及諸法 究竟有真淨
我說如是量 假名世諦我 彼則无實事
諸陰陰假名 假名非實法 有四種平等
相因生無我 如是四平等 是修行者法
轉一切諸見 離分別分別 不見及不生
故我說唯心 非有非无法 離有無諸法
如是離心法 故我說唯心 真如空實際
涅槃及法界 意身身心等 故我說唯心

分別依熏縛心依諸境生 眾生見外境
故我說唯心 可見外法无 心盡見如是
身資生住處 故我說唯心
尔時聖者大慧菩薩復自佛言世尊
如來說言如我所說汝及諸菩薩莫
著音聲言語之義世尊云何菩薩不
著言語之義世尊何者為言語何者
為義佛告聖者大慧菩薩言善哉善
哉善哉大慧當為汝說大慧言善哉
世尊唯然受教佛告大慧何者為聲
謂依元始熏習言語名字和合分別
因於喉鼻齒頰唇舌和合動轉出彼
言語分別諸法是名為聲大慧何者
為義善菩薩摩訶薩依聞思修聖智慧
力於空閑處獨坐思惟云何涅槃趣
涅槃道觀察內身修行境界地處
處修行勝相轉彼无始熏習之因大
慧是名善善善善解義相復次大慧云
何善善善善善善解言語義大慧善
善見言語聲義不一不異見義言語
聲不一不異大慧若言言語離於義
者不應因彼言語聲故而有於義而
義依彼言語了別大慧如依於燈了

別衆色入楞伽經卷第五 第三節大慧譬如有人然燈觀察種

種珍寶此處如是如是彼處如是如是

是大慧菩薩依言語聲證離言語入

自內身修行義故復次大慧一切諸

法不生不滅自性本來入於涅槃三

乘一乘五法心諸法體等同言語聲

義依衆緣取相隨有無見諸於諸法

見諸法體各住異相分別異相如是

分別已見種種法相如幻見種種分

別大慧譬如幻種種異分別非謂

聖人是凡夫見今時世尊重說偈言

分別言語聲建立於諸法以彼建立故
故墮於惡道五陰中無我我中无五陰
不如彼妄相亦復非是元凡夫妄分別
見諸法實有若如彼所見一切應見真
一切法若無染淨亦應无彼見無如是
亦非无所有

者不生滅相復次大慧識者墮於有

相無相墮彼有无種種相因大慧智

相者遠離有相無相有无因相名為

智相復次大慧集諸法者名為識相

不集諸法名為智相大慧智有三種

何等為三一者觀察自相同相二者

觀察生相滅相三者觀察不生不滅

相大慧何者世間智諸外道凡夫人

等執著一切諸法有元是名世間智

相大慧何者出世間智謂諸一切聲

聞緣覺虛妄分別自相同相是名出

世間智大慧何者出世間上上智謂
佛如來菩薩摩訶薩觀察一切諸法
寂靜不生不滅得如來地無我證法
離彼有无朋黨二見復次大慧所言
智者無障智相識者識彼諸境界相
復次大慧識者和合起作所作名為
識相無尋法相應名為智相復次大
慧无所得相名之為智以自內身證
得聖智修行境界故出入諸法如水
中月是名智相今時世尊重說偈言
識能集諸業智能了分別慧能得無相
及妙莊嚴境識為境界縛智能了諸境

无相及勝境入楞伽經卷第五 第七節是慧所住處心意及意識

遠離於諸相聲聞分別法非是諸弟子

寂靜勝進忍如來清淨智生於善勝智

遠離諸所行我有三種慧依彼得聖名

於彼想分別能聞於有元離於二乘行

慧離於境界取於有無想從諸聲聞生

能入唯是心智慧无垢相

復次大慧諸外道有九種轉變見何

等為九一者形相轉變二者相轉變

三者因轉變四者相應轉變五者見

轉變六者物轉變七者緣了別轉變

八者作法了別轉變九者生轉變大
慧是名九種轉變見依九種轉變見
故一切外道說於轉變從有元生大
慧何者外道形相轉變大慧譬如以
金作莊嚴具鐲釧環珞種種各異形
相雖殊金體不變一切外道分別諸
法形相轉變亦復如是大慧復有外
道分別諸法依因轉變大慧而彼諸
法亦非如是非不如是以依分別故
大慧如是一切轉變亦亦應知譬如
乳酪酒果等熟一一轉變一切外道
分別轉變亦復如是而無實法可以

轉變以自心見有无可取分別有無故大慧一切凡夫亦復如是以依自心分別而生一切諸法大慧無有法生无有法轉如幻夢中見諸色事大慧譬如夢中見一切事石女兒生死今時世尊重說偈言

轉變時形相四大種諸根中陰及諸取如是取非智因緣生世間佛不如是說因緣即世間如乳闍婆城

今時大慧菩薩摩訶薩復白佛言世尊惟願如來應正遍知善說一切諸法相續不相續相惟願善逝說一切法相續不相續相我及一切諸菩薩衆善解諸法相續不相續相善巧方便知已不墮執著諸法相續不相續相離一切法相續不相續言說文字妄想已得力自在神通遊化十方一切諸佛國土大衆之中陀羅尼門善印所印十盡句善轉所轉種種變化光明照耀譬如四大日月摩尼自然而行衆生受用速轉諸地惟自心見分別之相示一切法如幻如夢示入依止諸佛之地於衆生界隨其所應

而為說法攝取令住一切諸法如幻如夢離於有無一切所黨生滅妄想異言說義轉身自在往勝處生

佛告聖者大慧菩薩言善哉善哉善哉大慧諦聽諦聽當為汝說大慧白佛言善哉世尊唯然受教佛告大慧一切諸法相續不相續相者謂如聲聞執著義相續相執著相續緣執著相續有元執著相續分別生不生執著相續分別滅不滅執著相續分別乘非乘執著相續分別有為無為執著相續分別地地相執著相續分別自分別執著相續分別有無入外道邪黨執著相續大慧如是愚癡凡夫元量異心分別相續依此相續愚癡分別如墮作墮依自心見分別相續樂於和合自經他執著有無和合相續大慧然元相續無相續相以見諸法寂靜故大慧以諸菩薩見一切法無分別相是故名見一切菩薩寂靜法門復次大慧如實能知外一切法離於有無如實覺知自心見相以入无相自心相故大慧以見分別

有無法故名為相續以見諸法寂靜故名元相續無相續相元相續諸法相續無縛无脫墮於二見自心分別有縛有脫何以故以不能知諸法有無故復次大慧愚癡凡夫有三種相續何等為三謂貪瞋癡及受樂生以此相續故有後生大慧相續者衆生相續生於五道大慧斷相續者無相續无相續相復次大慧執著因緣相續故生於三有以諸識展轉相續不斷見三解脫門轉滅執著三有因識名斷相續今時世尊重說偈言

不實妄分別名為相續相能如實知彼相續網則斷若取聲為實如墮重自經自心妄想縛凡夫不能知

大慧菩薩復白佛言如世尊說以何等何等分別心分別何等何等法而彼彼法无彼如是如是體相惟自心分別世尊若惟自心分別非彼法相者如世尊說一切諸法應无染淨何以故如來說言一切諸法妄分別見無實體故佛告大慧如是如是如汝所說大慧而諸一切愚癡凡夫分別諸

法而彼諸法无如是相虛妄分別以
入行如修第三卷 第五身 六六
 為實有大慧彼是凡夫虛妄分別諸
 法體相虛妄覺知非如實見大慧如
 聖人知一切諸法自體性相依聖人
 智依聖人見依聖慧眼如如實知諸
 法自體大慧菩薩言世尊世尊如諸
 聖人等依聖智依聖見依聖慧眼非
 肉眼眼覺知一切諸法體相無如
 是相非如凡夫虛妄分別世尊云何
 愚癡凡夫轉虛妄相佛告大慧能如
 實覺知聖人境界轉虛妄識世尊彼
 癡凡夫非顛倒見非不顛倒見何以
 故以不能見聖人境界如實法體故
 以見轉變有元相故大慧白佛言世
 尊一切聖人亦有分別一切種種諸
 事元如是相以自心見境界相故世
 尊彼諸聖人見有法體分別法相以
 世尊不說有因不說無因何以故以
 薩有法相故餘人見境不如是見世
 尊如是說者有元窮過何以故以不
 覺知所有法相無自體相故世尊非
 因分別有法體相而有諸法世尊彼
 云何分別不如彼分別應如彼分別

世尊分別相異相自體相異相世尊
入行如修第三卷 第五身 六七
 而彼二種因不相似彼彼分別法體
 相異云何凡夫如此分別此因不成
 如彼所見世尊說言我為斷諸一切
 眾生虛妄分別心故作如是說如彼
 凡夫虛妄分別無如是法世尊何故
 遮諸眾生有元見事而執著實法聖
 智境界世尊復令一切眾生墮元見
 處何以故以言諸法寂靜無相聖智
 法體如是无相故佛告大慧我不說
 言一切諸法寂靜無相亦不說言諸
 法悉無亦不令其墮於元見亦不令
 著一切聖人境界如是何以故我為
 眾生離驚怖處故以諸眾生元始世
 來執著實有諸法體相是故我說聖
 人知法體相實有復說諸法寂靜無
 相大慧我不說言法體有元我說自
 身如實證法以聞我法修行寂靜諸
 法无相得見真如無相境界入自心
 見法遠離見外諸法有元得三解脫
 門得已以如實印善印諸法自身內
 證智慧觀察離有元見復次大慧善
 薩不應建立諸法不生何以故以建

立法同諸法有若不尔者同諸法无
入行如修第三卷 第五身 六八
 復次大慧因建立諸法有故說一切
 法於建立法中同何以故以彼建立
 不同一切法不生是故建立說一切
 法是言自破何以故以建立中无彼
 建立若不尔者彼建立亦不生以同
 諸法无差別相故是故建立諸法不
 生名為自破以彼建立三法五法和
 合有故離於建立有無不生大慧彼
 建立入諸法中不見有无法故大慧
 若彼建立諸法不生而作是言一切法
 不生大慧如是說者建立則破何以
 故離於建立有無相不可得故大慧
 是故不應建立諸法不生大慧以彼
 建立同彼一切不生法體是故不應
 建立諸法不生以有多過故大慧復
 有不應建立諸法不生何以故以三
 法五法彼彼因不同故大慧復有不
 應建立諸法不生何以故以彼三法
 五法作有為无常故是故不應建立
 一切諸法不生大慧如是不應建立
 一切法空一切諸法无實體相大慧
 而諸菩薩為眾生說一切諸法如幻

如夢以見不見相故以諸法相迷惑見智故是故應說如幻如夢除遮一切愚癡凡夫離驚怖處大慈以諸凡夫墮在有元邪見中故以凡夫聞如幻如夢生驚怖故諸凡夫聞生驚怖已遠離大乘亦時世尊重說偈言
無自體元識 無阿梨耶識 愚癡妄分別
邪見如死屍 一切法不生 餘見說不成
諸法畢不生 因緣不能成 一切法不生
莫違如是法 同不同不成 是故建立壞
辟如目有瞽 虛妄見毛輪 分別於有無
凡夫虛妄見 三有惟假名 元有實法體
執假名為實 凡夫起分別 相事及假名
心意所受用 佛子能遠離 住寂境界行
元水取水相 諸獸癡妄心 凡夫見法亦
聖人則不然 聖人見清淨 三脫三昧生
遠離於生滅 得元郭寂靜 修行元所有
亦復不見無 有無法平等 是故生聖果
有無法云何 云何成平等 以心不能見
內外法無常 若能滅彼法 見心成平等
亦時聖者大慈菩薩自佛言世尊如
世尊說智慧觀察不能見前境界諸
法亦時善知惟是內心意意識如

實覺知元法可取亦無能取是故智亦不能分別而取世尊若言智慧不能取者為見諸法自相同相異異法相種種異法體不同故智不能知為見諸法種種體相不可異故智不能知為是山巖石壁牆幕樹林草木地水火風之所障故智不能知為是極速極近處故智不能知為是若小為是盲冥諸根不具智不能知世尊若一切法異異法相異異法體自相同相種種不同故智不能知者世尊若亦彼智非智何以故不能知前實境界故世尊若一切法種種體相自相同相不見異故智不能知者若亦彼智不得言智何以故實有境界不能知故世尊有前境界如實能見名之為智若為山巖石壁牆幕樹林草木地水火風極速極近若小盲冥諸根不具不能知見者彼智元智有實境界而不知故佛告大慈如汝所說言無智者是我不然何以故有實智故大慈我不依汝如是之說境界是元惟自心見我說不覺惟是自心見諸

外物以為有無是故智慧不見境界智不見者不行於心是故我說入三解脫門智亦不見而諸凡夫無始世來虛妄分別依戲論熏習熏彼心故如是分別見外境界形相有元為離如是虛妄心故說一切法惟自心見執著我我所故不能覺知但是自心虛妄分別是智是境界分別是智是境界故觀察外法不見有元墮於斷見亦時世尊重說偈言
有諸境界事 智慧不能見 彼無智非智
虛妄見者說 言諸法元量 是智不能知
障界及遠近 是妄智非智 若小諸根冥
不能生智慧 而實有境界 彼智非實智
復次大慈愚癡凡夫依無始身戲論煩惱分別煩惱幻舞之身建立自法執著自心見外境界執著名字章句言說而不能知建立正法不修正行離四種句清淨之法大慈菩薩言如是如是如是世尊如世尊說世尊為我說所說法建立法相我及一切諸菩薩等於未來世善知建立說法之相不迷外道邪見聲聞辟支佛不正

見法佛告大慧菩薩言善哉善哉善哉

入楞伽經第五卷 第三身

善哉世尊唯然受教佛告大慧有二

種過去未來現在如來應正遍知所

說法何等為二一者建立說法相二

者建立如實法相大慧何者建立說

法相謂種種功德修多羅優波提舍

隨眾生信心而為說法大慧是名建

立說法相大慧何者建立如實法相

謂依何等法而修正行遠離自心虛

妄分別諸法相故不墮一異俱不俱

勿黨聚中離心意意識內證聖智所

行境界離諸因緣相應見相離一切

外道邪見離諸一切聲聞辟支佛見

離於有無二勿黨見大慧是名建立

如實法相大慧汝及諸菩薩摩訶薩

應當修學今時世尊重說偈言

我建立二法 說法如實法 依名字說法 為實修行者

入楞伽經卷第六

身

盧迦耶陀品第五

九親天竺三歲菩提留支譯

今時聖者大慧菩薩復白佛言世尊

如來應正遍知一時說言盧迦耶陀

種種辯說若有親近供養彼人攝受

欲食不攝法食世尊何故說言盧迦

耶陀種種辯說親近供養攝受欲食

不攝法食佛告大慧盧迦耶陀種種

辯才巧妙辭句迷惑世間不依如法

說不依如義說但隨世間愚癡凡夫

情所樂故說世俗事但有巧辭言章

美妙失於正義大慧是名盧迦耶陀

種種辯才樂說之過大慧盧迦耶陀

苦惱一切苦聚以依種種名字章句

譬喻巧說迷誑人故大慧釋提桓因

廣解諸論自造聲論彼盧迦耶陀有

一弟子證世間通詣帝釋天宮建立

論法而作是言憍尸迦我共汝賭與

汝論義若不如者要受屈伏今諸一

切天人知見即共立要我若勝汝要

當打汝千輻輪碎我若不如從頭至

足節節分解以謝於汝作是要已盧

迦耶陀弟子現作龍身共得提桓因

論義以其論法即能勝彼釋提桓因

令其屈伏即於天中打千輻輪車碎

如微塵即下人間大慧盧迦耶陀婆羅

入楞伽經第六卷 第三身

門如是種種譬喻相應乃至現畜生

身依種種名字迷惑世間天人阿脩

羅以諸世間一切眾生執著生滅法

故何況於人大慧以是義故應當遠

離盧迦耶陀婆羅門以因彼說能生

苦聚故是故不應親近供養恭敬諦

請盧迦耶陀婆羅門大慧盧迦耶陀

婆羅門所說之法但見現前身智境

界依世名字說諸邪法大慧盧迦耶

陀婆羅門所造之論有百千偈後世

入楞伽經卷第五

癸卯歲高麗國大藏都監奏

勅彫造

末世分為多部各各異名依自心見
因所造故大慧盧迦耶陀婆羅門无
有弟子能受其論是故後世分為多
部種種異名大慧諸外道等內心無
有如實解故依種種因種種異解隨
自心造而為人說執著自在因等故
大慧一切外道所造論中无如是法
准是一切盧迦耶陀種種因門說百
千万法而彼不知是盧迦耶陀大慧
菩薩自佛言世尊若一切外道惟說
盧迦耶陀依於世間種種名字章句
譬喻執著諸因者世尊十方一切國
土衆生天人阿修羅集如來所如來
亦以世間種種名字章句譬喻說法
不說自身內智證法若亦同一切
外道所說不異佛告大慧我不說於
盧迦耶陀亦不說言諸法不來不去
大慧我說諸法不來不去大慧何者
名來大慧所言來者名為生聚以和
合生故大慧何者名去大慧所言去
者名之為滅大慧我說不去不來名為
不生不滅大慧我說不同彼外道法何
以故以不執著外物有无故建立說

於自心見故不住二處不行分別諸
相境界故以如實知自心見故不生
自心分別見故以不分別一切相者
而能入空無相无願三解脫門名為
解脫大慧我念過去於一處住念時
有一盧迦耶陀大婆羅門來詣我所
而請我言瞿曇一切作耶大慧我時
答言婆羅門一切作者此是第一盧
迦耶陀婆羅門言瞿曇一切不作耶
我時答言婆羅門一切不作者是第
二盧迦耶陀如是一切常一切无常
一切生一切不生我時答言婆羅門
是第六盧迦耶陀大慧盧迦耶陀復
問我言瞿曇一切耶一切異耶一
切俱耶一切不俱耶一切諸法依於
因生見種種因生故大慧我時答言
婆羅門是第十一盧迦耶陀大慧彼
復問我瞿曇一切無記耶一切有記
耶有我耶无我耶有此世耶无此世
耶有後世耶無後世耶有解脫耶无
解脫耶一切空耶一切不空耶一切
虛空耶非緣滅耶涅槃耶瞿曇作耶
非作耶有中陰耶无中陰耶大慧我

時答言婆羅門如是說者一切皆是
盧迦耶陀非我所說是汝說法婆羅
門我說因无始戲論虛妄分別煩惱
熏習故說彼三有以不覺知唯是自
心分別見有非見外有如外道法大
慧外道說言我根意義三種和合能
生於知婆羅門我不如是我說因
亦不說无因唯說自心分別見有可
取能取境界之相我說假名因緣集
故而生諸法非汝婆羅門及餘境界
以隨我見故大慧涅槃虛空緣滅不
成三數何況言作有作不作大慧復
有盧迦耶陀婆羅門來問我言瞿曇
此諸世間无明愛著因故生三有耶
無因耶我時答言婆羅門此二法盧
迦耶陀非我法耶婆羅門復問我言
瞿曇一切法隨自相耶同相耶我時
答言婆羅門此是盧迦耶陀非我法
耶婆羅門但有心意識執著外物
皆是盧迦耶陀非我法耶大慧盧迦
耶陀婆羅門復問我言瞿曇頗有法
非盧迦耶陀耶瞿曇一切外道建立
種種名字章句因譬喻說者皆是我

入楞伽經第六卷 第一分 身 一

法我時答言婆羅門有法非汝法非不建立亦非不說種種名字章句亦非不依義依義說而非盧迦耶陀建立法婆羅門有法非盧迦耶陀以彼諸法一切外道乃至於汝不能了知以妄執者外不實法分別戲論故何者是謂遠離分別心觀察有無自心見相如實覺知是故不生一切分別不取外諸境界法故分別心息住自住處寂靜境界是名非盧迦耶陀是我論法非汝論耶婆羅門住自住處者不生不滅故不生不滅者不生分別心故婆羅門是名非盧迦耶陀婆羅門略說言之以何等處識不行不取不退不求不生不執著不樂不見不觀不住不觸是名為住名異義一婆羅門執著種種相自我和合愛著諸因是婆羅門盧迦耶陀法非我法耶大慧盧迦耶陀婆羅門來詣我所問如是法我時答彼婆羅門如向所說時婆羅門默然而去而不問我建立真法時盧迦耶陀婆羅門心作是念此沙門釋子外於我法是可憐愍說

入楞伽經第六卷 第二分 身 二

一切法無因无緣無有生相惟說自心分別見法若能覺知自心見相則分別心滅大慧汝今問我何故盧迦耶陀種種辯說親近供養恭敬彼人但攝欲味不攝法味大慧白佛言世尊何者名食句義何者名法句義佛告大慧善哉善哉善哉大慧汝能為於未來衆生諮問如來如是二義善哉大慧諦聽諦聽我為汝說大慧白佛言善哉世尊唯然受教佛告大慧何者為食謂食味觸味樂求方便巧諂著味執著外境如是等法名異義一以不能入無二境界法門義故復次大慧名為食者依於邪見生陰有支不離生老病死憂悲苦惱愛生於有如是等法名之為食是故我及一切諸佛說彼親近供養盧迦耶陀婆羅門者名得食味不得法味大慧何者為法味謂如實能知二種無我以見人无我法無我相是故不生分別之相如實能知諸地上上智故今時能離心意意識入諸佛智受位之地攝取一切諸句盡處如實能知一切

入楞伽經第六卷 第三分 身 三

諸佛自在之處名為法味不墮一切邪見戲論分別二邊大慧外道說法多令衆生墮於二邊不令智者墮於二邊何以故大慧諸外道等多說斷常以無因故墮於常見見因滅故墮於斷見大慧我說如實見不著生滅是故我說名為法味大慧是名我說食味法味大慧汝及諸菩薩摩訶薩當學此法今時世尊重說偈言

我攝取衆生 依戒降諸惡 智慧滅邪見 三解脫增長 外道虛妄說 皆是世俗論 以邪見因果 无正見立論 我立建立法 離虛妄因見 為諸弟子說 離於世俗法 惟心无外法 以無二邊心 能取可取法 離於斷常見 但心所行處 皆是世俗論 若能觀自心 不見諸虛妄 來者見因生 去者見果滅 如實知去來 不分別虛妄 常元常及作 不作彼此物 如是等諸法 皆是世俗論

入楞伽經濕勝品第六

今時聖者大慧菩薩白佛言世尊如佛所言濕勝濕勝者以何等法名為濕勝而諸外道各各虛妄分別濕勝

佛告大慧菩薩言善哉善哉善哉大
 慧諦聽諦聽當為汝說諸外道等虛
 妄分別涅脥之相如彼外道所分別
 者无是涅脥大慧白佛言善哉世尊
 唯然受教佛告大慧有諸外道歌諸
 境界見陰界入滅諸法无常心心數
 法不生現前以不憶念過去未來現
 樂境界諸陰盡處如燈火滅種種風止
 不取諸相妄想分別名為涅脥大慧
 而彼外道見如是法生涅脥心非見
 滅故名為涅脥大慧或有外道從方
 至方名為涅脥大慧復有外道分別
 諸境如風是故分別名為涅脥大慧
 復有外道作如是說不見能見所見
 境界不滅名為涅脥復次大慧復有
 外道作如是說不見分別見常无常
 名為涅脥復次大慧復有外道作如
 是言分別見諸種種異相能生諸苦
 以自心見虛妄分別一切諸相怖畏
 諸相見於无相深心愛樂生涅脥想
 復次大慧復有外道見一切法自相
 同相不生滅想分別過去未來現在
 諸法是有名為涅脥復次大慧復有

外道見我人衆生壽命壽者諸法不
 滅虛妄分別名為涅脥復次大慧有
 餘外道无智慧故分別所見自性人
 命轉變分別轉變名為涅脥復次大
 慧有餘外道說如是言罪盡故福德
 亦盡名為涅脥復次大慧有餘外道
 言煩惱盡依智故名為涅脥復次大
 慧有餘外道說如是言見自在天造
 作衆生虛妄分別名為涅脥復次大
 慧有餘外道言諸衆生造共因生非
 餘因作如彼外道執著於因不知不
 覺愚癡闇鈍虛妄分別名為涅脥復
 次大慧有餘外道說證諦道虛妄分
 別名為涅脥復次大慧有餘外道作
 如是言有作所作而共和合見一異
 俱不俱虛妄分別名為涅脥復次大
 慧有餘外道言一切法自然而生猶
 如幻師出種種形像見種種實棘刺
 等物自然而生虛妄分別名為涅脥
 復次大慧有餘外道言諸万物皆是時
 作覺知唯時虛妄分別名為涅脥復次
 大慧有餘外道言見有物見無物見有
 無物如是分別名為涅脥復次大慧

餘建立法智者說言如實見者唯是自
 心而不取著外諸境界離四種法見
 一切法如彼彼法住不見自心分別
 之相不墮二邊不見能取可取境界
 見世間建立一切不實迷如實法以
 不取諸法名之為實以自內身證聖
 智法如實而知二種无我離於二種
 諸煩惱垢清淨二障如實能知如上
 地相入如來地得如幻三昧遠離心
 意識識分別如是等見名為涅脥大
 慧復有諸外道等邪見覺觀而說諸
 論不與如實正法相應而諸智者遠
 離訶嘖大慧如是等外道皆墮二邊
 虛妄分別无實涅脥大慧一切外道
 如是虛妄分別涅脥無人住世間无
 人入涅脥何以故一切外道依自心
 論虛妄分別无如實智如彼外道自
 心分別無如是法去來攝動無有如
 是外道涅脥大慧汝及一切諸菩薩
 等應當遠離一切外道虛妄涅脥今
 時世尊重說偈言
 外道涅脥見 各各起分別 皆從心相生
 元解脫方便 不離縛所縛 遠離諸方便

入楞伽經第六卷 第三段 身

自生解脫想 而實无解脫 外道建立法
眾智各異取 彼愚無解脫 愚癡妄分別
一切癡外道 妄見作所作 是故无解脫
以說有无法 凡夫樂戲論 不聞真實慧
言語三界本 如實智滅苦 辭如鏡中像
雖見而非有 愚習鏡心見 凡夫言有二
不知唯心見 是故分別二 如實知但心
分別則不生 心名為種種 離能見可見
見相无可見 凡夫妄分別 三有惟妄想
外境界實無 妄想見種種 凡夫不能知
經說分別 種種異名字 離於言語法
不說不可得

入楞伽經法身品第七

今時聖者大慧菩薩白佛言世尊如
來應正遍知惟願演說自身所證內
覺知法以何等法名為法身我及一
切諸菩薩等善知如來法身之相自
身及他俱入無疑佛告大慧菩薩言
善哉善哉善哉大慧汝有所疑隨意
所問為汝分別大慧白佛言善哉世
尊唯然受教即白佛言世尊如來應
正遍知法身者為作法耶非作法耶
為是因耶為是果耶為能見耶為所

入楞伽經第六卷 第三段 身

見耶為是說耶為可說耶為是智耶
智所覺耶如是等辭句如來法身為
異耶為不異耶佛告大慧如來應正
遍知法身之相如是辭句等非法
非不作法非因非果何以故以二邊
有過故大慧若言如來是作法者是
則无常若無常者一切作法應是如
來而佛如來應正遍知不許此法大
慧若如來法身非法者则是无身
言有修行无量功德一切行者則是
虛妄大慧若不作者應同兔角石女
兒等以无作因亦無身故大慧若法
非因非果非有非无而彼法體離四
種相大慧彼四種法名世間言說大
慧若法離於四種法者彼法但有名
字如石女兒大慧石女兒等惟是名
字章句之法說同四法若墮四法者
則智者不取如是一切問如來句智
者應知佛復告大慧我說一切諸法
無我汝當諦聽无我之義夫無我者
内身无我是故無我大慧一切諸法
自身為有他身為无如似牛馬大慧
辭如牛身非是馬身馬亦非牛是故

入楞伽經第六卷 第三段 身

不得言有言無而彼自體非是无耶
大慧一切諸法亦復如是非法無體相
有自體相愚癡凡夫不知諸法无我
體相以分別心非不分別心大慧如
是一切法空一切法不生一切法無
體相亦尔大慧如來法身亦復如是
於五陰中非一非異大慧如來法身
五陰一者则是无常以五陰是所作
法故大慧如來法身五陰異者則有
二法不同體相如牛二角相似不異
見有別體長短似異大慧若如是一
切諸法應无異相而有異相如牛左
角異右角右角異左角如是長短相
待各別如色種種彼此差別大慧如
是如來法身之相於五陰中不可說
一不可說異於解脫中不可說一不
可說異於涅槃中不可說一不可說
異如是依解脫故說名如來法身之
相大慧若如來法身異解脫者則同
色相則是无常若如來法身不異解
脫者則無能證所證差別大慧而修
行者則見能證及於所證是故非一
大慧如是知於可知境界非一非異

大慈若法非常非元常非因非果非有為非無為非覺非不覺非能見非可見非離陰界入非即陰界入非名非境界非一非異非俱非不俱非相續非不相續過一切諸法若過諸法但有其名若但有名彼法不生以不生故彼法不滅以不滅故彼法則如虛空平等大慧虛空非因非果若法非因非果者彼法則為不可觀察不可觀察者彼法過諸一切戲論若過一切諸戲論者名如來法身大慧是名如來應正遍知法身之相以過一切諸根境界故今時世尊重說偈言

離諸法及根 非果亦非因 已離覺所覺 離能見可見 諸緣及五陰 佛元有見法 若無有見法 云何而分別 非作非不作 非因亦非果 非陰非離陰 亦不在餘處 何等心分別 分別不能見 彼法非是無 諸法法自尔 先有故言无 先無故言有 是故不說無 亦不得說有 迷於我元我 但著於音聲 彼墮於二邊 妄說壞世間 離諸一切過 則能見我法 是名為正見 不謗於諸佛

今時聖者大慧菩薩復白佛言世尊惟願世尊為我解說惟願善逝為我解說如來處處說言諸法不生不滅世尊復言不生不滅者名如來法身故言不生不滅世尊如來言不生不滅者為是無法故名不生不滅為是如來異名不生不滅而佛如來常說諸法不生不滅以離建立有無法故世尊若一切法不生者此不得言一切法以一切法不生故若依餘法有此名者世尊應為我說

佛告大慧菩薩言善哉善哉善哉大慧諦聽諦聽當為汝說大慧菩薩白佛言善哉世尊唯然受教佛告大慧如來法身非是无物亦非一切法不生不滅亦不得言依因緣有亦非虛妄說不生不滅大慧我常說言不生不滅者名意生身如來法身非諸外道聲聞辟支佛境界故住七地菩薩亦非境界大慧我言不生不滅者即如來異名大慧譬如釋提桓因帝釋三不蘭陀羅手爪身體地浮弥虛空元尋如是等種種名号名異義一不

依多名言有多體帝釋等耶大慧我亦如是於娑婆世界中三阿僧祇百千名号凡夫雖說而不知是如來異名大慧或有衆生知如來者有知自在者有知一切智者有知救世間者有知為導者有知為將者有知為勝者有知為妙者有知世尊者有知佛者有知牛三者有知師子者有知仙人者有知梵者有知耨羅延者有知勝者有知迦毗羅者有知究竟者有知阿利吒尼弥者有知月者有知日者有知婆樓那者有知毗耶娑者有知帝釋者有知力者有知海者有知不生者有知不滅者有知空者有知真如者有知實際者有知涅槃者有知法界者有知法性者有知常者有知平等者有知不二者有知無相者有知緣者有知佛體者有知因者有知解脫者有知道者有知實諦者有知一切智者有知意生身者大慧如是等種種名号如來應正遍知於娑婆世界及餘世界中三阿僧祇百千名号不增不減衆生皆知如水中月

入楞伽經第六卷 第十八品

常

不入不出而諸凡夫不覺不知以墮
二邊相續法中然悉恭敬供養於我
而不善解名字句義取差別相不能
自知執著名字故虛妄分別不生不
滅名為無法而不知是如來名号差
別之相如因陀羅帝釋三不蘭陀羅
等以不能決定名與真實隨順名字
音聲取法亦復如是大慧於未來世
愚癡凡夫說如是言如名義亦如是
而不能知異名有義何以故以義元
體相故復作是言不異名字音聲有
義名字音聲即是義何以故不知名
字體相故大慧彼愚癡人不知音聲
即生即滅義不生滅故大慧音聲之
性墮於名字而義不同墮於名字以
難有無故无生無體故大慧如來說
法依自聲說不見諸字是有无故不
著名字大慧若人執著名字說者彼
人不名善說法者何以故法無名字
故大慧是故我經中說諸佛如來乃
至不說一字不示一名何以故諸法
无字依義無說依分別說故大慧若
不說法者諸佛如來法輪斷滅法輪

入楞伽經第六卷 第二十一品

常

滅者亦无聲聞緣覺菩薩无聲聞緣
覺菩薩者為何等人何等法何事說
大慧是故菩薩摩訶薩不應著於言
說名字大慧名字章句非定法故依
衆生心說諸佛如來隨衆生信而說
諸法為令遠離心意意識故不說自
身內證聖智建立諸法如實能知一
切諸法寂靜相故但見自心覺所知
法離二種心分別之相不如是說大
慧菩薩摩訶薩依義不依語若善男
子善女人隨文字說者墮在邪見自
身失壞第一義諦亦壞他人令不覺
知大慧諸外道等各依自論異見言
說大慧汝應善知一切地相善知樂
說辯才文辭章句善知一切諸地相
已進取名句樂說辯才善知諸法義
相應相介時自身於无相法樂而受
樂受住大乘中令衆生知大慧取大
乘者即是攝受諸佛聲聞緣覺菩薩
攝受諸佛聲聞緣覺及菩薩者即是
攝受一切衆生攝受一切諸衆生者
即是攝受勝妙法藏攝受法藏者即
不斷佛種不斷佛種者不斷一切勝

入楞伽經第六卷 第二十二品

常

妙生嚴以彼勝嚴諸菩薩等願生彼
故置諸衆生大乘法中十自在力隨
諸衆生形色諸使而能隨現說如實
法大慧何者如實法如實法者不異
不差不取不捨離諸戲論名如實法
大慧善男子善女人不得執著文字
音聲以一切法无文字故大慧譬如
有人為示人物以指指示而彼愚人
即執著指不取因指所示之物大慧
愚癡凡夫亦復如是聞聲執著名字
指故乃至沒命終不能捨文字之指
取第一義大慧譬如穀粟名凡夫食
不舂不吹不可得食若其有人未作
食者名為顛狂要須次第乃至吹熟
方得成食大慧不生不滅亦復如是
不修巧智方便行者不得具足莊嚴
法身大慧執著名字言得義者如彼
癡人不知春吹嗽文字穀不得義食
以是義故當學於義莫著文字大慧
所言義者名為涅槃言名字者分別
相縛生世間解大慧義者從於多聞
人得大慧言多聞者謂義巧方便非
聲巧方便大慧義方便者離於一切

外道邪說亦不和雜如是說者自身不墮外道邪法亦不令他墮外道法大慈是多聞有義方便大慈欲得義者應當親近多聞智者供養恭敬者名字者應當速離不應親近亦時大慈菩薩承諸佛力白佛言世尊如來世尊說一切法不生不滅非為奇特何以故一切外道亦說諸因不生不滅如來亦說虛空非數緣滅及涅槃界不生不滅世尊諸外道亦說依諸因緣生諸眾生如來亦說無明愛業分別因緣生諸世間若亦如來亦說因緣名字相異依外因緣能生諸法外道亦說依外因緣而生諸法是故如來與外道說元有差別世尊外道因微塵勝自在天梵天等共外九種因緣說言諸法不生不滅如來亦說一切諸法不生不滅有元不可得以此諸四大不滅自相不生不滅隨佛如來種種異說而不離於外道所說而諸外道亦說諸大不離大體世尊諸外道分別諸大如來亦分別諸大世尊以是義故如來所說不異外

道若不同者如來應說所有異相若有異相當知不同外道所說世尊若佛如來於自法中不說勝相者諸外道中亦應有佛以說諸法不生不滅如來常說一世界中而有多佛俱出世者无有是處如向所說一世界中應有多佛何以故所說有元因無差故如佛所說言無虛謬云何世尊於自法中不說勝相佛告大慈言大慈我所說法不生不滅者不同外道不生不滅亦不同彼不生無常法何以故大慈諸外道說有實有體性不生不變相我不如是墮於有元明黨聚中大慈我說離有無法離生住滅相非有非无見諸一切種種色像如幻如夢是故不得言其有無大慈云何不得言其是无謂色體相有見不見取不取故大慈是故我說一切諸法非有非无無大慈以不覺知唯是自心分別生見一切世間諸法本來不生不滅而諸凡夫生於分別非聖人耶大慈迷心分別不實義者譬如凡夫見乳闍婆城幻師所作種種幻人種

種象馬見其入出虛妄分別作如是言此如是如是入如是如是出大慈而彼實處元人出入惟自心見迷惑分別生不生法亦復如是大慈而彼實處無此有為无為諸法如彼幻師所作幻事而彼幻師不生不滅大慈諸法有元亦無所為以離生滅故惟諸凡夫墮顛倒心分別生滅非謂聖人大慈顛倒者如心分別此法如是如是而彼法不如是如是亦非顛倒分別顛倒者執著諸法是有是无非見寂靜故不見寂靜者不能遠離虛妄分別是故大慈見寂靜者名為勝相非見諸相名為勝相以不能斷生因相故大慈言无相者遠離一切諸分別心無生无相者是我所說名為涅槃大慈言涅槃者謂見諸法如實住處遠離分別心心數法依於次第如實修行於自內身聖智所證我說如是名為涅槃今時世尊重說偈言為遠生諸法建立無生法我說法无因凡夫不能知我說法无因而凡夫不知一切法不生亦不得言無乳闍婆幻夢

入楞伽經第六卷 第三十五

諸法無因有諸法空元相云何為我說
離諸和合緣智慧不能見以空本不生
是故說無體一二緣和合見物不可得
非外道所見和合不可得夢幻及毛輪
軋闍婆陽焰元因而妄見世間事亦亦
降伏元因論能成無生義能成无生者
我法不滅壞說無因諸論外道生驚怖
云何何等人何因於何處生諸法無因
非因非无因智者若能見能離生滅見
無法生不生為无因緣相若為法名字
无義為我說非法有無生亦非待因緣
非前法有名亦名不空說聲聞辟支佛
外道非境界住在於七地彼處无生相
離諸因緣法為遠諸因緣說建立惟心
我說名无生諸法無因緣離分別分別
離有無翳黨我說名无生心離於見法
及離二法體轉身依正相我說名无生
外非實无實亦非心所取幻夢及毛輪
軋闍婆陽焰遠離於諸見是名無生相
如是空等法諸文句應知非生及空空
而無於生空諸因緣和合有生及有滅
離於諸因緣不生亦不滅離因緣无法
離和合無得外道妄分別而見有一異

入楞伽經第六卷 第三十五

有无不生法有無不可得惟和合諸法
而見有生滅但有於名字展轉為鈎鐐
離彼因緣鐐生法不可得生法不見生
離諸外道過我說緣鈎鐐諸凡夫不知
若離緣鈎鐐更无有別法是則無因緣
破壞緣鐐義如燈顯眾像鈎鐐生亦然
是則離鈎鐐別更有法生法本无體
自性如虛空離鈎鐐求法愚人無所知
復有餘无生聖人所得法彼生无生者
是則無生忍若見諸世間則是見鈎鐐
一切皆鈎鐐是則心得定无明妄業等
是則內鈎鐐橫軸濕圓輪種子大鈎鐐
若更有他法而從因緣生離於鈎鐐義
彼不住聖教若生法是无彼為誰鈎鐐
展轉相生故是名因緣義堅濕熱動法
凡夫生分別離鐐更无法是故說无體
如醫療眾病依病出對治而論無差別
病殊故方異我念諸眾生為煩惱過染
知根力差別隨堪受為說我法无差別
隨根病異說我唯一乘法八聖道清淨
入楞伽經卷第六

癸卯歲高麗國大藏都監奉
初影造

入楞伽經卷第二

元魏天竺三藏菩提留支譯

無常品第八

尔時聖者大慈菩薩復白佛言世尊
世尊說無常无常者一切外道亦說
无常世尊如来依於名字章句說如
是言諸行無常是生滅法世尊此法
為是真實為是虛妄世尊復有幾種
無常

佛告聖者大慈菩薩言善哉善哉善
哉大慈一切外道虛妄分別說八種
無常何等為八一者發起所作而不
作是名无常何者名為發起謂生法
不生法常法無常法名為發起无常
二者形相休息名為无常三者色等
即是無常四者色轉變故異无常
諸法相續自然而滅如乳酪轉變於
一切法不見其轉亦不見滅名為無
常五者復有餘外道等以无物故名
為无常六者有法无法而悉無常以
一切法本不生故名為無常以无常
法彼中和合是故无常七者復有餘

外道等本無後有名為無常謂依諸大所生相滅不見其生離相續體名為無常八者不生無常謂為非常是故無常見諸法有無生不生乃至微塵觀察不見法生故言不生諸法非生大慧是名无生無常相而諸外道不知彼法所以不生是故分別諸法不生故言無常復次大慧外道分別無常之法言有於物彼諸外道自心虛妄分別無常常非无常有物故何以故自體不滅故自體不滅者无常之體常不滅故大慧若無常法是有物者應生諸法以彼无常能作因故大慧若一切法不離無常者諸法有无一切應見何以故如杖木瓦石能破可破之物悉皆破壞見彼種種異異相故是故無常因一切法无法亦非因亦非果大慧復有諸過以彼因果无差別故而不得言此是無常而彼是果以因果差別故不得言一切法常以一切法无因故大慧諸法有因而諸凡夫不覺不知異因不能生異果故大慧若異因能生異果者因

異應生一切諸法若余復更有過應因果差別而見差別大慧若其无常是有物者應同因體所作之事復更有過於一法中即應具足一切諸法以同一所作因果業相无差故復更有過自有無常无常有無常體故復更有過一切諸法無常應常故復更有過若其无常同諸法者墮三世法大慧過去色同無常故已滅未來法未生以同色无常故不生現在有法不離於色以色與彼諸大相依五大依塵是故不滅以彼彼不相離故大慧一切外道不滅諸大三界依大依微塵等是故依彼法說生住滅大慧離於此法更无四大諸塵等法以彼外道虛妄分別離一切法更有无常是故外道說言諸大不生不滅以自體相常不滅故是故彼說發起作事中因不作名為无常諸大更有發起諸大無彼彼異相同相不生滅法以見諸法不生滅故而於彼處生无常智大慧何者名為形相休息無常謂能造所造形相見形相異如長短非

諸大滅而見諸大形相轉變彼人墮在僧法法中大慧復形相无常者謂何等入即色名无常彼人見於形相无常而非諸大是无常法若諸大無常則諸世間一切不得論說世事若論世事墮盧迦耶陀邪見朋黨以說一切諸法唯名復見諸法自體相生大慧轉變无常者謂見諸色種種異相非諸大轉變譬如見金作莊嚴具形相轉變金體不異餘法轉變亦復如是大慧如是外道虛妄分別見法无常火不燒諸大自體不燒以彼諸大自體差別故大慧諸外道說若火能燒諸大者則諸大斷滅是故不燒大慧我說大及諸塵非常非无常何以故我不說外境界有故我說三界但是自心不說種種諸相是有是故說言不生不滅唯是四大因緣和合非大及塵是實有法以虛妄心分別二種可取能取法如實能知二種分別是故離外有无見相唯是自心分別作業而名為生而業不生以離有三分別心故大慧何故非常非不常

入楞伽經第六卷 第六段 身

以有世間及出世間上上諸法是故不得說言是常何故非常以能覺知唯是自心分別見故是故非無常而諸外道墮在邪見執著二邊不知自心虛妄分別非諸聖人分別無常大慧一切諸法惣有三種何等為三一者世間法相二者出世間法相三者出世間上上勝法相以依言語種種說法而諸凡夫不覺不知今時世尊重說偈言

遠離於始造及與形相異無常名有物外道妄分別諸法无有滅諸大自性住墮於種種見外道說無常彼諸外道說諸法不生滅諸大體自常何等法无常一切世唯心而心見二境可取能取法我我所法无三界上下法我說皆是心離於諸心法更無有可得

入楞伽經入道品第九

今時聖者大慧菩薩摩訶薩復白佛言世尊惟願世尊為我說諸一切菩薩聲聞辟支佛入滅盡定次第相我及一切諸菩薩等若得善知入滅盡定次第之相巧方便者不墮聲聞辟

入楞伽經第七卷 第六段 身

支佛三昧三摩跋提滅盡定樂不墮聲聞辟支佛外道迷惑之法佛告聖者大慧菩薩言善哉善哉善哉大慧諦聽諦聽當為汝說大慧菩薩白佛言善哉世尊唯然受教佛告大慧菩薩從初地乃至六地入滅盡定聲聞辟支佛亦入滅盡定大慧諸菩薩摩訶薩於七地中念念入滅盡定以諸菩薩悲能遠離一切諸法有元相故大慧聲聞辟支佛不能念念入滅盡定以聲聞辟支佛緣有為行入滅盡定墮在可取能取境界是故聲聞辟支佛不能入七地中念念滅盡定以聲聞辟支佛生驚怖想恐墮諸法无異相故以覺諸法種種異相有法無法善不善法同相異相而入滅盡定是故聲聞辟支佛不能入七地中念念滅盡定以无善巧方便智故大慧七地菩薩摩訶薩轉滅聲聞辟支佛心意意識大慧初地乃至六地菩薩摩訶薩見於三界但是自心心意識識離我我所法唯是自心分別不墮外法種種諸相唯是凡夫內心思礙

入楞伽經第七卷 第六段 身

墮於二邊見於可取能取之法以無知故而不覺知无始世來身口及意妄想煩惱戲論熏習而生諸法大慧於八地中一切菩薩聲聞辟支佛入涅槃想大慧諸菩薩摩訶薩承已自心三昧佛力不入三昧樂門墮涅槃而住以不滿足如來地故若彼菩薩住三昧分者休息度脫一切衆生斷如來種滅如來家為示如來不可思議諸境界故是故不入涅槃大慧聲聞辟支佛墮三昧樂門法是故聲聞辟支佛生涅槃想大慧諸菩薩摩訶薩從初地來乃至七地具巧方便觀察心意意識之相遠離我我所取相之法觀察我空法空觀察同相異相善解四无尋巧方便義自在次第入於諸地善提分法大慧我若不說諸菩薩摩訶薩同相異相法者一切菩薩不如實知諸地次第恐墮外道邪見等法故我次第說諸地相大慧若人次第入諸地者不墮餘道我說諸地次第相者唯自心見諸地次第及三界中種種行相而諸凡夫不覺不

知以諸凡夫不覺知故是故我及一切諸佛說於諸地次第之相及建立三界種種行相復次大慧聲聞辟支佛於第八菩薩地中樂著寂滅三昧樂門醉故不能善知唯自心見墮自相同相熏習障導故墮人無我法無我見過故以分別心名為涅槃而不

識熏習於夢中見大慧菩薩摩訶薩亦復如是於八地中見分別心初地七地諸法同相如夢如幻平等无差離諸功用可取能取分別之心見心心數法為於未得上上佛法修行者今得故菩薩摩訶薩修行勝法名為涅槃非滅諸法名為涅槃菩薩摩訶薩遠離心意意識分別相故得无生法忍大慧第一義中亦無次第元次第行諸法寂靜亦如虛空大慧菩薩白佛言世尊世尊說聲聞辟支佛入第八菩薩地寂滅樂門如來復說聲聞辟支佛不知但是自心分別復說諸聲聞得人无我而不得法無我空若如是說聲聞辟支佛尚未能證初地之法何況八地寂滅樂門佛告大慧我今為汝分別宣說大慧聲聞有三種言入八地寂滅門者此是先修菩薩行者墮聲聞地還依本心修菩薩行同入八地寂滅樂門非增上慢寂滅聲聞以彼不能入菩薩行未曾覺知三界唯心未曾修行菩薩諸法未曾修行諸波羅蜜十地之行是故決

定寂滅聲聞不能證彼菩薩所行寂滅樂門今時世尊重說偈言
唯心無所有 諸行及佛地 去來現在佛
三世說如是 七地為心地 无所有八地
二地名為行 餘地名我地 內身證及淨
此名為我地 自在取勝豪 阿迦尼吒天
照耀如炎火 出妙諸光明 種種美可樂
化作於三界 化現三界色 或有在光化
彼處說諸乘 是我自在地 十地為初地
初地為八地 九地為七地 七地為八地
二地為三地 四地為五地 三地為六地
寂滅有何次 決定諸聲聞 不行菩薩行
同入八地者 是本菩薩行
入楞伽經問答來常無常品第十
今時聖者大慧菩薩摩訶薩白佛言
世尊如來應正遍知為是常耶為無
常耶佛告聖者大慧菩薩言大慧如
來應正遍知非常非无常何以故二
邊有過故大慧有無二邊應有過失
大慧若言如來是常法者則同常因
大慧以諸外道說言微塵諸因常故
非是作法大慧是故不得言如來常
以非作法而言常故大慧亦不得言

入楞伽經卷第六 第十七

如來無常言無常者即是同於有為作法五陰可見能見法無五陰滅故五陰滅者諸佛如來亦應同滅而佛如來非斷絕法大慧凡作法者皆是無常如瓶衣車屋及疊席等皆是作法是故無常大慧若言一切皆無常者一切智一切智人一切功德亦應無常以同一切作法相故又復有過若言一切皆無常者諸佛如來應是作法而佛如來非是作法以無更說有勝因故是故我言如來非常亦非無常復次大慧如來非常何以故虛空之性亦無修行諸功德故大慧譬如虛空非常非無常何以故以離常無常故以不墮一異俱不俱有無非有非無常無常非常非無常是故離於一切諸過不可得說復次大慧亦不得言如來是常何以故若言常者同於兔馬馳騷龜蛇魚等角是故不得言如來常復次大慧亦不得言如來是常恐墮不生常故是故不得言如來世尊常復次大慧更有餘法依彼法故得言如來世尊是常何以故

入楞伽經卷第六 第二

依內證智證常法故是故得言如來是常大慧諸佛如來內證智法常恒清涼不變大慧諸佛如來應正遍知若出於世不出於世法性常如是法體常如是法軌則常如是以彼法性一切聲聞辟支佛等亦不曾聞亦不曾見如是法體非虛空中毛道凡夫不覺不知大慧諸佛如來內證智者依彼得名大慧以依如實智慧修行得名為佛非心意意識元明五陰熏習得名大慧一切三界不實妄想分別戲論得名大慧不實分別二種法者而得名為常與無常而佛如來不墮二法不墮能取可取二邊如來寂靜二法不生故是故大慧諸佛如來應正遍知不得言是常與無常大慧凡所言語而得說言常與無常遠離一切分別盡者不得言取常無常法是故我遠一切凡夫不得分別常與無常以得真實寂靜法者得盡分別不生分別今時世尊重說偈言
離於常元常非常非無常 若見如是佛
彼不墮惡道 若說常無常 諸功德虛妄

入楞伽經卷第六 第三

無智者分別遠說常無常 所有立法者
皆有諸過失 若能見唯心 彼不墮諸地
入楞伽經佛性品第十一
今時聖者大慧菩薩摩訶薩復請佛
言世尊惟願如來應正遍知為我說
善逝為我說陰界入生滅之相世尊
若无我者誰生誰滅世尊一切凡夫
依生滅住不見苦盡是故不知涅槃
之相佛告聖者大慧菩薩言善哉善
哉善哉大慧汝今諦聽當為汝說大
慧白佛言善哉世尊唯然受教佛告
大慧如來之藏是善不善因故能興
六道作生死因緣譬如伎兒出種種
伎衆生依於如來藏故五道生死大
慧而如來藏離我所諸外道等不
知不覺是故三界生死因緣不斷大
慧諸外道等妄計我故不能如實見
如來藏以諸外道无始世來虛妄執
著種種戲論諸熏習故大慧阿梨耶
識者名如來藏而與無明七識共俱
如大海波常不斷絕身俱生故離無
常過離於我過自性清淨餘七識者
心意意識等念念不住是生滅法七

識由彼虛妄因生不能如實分別諸法觀於高下長短形相故執著名相故能令自心見色相故能得苦樂故能離解脫因故因名相生隨煩惱貪故依彼念因諸根滅盡故不次第生故餘自意分別不生苦樂受故是故入少想定滅盡定入三摩跋提四禪實諦解脫而修行者生解脫相以不知轉滅虛妄相故大慧如來藏識不在阿梨耶識中是故七種識有生有滅如來藏識不生不滅何以故彼七種識依諸境界念觀而生此七識境界一切聲聞辟支佛外道修行者不能覺知不如實知人無我故以取同相別相法故以見陰界入法等故大慧如來藏如實見五法體相法无我故不生如實知諸地次第展轉和合故餘外道不正見不能觀察大慧菩薩住不動地亦時得十種三昧門等為上首得無量无边三昧依三昧佛住持觀察不可思議諸佛法及自本願力故遮護三昧門實際境界遠已入自內身聖智證法真實境界不同

聲聞辟支佛外道修行所觀境界亦時過彼十種聖道入於如來意生身智身離諸功用三昧心故是故大慧諸菩薩摩訶薩欲證勝法如來藏阿梨耶識者應當修行令清淨故大慧若如來藏阿梨耶識名為无者離阿梨耶識无生無滅一切凡夫及諸聖人依彼阿梨耶識故有生有滅以依阿梨耶識故諸修行者入自內身聖行所證現法樂行而不休息大慧此如來心阿梨耶識如來藏諸境界一切聲聞辟支佛諸外道等不能分別何以故以如來藏是清淨相客塵煩惱垢染不淨大慧我依此義依勝鬘夫人依餘菩薩摩訶薩深智慧者說如來藏阿梨耶識共七種識生名轉滅相為諸聲聞辟支佛等示法无我對勝鬘說言如來藏是如來境界大慧如來藏識阿梨耶識境界我今與汝及諸菩薩甚深智者能了分別此二種法諸餘聲聞辟支佛及外道等執著名字者不能了知如此二法大慧是故汝及諸菩薩摩訶薩當學此

法今時世尊重說偈言
甚深如來藏與七識俱生 取二法則生
如實知不生 如鏡像現心 无始習所熏
如實觀察者 諸境悉空無 如癡見指月
觀指不觀月 計著名字者 不見我真實
心如巧伎兒 意如狡猾者 意識及五識
虛妄取境界 如伎兒和合 誑惑於凡夫
入楞伽經五法門品第十二
今時聖者大慧菩薩摩訶薩復請佛
言世尊惟願如來應正遍知為我說
善逝為我說五法體相及二無我老
別行相我及一切諸菩薩等若得善
知五法體相二種無我老別相者修
行是法次第入於一切諸地修行是
法能入一切諸佛法中入諸佛法者
乃至能入如來自身內證智地佛告
聖者大慧菩薩言善哉善哉善哉大
慧汝今諦聽當為汝說大慧菩薩言
善哉世尊唯然受教佛告大慧我為
汝說五法體相二種無我老別行相
大慧何等五法一者名二者相三者
分別四者正智五者真如內身修行
證聖人智離斷常見現如實修行者

入三昧樂三摩跋提行門故大慧一

希

切凡夫不覺不知五法體相二種無我惟以自心見於外物是故生於分別之心非謂聖人大慧自佛言世尊云何凡夫生分別心非聖人也佛告大慧一切凡夫執著名相隨順生法隨順生法已見種種相隨我所見見心中執著具足一切法相執著已入於无明黑闇障處入障處已起於貪心起貪心已而能造作貪瞋癡業造業行已不能自止如登作墮以分別心而自纏身墮在六道大海險難如輻輳迴轉不自覺知以无智故不知一切諸法如幻不知無我我所諸法非實從於妄想分別而生而不知難可見能見而不知難生住滅相不知自心虛妄而生謂知隨順自在天時微塵我生大慧何者為名謂眼識見前色等法相如聲相耳相鼻相舌相身相大慧如是等相我說名為名相大慧何者分別以依何等法說名取相了別此法如是如是畢竟不異謂象馬車步人民等分別種種相是名分

別大慧何者正智以觀察名相觀察

希

已不見實法以彼迭共因生故見迭共生者諸識不復起分別識相不斷不常是故不墮一切外道聲聞辟支佛地大慧是名正智復次大慧菩薩摩訶薩依正智不取名相法以為有不取不見相以為无何以故以難有無邪見故以不見名相是正智義是故我說名為真如大慧菩薩住真如法者得不無相寂靜境界入已得入菩薩摩訶薩初歡喜地菩薩得初歡喜地時證百金剛三昧明門捨離二十五有一切果業過諸聲聞辟支佛地住如來家真如境界如實修行知五法相如幻如夢如實觀察一切諸法起自內身證聖智修行如是展轉遠離虛妄世間覺觀所樂之地次第乃至法雲地入法雲地已次入三昧力自在神通諸華莊嚴如來之地入如來地已為教化衆生現種種光明應莊嚴身如水中月依无盡句善縛所縛隨衆生信者而為說法離心意意識自故大慧菩薩入真如已得佛地

入三昧樂三摩跋提行門故大慧一

希

中如是如是無量无边法大慧復白佛言世尊世尊為五法入三法為三法入五法中為自體相各各差別佛告大慧三法入五法中大慧非但三法入五法中八種識二種无我亦入五法大慧云何三法入五法中大慧名相名為分別法相大慧依彼二法分別生心心數法一時非前後如日共光明一時而有分別種種相大慧是名三相依因緣力生故大慧正智真如名第一義諦相依不滅法故復次大慧著於自心見分別法差別有八種以分別諸相以為實故難我我所生滅之法余時得證二元我法大慧五法法門入諸佛地諸地法相亦入五法門中一切聲聞辟支佛法亦入五法門中如來內身證聖智法亦入五法門中復次大慧五法相名分別真如正智大慧何者名為相相者見色形相狀顯勝不如是名為相大慧依彼法相起分別相此是瓶此是牛馬羊等此法如是如是不異大慧是名為名大慧依於彼法立名了別

示現彼相是故立彼種種名字牛羊馬等是名分別心心數法大慧觀察名相乃至微塵常不見一法相諸法不實以虛妄心生分別故大慧言真如者名為不虛決定畢竟盡自性自體正見真如相我及諸菩薩及諸佛如來應正遍知說名異義一大慧如是等隨順正智不斷不常无分別分別不行緣隨順自身內證聖智離諸一切外道聲聞辟支佛等惡見邪黨不正智中大慧於五法三法相八種識二種无我一切佛法皆入五法中大慧汝及諸菩薩摩訶薩為永勝智應當修學大慧汝知五法不隨他教故今時世尊重說偈言

五法自體相 及與八種識 二種無我法 攝取諸大乘 名相及分別 三法自體相 正智及真如 是第一義相

入楞伽經恒河沙品第十三

余時聖者大慧菩薩摩訶薩白佛言世尊如世尊依名字說過去未來現在諸佛如恒河沙世尊佛說如是為依如來口中所說我隨順取為更

有美願為我說佛告聖者大慧菩薩言大慧如我所說名字章句莫如是取大慧大慧三世諸佛非恒河沙等何以故所說辭喻過世間者非如辟喻何以故以有相似不相似故大慧諸佛如來應正遍知不定說過世間相似不相似辟喻何以故大慧我說辭喻但是少分故大慧我及諸佛如來應正遍知所說辭喻但說少義何以故愚癡凡夫諸外道等著諸法常增長邪見隨順世間輪迴生死為彼生獸聞生驚怖又聞諸佛如恒河沙便於如來无上聖道生易得想求出世法大慧是故我說諸佛如來如恒河沙何以故我餘經中說佛出世如優曇華衆生聞已言佛道難得不修精進是故我說諸佛如來如恒河沙大慧我說諸佛出世如優曇華者依可化衆生義故我說諸佛如優曇華大慧而優曇華於世間中無人曾見當亦不見大慧諸佛如來世間曾見現見當見大慧我說如是非依自身所得法說是故說言如優曇

華諸佛如來亦復如是大慧我依內身證法說法是故說過世間辟喻以諸凡夫元信衆生不能信我所說辟喻何以故說自內身聖智境界无辟喻可說遠離心意意識過諸見地諸佛如來真如之法不可說故是故我說種種辟喻大慧我說諸佛如恒河沙者是少分辟喻大慧諸佛如來平等非不平等以非分別分別故大慧辟如恒河中所有之沙魚鼈龜龍牛羊象馬諸獸踐踏而彼河沙不生分別不瞋不恚亦不生心彼惱亂我无分別故淨離諸垢大慧諸佛如來應正遍知亦復如是內身證得聖智滿足諸力神通自在功德如恒河沙一切外道邪論諸師愚癡魚鼈以瞋恚心毀罵如來如來不動不生分別本願力故為與衆生三昧三摩跋提一切諸樂令滿足故不分別分別大慧是故我說諸佛如來如恒河沙等等者平等无有異相以離憂身故大慧辟如恒河沙不離地相大慧大地火燒火不異地故火不燒地

◇高麗大藏經◇

入楞伽經卷第二 第三十四身

地大有火相續體故大慧愚癡凡夫
墮顛倒智自心分別言地被燒而地
不燒以不離地而得更有四大火身
故大慧諸佛如來亦復如是諸佛如
來法身之體如恒河河沙等不滅不
失故大慧譬如恒河河沙無量無邊
大慧諸佛如來亦復如是出於世間
放无量光遍於一切諸佛大會為化
衆生令覺知故大慧如恒河河沙更
不生相如彼微塵微塵體相如是而
住大慧諸佛如來亦復如是於世間
中不生不滅諸佛如來斷有因故大
慧如恒河河沙若出於河亦不可見
入於河中亦不可見亦不起心我出
入河大慧諸佛如來智慧之力亦復
如是度諸衆生亦不盡滅亦不增長
何以故諸法无身故大慧一切有身
皆是無常磨滅之法非无身法諸佛
如來唯法身故大慧譬如有人欲得
菴油押恒河沙終不可得无菴油故
大慧諸佛如來為諸衆生苦惱所押
瞋不可得不捨自法界相不捨自法
味相不捨本願與衆生樂以得具足

入楞伽經卷第二 第三十四身

大慧大悲我若不令一切衆生入涅
脤者我身亦不入於涅脤大慧如恒
河河沙隨水而流終不逆流大慧諸
佛如來為諸衆生說法亦不隨順涅
脤而非逆流大慧是故我說諸佛如
來如恒河河沙大慧言恒河河沙隨
順流者非是去義若佛如來有去義
者諸佛如來應元常滅大慧世間本
際尚不可知不可知者我云何依而
說去義是故如來非為去義大慧去
義者名為斷義愚癡凡夫不覺不知
大慧白佛言世尊世尊若衆生在於
世間輪迴去來本際不可知者云何
如來而得解脫復令衆生得於解脫
佛告大慧言大慧言解脫者離於一
切戲論煩惱元始熏習分別心故如
實能知唯自心見外所分別心迴轉
故是故我說名為解脫大慧言解脫
者非是滅法是故汝今問我若不知
本際云何得解脫者此問不成大慧
言本際者是分別心一體異名大慧
離分別心更无衆生即此分別名為
衆生大慧真實智慧觀内外法無法

入楞伽經卷第二 第三十五身

可知能知故大慧以一切法本際來
寂靜大慧不如實知唯自心見虛妄
分別是故生於分別之心如實知者
不生分別亦時世尊重說偈言
觀察於諸佛 譬如恒河沙 不滅亦不生
彼人能見佛 遠離諸塵垢 如恒河河沙
隨順流不變 法身亦如是

入楞伽經卷第七

癸卯歲高麗國大藏都監奉
勅彫造

入楞伽經卷第八

身

剎都品第十四

九觀天竺三藏善提智支譯

尔時聖者大慧菩薩摩訶薩復白佛言世尊惟願如來應正遍知為我說善逝為我說一切法生滅之相云何如來說一切法念念不住佛告大慧菩薩言善哉善哉善哉大慧汝今諦聽當為汝說大慧言善哉世尊唯然受教佛告大慧一切法一切法者所謂善法不善法有為法無為法世間法出世間法有漏法無漏法內法外法大慧略說五陰法因心意意識熏習增長諸凡夫人依心意意識熏習故分別善不善法大慧聖人現證三昧三摩跋提无漏善法樂行大慧是名善法復次大慧言善不善法者所謂八識何等為八一者阿梨耶識二者意三者意識四者眼識五者耳識六者鼻識七者舌識八者身識大慧五識身共意識身善不善法展轉差別相續體无差別身隨順生法生已

入楞伽經卷第八 第五

還滅不知自心見虛妄境界即滅時能取境界形相大小勝如之狀大慧意識共五識身相應生一念時不住是故我說彼法念時不住大慧言剎尼迦者名之為空阿梨耶識名如來藏无共意識轉識熏習故名為空具足無漏熏習法故名為不空大慧愚癡凡夫不覺不知執者諸法剎都不住墮在邪見而作是言无漏之法亦剎都不住破彼真如如來藏故大慧五識身者不生六道不受苦樂不作涅槃因大慧如來藏不受苦樂非生死因餘法者共生共滅依於四種熏習醉故而諸凡夫不覺不知邪見熏習言一切法剎都不住復次大慧金剛如來藏如來證法非剎都不住大慧如來證法若剎都不住者一切聖者不成聖人大慧非非聖人以聖人故大慧金剛住於一切稱量等住不增不减大慧云何愚癡凡夫分別諸法言剎都不住而諸凡夫不得我意不覺不知內外諸法念念不住大慧復白佛言世尊如來常說滿足六波

入楞伽經卷第八 第六

羅蜜法得阿耨多羅三藐三菩提世尊何等為六波羅蜜云何滿足佛告大慧菩薩言大慧波羅蜜差別有三種謂世間波羅蜜出世間波羅蜜出世間上上波羅蜜大慧言世間波羅蜜者愚癡凡夫執着我我所法墮於二邊為於種種勝妙境界行波羅蜜求於色等境界果報大慧愚癡凡夫行尸波羅蜜愚癡提波羅蜜毗梨耶波羅蜜揮波羅蜜般若波羅蜜乃至生於梵天求五神通世間之法大慧是名世間諸波羅蜜大慧言出世間波羅蜜者謂聲聞辟支佛取聲聞辟支佛涅槃心修行波羅蜜大慧如彼世間愚癡凡夫為於自身求涅槃樂而行世間波羅蜜行聲聞緣覺亦復如是為自身故求涅槃樂行出世間波羅蜜行而乃求彼非究竟樂大慧出世間上上波羅蜜者如實能知但是自心虛妄分別見外境界尔時實知惟是自心見內外法不分別虛妄分別不取內外自心色相故善薩摩訶薩如實能知一切法故行檀波羅蜜

入楞伽經第八卷 第四分

為令一切衆生得無怖畏安隱樂故
是名檀波羅蜜大慧菩薩觀彼一切
諸法不生分別隨順清涼是名尸波羅
蜜大慧菩薩離分別心忍彼修行如
實而知能取可取境界非實是名菩
薩昇提波羅蜜大慧菩薩去何修精
進行初中後夜常勤修行隨順如實
法斷諸分別是名毗梨耶波羅蜜大
慧菩薩離於分別心不隨外道能
取可取境界之相是名禪波羅蜜大
慧何者菩薩般若波羅蜜菩薩如實
觀察自心分別之相不見分別不墮
二邊依如實修行轉身不見一法生
不見一法滅自身內證聖行修行是
名菩薩般若波羅蜜大慧波羅蜜義
如是滿足者得阿耨多羅三藐三菩
提今時世尊重說偈言
空無常剎那 愚分別有為 如河燈種子
空無常剎那 分別剎那義 剎那亦如是
剎且迦不生 寂靜離所作 一切法不生
我說剎那義 物生即有滅 不為凡夫說
分別相續法 妄想見六道 若元明為因
能生諸心者 乃至色未生 中間依何住

入楞伽經第八卷 第五分

即生即有滅 餘心隨彼生 色不一念住
觀於何法生 依何因生法 心无因而生
是故生不成 云何知念壞 修行者證定
金剛佛舍利 光音天宮殿 世間不壞事
其如證法實 如來智成就 比丘證平等
云何念不住 乳闍婆幻色 何故念不住
無四大見色 四大何所為

入楞伽經化品第十五

今時聖者大慧菩薩摩訶薩復白佛
言世尊如佛世尊與諸羅漢授阿耨
多羅三藐三菩提記如來復說諸佛
如來不入涅槃復說如來應正遍知
何等夜證大菩提何等夜入般涅槃
於其中間不說一字如來復說諸佛
如來常入元覺無觀无分別定復言
作諸種種應化度諸衆生世尊復說
諸識念念差別不住金剛密迹常隨
侍衛復說世間本際難知復言衆生
入般涅槃若入涅槃應有本際復說
諸佛无有怨敵而見諸魔復說如來
斷一切障而見旃遮摩訶毗盧遮那
等諸佛入娑梨那村竟不得食空鉢
而出世尊若如是者如來便有无量

入楞伽經第八卷 第六分

罪業云何如來不離一切諸罪過惡
而得阿耨多羅三藐三菩提一切種智
佛告聖者大慧菩薩言善哉善哉善
哉大慧汝今諦聽當為汝說大慧白
佛言善哉世尊唯然受教佛告大慧
我為曾行菩薩行諸聲聞等依无餘
涅槃而與授記大慧我與聲聞授記
者為怯弱衆生勇猛心大慧此世
界中及餘佛國有諸衆生行菩薩行
而復樂於聲聞法行為轉彼取大菩
提應化佛為應化聲聞授記非報佛
法身佛而授記剎大慧聲聞辟支佛
涅槃无差別何以故斷煩惱無差異
故斷煩惱障非斷智障復次大慧見
法无我斷於智障見人無我斷煩惱
障大慧轉意識故斷法障業障以轉
意阿黎耶識熏習故究竟清淨大慧
我常依本法體而住更不生法依本
名字章句不覺不思而說諸法大慧
如來常如意知常不失念是故如來
元覺無觀諸佛如來離四種地已遠
離二種死二種障二種業故大慧七
種識意識眼耳鼻舌身念念不住

因虛妄熏習離於元漏諸善法故大
慧如來藏世間不生不死不來不去
常恒清涼不變復次大慧依如來藏
故有世間涅槃苦樂之因而諸凡夫
不覺不知而墮於空虛妄顛倒大慧
金剛密迹常隨侍衛應化如來前後
圓遠非法佛報佛根本如來應正遍
知大慧根本如來遠離諸根大小諸
量遠離一切凡夫聲聞辟支佛等大
慧如實修行得彼真如樂行境界者
知根本佛以得平等法忍故是故金
剛密迹隨應化佛大慧應化佛者无
業無謗而應化佛不異法佛報佛如
來而亦不一如陶師鹽等作所作事
應化佛作化衆生事異真實相說法
不說內所證法聖智境界復次大慧
一切凡夫外道聲聞辟支佛等見六
識滅墮於斷見不見阿黎耶識墮於
常見復次大慧不見自心分別本際
是故世間名无本際大慧遠離自心
分別見者名為解脫得涅槃證大慧
諸佛如來遠離四種熏習氣故是故
无過尔時世尊重說偈言

三乘及非乘 諸佛无量乘 一切記佛地
說諸煩惱斷 內身證聖智 及無餘涅槃
訪進法衆生 是故隱覆說 如來得證智
亦說於彼道 衆生依入道 二乘无涅槃
見欲色及有 及四種熏地 意識亦所生
見意識共住 見意識等 常无常斷或
常見依意等 而起涅槃見

入楞伽經蓮食肉品第十六

尔時聖者大慧菩薩摩訶薩白佛言
世尊我觀世間生死流轉怨結相連
墮諸惡道皆由食肉更相煞害增長
貪瞋不得出離甚為大苦世尊食肉
之人斷大慈種修聖道者不應得食
世尊諸外道等說邪見法虛迦耶陀
墮俗之論墮於斷常有无見中皆遮
食肉自己已不食不聽他食云何如來
清淨法中修梵行者自食他食一切
不制如來世尊於諸衆生慈悲一等
云何而聽以肉為食善哉世尊哀愍
世間願為我說食肉之過不食功德
我及一切諸菩薩等聞已得依如實
修行廣宣流布令諸現在未來衆生
一切識知

佛告聖者大慧菩薩言善哉善哉善
哉大慧汝大慈悲愍衆生故能問此
義汝今諦聽當為汝說大慧菩薩白
佛言善哉世尊唯然受教佛告大慧
夫食肉者有无量過諸菩薩摩訶薩
修大慈悲不得食肉食與不食功德
罪過我說少分汝今諦聽大慧我觀
衆生從無始來食肉習故貪著肉味
更相煞害遠離賢聖受生死苦捨肉
味者聞正法味於菩薩地如實修行
速得阿耨多羅三藐三菩提復令衆
生入於聲聞辟支佛地止息之憂息
已令入如來之地大慧如是等利慈
心為本食肉之人斷大慈種云何當
得如是大利是故大慧我觀衆生輪
迴六道同在生死共相生有迭為父
母兄弟姊妹若男若女中表内外六
親眷屬或生餘道善道惡道常為眷
屬以是因緣我觀衆生更相啖肉無
非親者由貪肉味迭互相啖常生害
心增長苦業流轉生死不得出離佛
說是時諸惡羅刹聞佛所說悉捨惡
心止不食肉迭相勸發慈悲之心護

◇高麗大藏經◇

合釋經第八卷 第十卷 牛

衆生命過自護身捨離一切諸肉不
食悲泣流淚而白佛言世尊我聞佛
說諦觀六道我所啖肉皆是我親乃
知食肉衆生大怨斷大慈種長不善
業是大苦本世尊我從今日斷不食
肉及我眷屬亦不聽食如來弟子有
不食者我當晝夜親近擁護若食肉
者我當與作大不饒益佛言大慧羅刹
惡鬼常食肉者聞我所說尚發慈心捨
肉不食況我弟子行善法者當聽食
肉若食肉者當知即是衆生大怨斷
我聖種大慈若我弟子聞我所說不
諦觀察而食肉者當知即是旃陀羅
種非我弟子我非其師是故大慧若
欲與我作眷屬者一切諸肉悉不應食
復次大慧菩薩應觀一切是肉皆依
父母膿血不淨赤白和合生不淨身
是故善薩觀肉不淨不應食肉
復次大慧食肉之人衆生聞氣悉皆
驚怖逃走遠離是故善薩修如實行
為化衆生不應食肉大慧譬如旃陀
羅獵師屠兒捕魚鳥人一切行處衆
生遙見作如是念我今定死而此未

合釋經第八卷 第十卷 牛

者是大惡人不識罪福斷衆生命求
現前利今來至此為覓我等今我等
身悉皆有肉是故今未我等定死大
慧由人食肉能令衆生見者皆生如
是驚怖大慧一切虛空地中衆生見
食肉者皆生驚怖而起疑念我於今
者為死為活如是惡人不修慈心亦
如豺狼遊行世間常覓肉食如牛噉
草繞樹逐糞不知飽足我身是肉正
是其食不應逢見即捨逃走離之遠
去如人畏懼羅刹無異大慧食肉之
人能令衆生見者皆生如是驚怖當
知食肉衆生大怨是故善薩修行慈
悲為攝衆生不應食彼非聖慧人所
食之味惡名流布聖人呵嘖是故大
慧善薩為攝諸衆生故不應食肉
復次大慧善薩為護衆生信心不應
食肉何以故大慧言善薩者衆生皆
知是佛如來慈心之種能與衆生作
歸依處聞者自然不生疑怖生親友
想善知識想不怖畏想言得歸依處
得安隱處得善導師大慧由不食肉
能生衆生如是信心若食肉者衆生

合釋經第八卷 第十卷 牛

即失一切信心便言世間無可信者
斷於信根是故大慧善薩為護衆生
信心一切諸肉悉不應食
復次大慧我諸弟子為護世間謗三
寶故不應食肉何以故世間有人見
食肉故謗毀三寶作如是言於佛法
中何處當有真實沙門婆羅門修梵
行者捨於聖人本所應食食衆生肉
猶如羅刹食肉滿腹醉眠不動依世
凡人豪貴勢力覓肉食噉如羅刹王
驚怖衆生是故處處唱如是言何處當
有真實沙門婆羅門修淨行者無法无
沙門無毗尼无淨行者生如是等無量
无边惡不善心斷我法輪絕滅聖種
一切皆由食肉者過是故大慧我弟
子者為護惡人毀謗三寶乃至不應
生念肉想何況食肉
復次大慧善薩為求清淨佛土教化
衆生不應食肉應觀諸肉如人死屍
眼不欲見不用聞氣何況可嗅而著
口中一切諸肉亦復如是大慧如燒
死屍臭氣不淨與燒餘肉臭穢无異
六何於中有食不食是故大慧善薩

為求清淨佛土教化眾生不應食肉
 復次大慧菩薩為求出離生死應當
 專念慈悲之行少欲知足厭世間苦
 速求解脫當捨憤鬧就於空閑住屍
 陀林阿蘭若處塚間樹下獨坐思惟
 觀諸世間无一可樂妻子眷屬如枷
 鎖想宮殿臺觀如牢獄想觀諸珍寶
 如糞聚想見諸飲食如膿血想受諸
 飲食如塗瘡瘡趣得存命繫念聖道
 不為貪味酒肉恣蕞蕞難臭味捨
 不食大慧若如是者是真修行堪受
 一切人天供養若於世間不生厭離
 貪著滋味酒肉豈幸得便噉食不應
 受於世間信施

復次大慧有諸眾生過去曾修无量
 因緣有微善根得聞我法信心出家
 在我法中過去曾作羅刹眷屬虎狼
 獅子猫狸中生雖在我法食肉餘習
 見食肉者歡喜親近入諸城邑聚落
 塔寺飲酒噉肉以為歡樂諸天下觀
 猶如羅刹爭噉死屍等元有異而不
 自知已失我眾成羅刹眷屬雖服袈
 裟剃除鬚髮有命者見心生恐怖如

畏羅刹是故大慧若以我為師者一
 切諸肉悉不應食

復次大慧世間邪見諸呪術師若其
 食肉呪術不成為成邪術尚不食肉
 況我弟子為求如來无上聖道出世
 解脫修大慈悲精勤苦行猶恐不得
 何處當有如是解脫為彼癡人食肉
 而得是故大慧我諸弟子為求出世
 解脫樂故不應食肉

復次大慧食肉能起色力食味人多
 貪著應當諦觀一切世間有身命者
 各自實重畏於死苦護惜身命人畜
 无別寧當樂存亦野干身不能捨命
 受諸天樂何以故畏死苦故大慧以
 是觀察死為大苦是可畏法自身畏
 死又何當得而食他肉是故大慧欲
 食肉者先自念身次觀眾生不應食肉
 復次大慧夫食肉者諸天遠離何況
 聖人是故菩薩為見聖人當修慈悲
 不應食肉大慧食肉之人睡眠亦苦
 起時亦苦若於夢中見種種惡驚怖
 毛豎心常不安无慈心故乏諸善力
 若其獨在空閑之處多為非人而伺

其便虎狼獅子亦來伺求欲食其肉
 心常驚怖不得安隱

復次大慧諸食肉者貪心難滿食不
 知量不能消化增益四大口氣腥臊
 腹中多有无量惡虫身多瘡癬白癩
 病疾種種不淨現在凡夫不意聞見
 何況未來无病香潔人身可得復次
 大慧我說凡夫為求淨命噉於淨食
 尚應生心如子肉想何況噉食非聖
 人食聖人離者以肉能生无量諸過
 失於出世一切功德去何言我聽諸
 弟子食諸肉血不淨等味言我聽者
 是則謗我大慧我聽弟子食諸聖人
 所應食食非謂聖人遠離之食聖食
 能生无量功德遠離諸過大慧過去
 現在聖人食者所謂粳米大小麦豆
 種種油蜜甘蔗甘蔗汁齋庵未干提
 等隨時得者聽食為淨大慧於未來
 世有愚痴人說種種毗尼言得食肉
 因於過去食肉熏習愛著肉味隨自
 心見作如是說非佛聖人說為美食
 大慧不食肉者要因過去供養諸佛
 種諸善根能信佛語堅住毗尼信諸

金瓶梅詞話卷第十六

因果至於身口能自節量不為世間貪著諸味見食肉者能生慈心大慧我憶過去有王名師子奴食種種肉愛著肉味次第乃至食於人肉因食人肉父母兄弟妻子眷屬皆悉捨離一切臣民國土聚落即便謀反共斷其命以食肉者有如是過是故不應食一切肉復次大慧自在天王化身為鵠釋提桓因是諸天主因於過去食肉習氣化身作鷹鷂逐此鵠鵠來投我我於余時作尸毗王憐愍衆生更相食噉稱己身肉與鷹代鵠割肉不足身上秤上受大苦惱大慧如是无量世來食肉熏習自身他身有如是過何況元愧常食肉者大慧復有餘王不食肉者乘馬遊戲為馬驚波牽入深山失於侍從不知歸路不食肉故師子虎狼見无害心與雌師子共行欲事乃至生子斑足王等以過去世食肉熏習及作人王亦常食肉在七家村多樂食肉食肉太過遂食人肉生諸男女盡為羅刹大慧食肉衆生依於過去食肉熏習多生羅刹

入野山莊第八卷 第二七三 終

師子虎豺玃豹狗狸貓鵲鷂鷩鷯鷹鸞等中有命之類各自護身不令得便受飢餓苦常生惡心念食他肉命終復墮惡道受生人身難得何況當有得涅槃道大慧當知食肉之人有如是无元量諸過不食肉者即是无量功德之聚大慧而諸凡夫不知如是食肉之過不食功德我今略說不聽食肉大慧若一切人不食肉者亦無有人煞害衆生由人食肉若无可食處處求買為財利者煞以販賣為買者然則是故買者與煞无异是故食肉能障聖道大慧食肉之人愛著肉味至无畜生乃食人肉何況羣鹿雉兔鴝鶒脂羊鷄狗馳驢象馬龍蛇魚鼈水陸有命得而不食由著肉味設諸方便煞害衆生造作種種置羅機網羅山罫地截河堰海遍諸水陸安置罟網機撥坑塹弓刀毒箭間无空處虛空地水種種衆生皆被煞害為食肉故大慧獵師屠兒食肉人等惡心堅固能行不忍見諸衆生形體鮮肥膚肉充悅生食味心更相指示言

入得如鍾第卷 第廿八張

是可噉不生一念不忍之心是故我
說食肉之人斷大慈種

大慈我觀世間无有是肉而非命者
自己不熟不教人煞他不為煞不從
命來而是肉者无有是處若有是肉
不從命出而是美食我以何故不聽
人食遍求世間无如是肉是故我說
食肉是罪斷如來種故不聽食

大慧我涅槃後於未來世法欲滅時
於我法中有出家者剃除鬚髮自稱
我是沙門釋子披我袈裟癡如小兒
自稱律師墮在二邊種種虛妄覺觀
亂心貪著肉味隨自心見說毗尼中
言得食肉亦謗我言諸佛如來聽人
食肉亦說因制而聽食肉亦謗我言
如來世尊亦自食肉大慧我於象腋
央掘魔涅槃大雲等一切修多羅中
不聽食肉亦不說肉入於食味大慧
我若聽諸聲聞弟子肉為食者我終
不得口常讚歎修大慈悲行如實行
者亦不讚歎屍陀林中頭陀行者亦
不讚歎修行大乘住大乘者亦不讚
歎不食肉者我不自食不聽他食是

故我勸修菩薩行歎不食肉勸觀衆生應如一子云何唱言我聽食肉我為弟子修三乘行者速得果故速一切肉悉不聽食云何說言我毗尼中聽人食肉又復說言如來餘修多羅中說三種肉聽人食者當知是人不解毗尼次第斷故唱言得食何以故大慈肉有二種一者他慈二者自死以世人言有肉得食有不得者象馬龍蛇人見稱猴猪狗及牛言不得食餘者得食屠兒不問得食不得一切盡無憂慮街賣衆生无過橫被煞害是故我制他慈自死悉不得食見聞疑者所謂他慈不見聞疑者所謂自死是故大慈我毗尼中唱如是言凡所有肉於一切沙門釋子皆不淨食汗清淨命障聖道分无有方便而可得食若有說言佛毗尼中說三種肉為不聽食非為聽食當知是人堅住毗尼是不訪我大慈今此楞伽修多羅中一切時一切肉亦无方便而可得食是故大慈我聽食肉不為一人現在未來切不得是故大慈若彼

痴人自言律師言毗尼中聽人食肉亦訪我言如來自食彼愚痴人成大罪障長夜墜於无利益處無聖人覆不聞法慶亦不得見現在未來賢聖弟子況當得見諸佛如來大慈諸聲聞人常所應食米麴油蜜種種麻豆能生淨命非法貯富非法受取我說不淨尚不聽食何況聽食血肉不淨大慈我諸聲聞辟支佛菩薩弟子食於法食非食飲食何況如來大慈諸佛如來法食法住非飲食身非諸一切飲食住身難諸資生愛有求等速離一切煩惱習過善分別知心智慧一切智一切見見諸衆生平等憐愍是故大慈我見一切諸衆生等猶如一子云何而聽以肉為食亦不隨喜何況自食大慈如是一切慈悲慈慈慈臭穢不淨能障聖道亦障世間人天淨處何況諸佛淨土果報洎亦如是能障聖道能損善業能生諸過是故大慈求聖道者酒肉慈慈及蒜薤等能熏之味悉不應食今時世尊重說偈言

大慈菩薩問酒肉慈慈蒜薤佛言是不淨一切不聽食羅刹等食噉非聖所食味食者聖訶嘖及惡名流布願佛分別說食不食罪福大慈汝諦聽我說食中過酒肉慈慈蒜薤是障聖道分我觀三界中及得聖道衆无始世界來展轉莫非親去何於其中而有食不食觀肉所從來出處最不淨膿血和雜生屎尿膿涕合修行淨行者當觀不應食種種肉及慈酒亦不得飲種種薤及蒜修行常遠離常遠離麻油穿孔床不眠飛揚諸細虫斷害他命故肉食長身力由力生邪念邪念生貪欲故不聽食肉由食肉生貪貪心致迷醉迷醉長愛欲不解脫生死為利煞衆生為肉追錢財彼二人惡業死墮可嘆獄三種名淨肉不見聞不疑世无如是肉生墮食肉中臭穢可厭患常生顛狂中多生痴闇羅刹師屠兒家或生羅刹女及諸食肉家羅刹猫狸種食肉生彼中象駝與大雲淫豚勝鬘經及入楞伽經我不聽食肉諸佛及菩薩聲聞亦呵嘖食肉无慚愧生生常顛狂先說見聞疑已斷一切肉忘想不覺知

入楞伽經卷第八 第三十二

故生食肉想 如彼貪欲過 障畢聖解脫
酒肉慈莊特 念為聖道障 未來世眾生
於肉愚癡說 言此淨元罪 佛聽我等食
淨食如藥想 猶如食子肉 知足生獸離
修行行乞食 安住慈心者 我說常默離
師子豺虎狼 恒可同遊止 食肉見者怖
去何而可食 是故修行者 慈心不食肉
食肉斷慈心 離淫解脫 及違聖人教
故不聽食肉 不食生梵種 及諸修行道
智慧及富貴 斯由不食肉

入楞伽經陀羅尼品第十七

亦時世尊告聖者大慧菩薩摩訶薩
言大慧汝應諦聽受持我楞伽經呪
是呪過去未來現在諸佛已說今說
當說大慧我今亦說為諸法師受持
讀誦楞伽經者而說呪曰

兜諦兜諦 祝諦祝諦 薩頗諦薩頗
諦 迦諦迦諦 阿摩利 阿摩諦 毗摩
梨毗摩梨 尼弥尼弥 吳弥吳弥 婆
迷婆迷 歌梨歌梨 歌羅歌梨 阿
摩摩摩 迦摩摩 讓摩 蘇摩
著弟著弟 波弟波弟 奚咪奚咪
地咪地咪 羅制羅制 波制波制

入楞伽經卷第八 第三十三

樂弟樂弟 阿制制制 竹茶梨兜茶
弟 波羅弟 過計過計 研計研計
梨利 令屏咪 屎咪 奚咪 奚咪 畫
畫畫畫 抽畜抽畜 細細細細 除
除除除 蘇波呵

大慧是名楞伽大經中呪文句善男
子善女人比丘比丘尼優婆塞優婆
夷等能受持誦此文句為人演說无
有人能覓其罪過若天天女若龍龍
女若夜叉夜叉女阿修羅阿修羅女
迦樓羅迦樓羅女緊那羅緊那羅女
摩睺羅伽摩睺羅伽女浮多浮多女
鳩摩茶鳩摩茶女毗舍闍毗舍闍女
嚩多嚩多女羅女阿波羅阿波羅女
羅刹羅刹女茶伽茶伽女嚩同嚩同
嚩同何羅女伽吃福多羅伽吃福多
羅女若人非人若人女非人女不能
覓其過若有惡鬼神損害人欲速令
彼惡鬼去者一百遍轉此陀羅尼呪
彼諸惡鬼驚怖啼哭疾走而去佛復
告大慧大慧我為護此護法法師更
說陀羅尼而說呪
波頭弥 波頭弥提婢 奚尼奚尼 奚尼
奚尼

入楞伽經卷第八 第三十四

諸梨 諸羅 諸麗 侯羅 侯麗
由麗 由羅 由麗 波麗 波羅
波麗 閼制 瞋迷頻迷 樂迦末迷
都迦梨蘇波呵

大慧是陀羅尼呪文句若善男子善
女人受持讀誦為人演說無人能得
與作過失若天天女若龍若龍女
夜叉夜叉女阿修羅阿修羅女迦樓
羅迦樓羅女緊那羅緊那羅女摩睺
羅伽摩睺羅伽女乳闍婆乳闍婆女
浮多浮多女鳩摩茶鳩摩茶女毗舍
闍毗舍闍女嚩多嚩多女羅女阿波
羅阿波羅女羅女又羅又女嚩同
阿羅嚩同阿羅女伽吃福單都伽吃
福單都女若人若非人若人女非人
女彼一切不能得其過失大慧若有
人能受持讀誦此呪文句彼人得名
誦一切楞伽經是故我說此陀羅尼
句為速一切諸羅刹護一切善男子
善女人護持此經者
入楞伽經卷第八

癸卯歲高麗國大藏都監奉
勅彫造

入楞伽經卷第九

身

尤觀天生三歲菩提留支譯

揔品第十八之一

今時世尊欲重宣此修多羅深義而說偈言

如夏諸禽獸迷惑心見波 諸禽獸受水
彼水無實事 如是識種子 見諸境界動
諸愚癡眾生 如眼瞠見物 思惟可思惟
及離能思惟 見實諦分別 能知得解脫
是諸法非堅 虛妄分別生 虛妄分別空
依彼空分別 五陰識等法 如水中樹影
如見幻夢等 識中莫分別 幻起尸機關
夢電雲常介 絕三相續法 眾生得解脫
依諸邪念法 是故有識生 八九種種識
如水中諸波 依熏種子法 常堅固縛身
心流轉境界 如鐵依磁石 依止諸眾生
真性離諸覺 遠離諸作事 離知可知法
行如幻三昧 出諸十地行 汝觀心王法
離心境識相 時知心常轉 即住恒不變
住蓮花宮殿 如幻境界相 住彼勝處已
得諸自在行 如摩尼現色 作度眾事業
無有為無為 除諸分別心 愚癡无智取

○入楞伽經

如石女夢兒 寂靜及無生 五陰人相續
因緣諸境界 空有及非有 我說諸方便
无如是實相 愚癡取實有 無能相可相
我覺一切法 而不覺一切 我有一切智
而無一切智 凡夫愚分別 自言世智者
我未曾覺知 亦不覺眾生 一切法惟心
諸陰如毛輪 輪相畢竟無 何處有分別
本無始生物 諸緣中亦无 石女兒空華
若能見有為 今時見可見 見迷法即住
我不入涅槃 不滅諸相業 滅諸分別識
此是我涅槃 非滅諸法相 愚癡妄分別
如瀑水竭盡 今時波不生 如種種識滅
滅而不復生 空及无識相 如幻本不生
有无離有無 此諸法如夢 我說一實法
離於諸覺觀 聖人妙境界 離二法體相
如見螢火相 種種而無實 世間見四大
種種亦如是 如依草木石 示現諸幻相
彼幻無是相 諸法體如是 无取者可取
無解脫无縛 如幻如陽焰 如夢眼中醫
若如是實見 離諸分別垢 即住如實定
彼見我無疑 此中无心識 如虛空陽焰
如是知諸法 而不知一法 離有无諸緣
故諸法不生 三界心迷惑 是故種種見

夢及世間法 此二法平等 可見與實生
諸觸及於量 身无常世間 種種色亦尔
世間尊者說 如是所作事 心三界種子
迷惑見現未 知世間分別 元如是實法
見世間如是 能離諸生死 生及與不生
愚癡迷惑見 不生及不滅 修習慧者見
阿迦尼妙境 離諸惡行處 常无分別行
離諸心數法 得力通自在 到諸三昧處
彼處成正覺 化佛此中成 諸法不生滅
諸法如是體 應化无量億 彼體中出世
愚人聞佛法 如響不思議 速離初中後
及離有无法 遍不動清淨 無諸相現相
識性覆法身 一切身中有 迷惑是幻有
幻非迷惑因 心無迷惑法 亦非不少有
心依二法縛 阿梨耶識起 但心如是見
我法如瀑水 觀世間如是 今時轉諸心
乃是我真子 成就實法行 煖濕及堅動
愚分別諸法 非實專念有 无能相可相
八種物一身 形相及諸根 愚分別諸色
迷惑身羅網 諸因緣和合 愚癡分別生
不知如是法 流轉三界中 諸法及言語
是眾生分別 而諸法是無 如化如夢等
觀諸法如是 不住世涅槃 心種種種子

第一九冊

二二七

入楞伽經卷第九 第五節

現見心境界可見分別生愚癡樂二法
 無智愛及業是心心法因依他力法生
 故說他力法依法分別事心迷惑境界
 故不成分別迷惑邪分別心依因緣縛
 是故生諸身若離諸因緣我說不見法
 離諸因緣法離於諸法相不住諸法中
 我說不見境如王長者等以種種禽獸
 會集宅野中以示於諸子我如是諸相
 種種鏡像法內身智為子說於實際法
 如大海波浪從風因緣生能起舞現前
 而無有斷絕阿梨耶識常依風境界起
 種種水波識能舞生不絕能取可取相
 衆生見如是可見無諸相毛道如是見
 阿梨耶本識意及於意識離可取能取
 我說如是相五陰中無我及無人衆生
 生即諸識生滅即諸識滅如畫中高下
 可見無如是如是諸物體見無如是相
 如乳開婆城禽獸渴受水如是可見見
 智觀無如是離可量及想非因亦非果
 離能覺所覺離能見可見依陰因緣覺
 無人見可見若不見可見云何修彼法
 因緣因辟喻立意及因緣夢乳開婆輪
 陽焰及日月光焰幻等喻我速諸法生

入楞伽經卷第九 第五節

如夢幻迷惑空分別衆生不依於三界
 内外亦皆無見諸有不生乃得无生忍
 得如幻三昧及於如意身諸通及自在
 力心種種法諸法本不生空无法體相
 彼人迷不覺隨因緣生滅如愚癡分別
 心見於自心見外種種相實無可見法
 見骨相佛像及諸大難散善覺心能知
 住持世間相身住持資生可取三種境
 識取識境界意識分別三分別可分別
 所有空境界不能見實法彼覺迷不見
 諸法无自體智慧者能覺行者余乃息
 住於無相處如墨面於雞愚取是我離
 如癡凡夫取三乘同是一元諸聲聞人
 亦无辟支佛所見聲聞色及見諸如來
 諸菩薩天慈示現是化身三界唯是心
 離三種體相轉變彼諸相彼即是真如
 法及人行相日月光焰熾大諸摩尼寶
 无分別作事諸佛法如是如賢取毛輪
 如是分別法愚癡虛妄取離於生住滅
 及離常无常可見淨淨法如空中毛輪
 如中黃芩人見諸像大地一切如金色
 彼不曾有金如是愚癡人无始心法染
 幻陽焰生有愚人取為實一子及無子

入楞伽經卷第九 第五節

大海是一子亦是無量子汝觀心種子
 一子如清淨轉於无種子平等無分別
 起即是生死能生種種子是故說種子
 因緣不生法因緣不滅法生法惟因緣
 心如是分別三界惟假名實无事法體
 妄覺者分別取假名為實觀諸法實體
 我不速迷惑實體不生法觀是得解脫
 我不見幻無說諸法是有顛倒速如電
 是故說如幻非本生如生諸因緣无體
 无有處及體惟有於言語不速緣生滅
 不速緣和合速諸愚癡見分別因緣生
 實无識體法無事及本識愚癡生分別
 如死尸惡覺三界但是心諸佛子能見
 即得種種身離作有為法得力通自在
 及共相應法現諸一切色心法如是生
 而無心及色無始心迷惑今時修行者
 得見於无相智慧中觀察不見諸衆生
 相及事假名意取諸動法我諸子過是
 无分別修行乳開婆城幻毛輪及陽焰
 無實而是實諸法體如是如心見諸法
 无如是體相一切法不生但見迷惑法
 毛道迷分別以住於二法初識生分別
 種種熏種子識如瀑水起斷彼則不生

種種念觀法 若但心中生 如虛空壁中
 何故而不生 若有少相觀 心則從緣生
 若從因緣生 不得言惟心 心取於自心
 無法无因生 心法體清淨 虛空中无熏
 虛妄取自心 是故心現生 外法無可見
 是故說惟心 本識但是心 意能念境界
 能取諸境界 故我說惟心 心常無記法
 意二邊取相 取現法是識 彼是善不善
 離二種識相 是第一義門 說三乘差別
 寂靜无是相 若心住寂靜 及行於佛地
 是過去佛說 現未亦如是 初七是心地
 寂靜第八地 二地是行處 餘地是我法
 自内身清淨 是我自在 自在究竟處
 阿迦尼吒現 如諸火焰等 而出諸光明
 種種心可樂 化作於三界 或有先有化
 而化作三有 彼處說諸法 是我自在 地
 諸地无時節 國土轉亦然 過諸心地法
 是住寂靜果 實无而謂實 而見於種種
 愚人顛倒取 是種種顛倒 如无分別智
 有事不相應 以心非諸色 是故無分別
 諸禪及無量 及无色三昧 諸相畢竟滅
 是故心中无 須陀洹果法 往來及不還
 及諸羅漢果 一切心迷惑 空无常剎那

愚分別有為 河種子譬喻 分別剎那義
 剎那无分別 離諸所作法 一切法不生
 我說剎那義 有無說於生 僧伽等妄說
 一切法無說 亦是彼人說 有四種記法
 一往答反問 分別差別答 默答遮外道
 世諦一切有 第一義諦無 而實體无相
 是第一義諦 見於虛妄法 是故說世諦
 因於言語生 无如是實體 無事有言語
 世諦中實无 是即顛倒事 可見亦是無
 若事顛倒有 寂靜畢竟无 依於顛倒事
 及見諸法生 畢竟定是無 即是无體相
 所見諸種種 真習煩惱生 心見外迷惑
 現取於前境 分別无分別 是空實相法
 如幻像諸相 如樹葉金色 是可見人見
 心無明熏習 聖人不見迷 中間不見實
 迷惑即是實 以實即中間 遠離諸迷惑
 若能生諸相 即是其迷惑 如眼瞽不淨
 如瞽見毛輪 依迷取諸法 於諸境界中
 愚癡取是法 諸法如毛輪 陽炎水迷惑
 三界如夢幻 修行得解脫 分別可分別
 能生於分別 縛可縛及因 六種解脫因
 无地及諸諦 無國土及化 佛辟支聲聞
 惟是心分別 人體及五陰 諸緣及微塵

勝人自在作 惟是心分別 心遍一切處
 一切處皆心 以心不善觀 心性无諸相
 五陰中无我 我中無五陰 分別無是法
 而彼法非無 如愚癡分別 有諸一切法
 如是見實有 一切應見實 一切法若无
 無染亦无淨 愚癡見如是 彼法不如是
 迷惑分別相 是他力分別 彼相所有名
 是名分別相 名相是分別 因緣事和合
 若不生彼心 是第一義相 報相佛實體
 及所化佛相 衆生及菩薩 并十方國土
 習氣法化佛 及作於化佛 是皆一切從
 阿彌陀國出 應化所說法 及報佛說法
 修多羅廣說 汝應知密意 所有佛子說
 及於諸如來 是皆化佛說 非淳熟者說
 是諸法不生 而彼法非無 乳闍婆城幻
 如夢化相似 種種隨心轉 惟心非餘法
 心生種種生 心滅種種滅 衆生妄分別
 无物而見物 无義惟是心 無分別得脫
 無始世戲論 依止於煩惱 諸分別熏修
 是故邪見生 識无分別義 真如是智境
 轉彼是寂靜 是諸聖境界 觀察義思惟
 諸凡夫思惟 念真如思惟 諸佛淨思惟
 分別諸法體 一切法不生 依他力因緣

入等如經第九卷 第十七段 身

衆生迷分別他力若清淨離分別相應轉彼即真如離分別是行莫分別分別分別是无實分別迷惑法取可取不盡見外分別境分別實體心分別分別彼法因緣生邪見見外義无義但是心觀對量相應能滅取可取無諸外境界愚癡妄分別熏習增長心似生於諸法滅二種分別真如智境界生於無法相不思識聖境名相及分別實體二種相正智及真如是成就實體依父母和合阿梨耶意合如瓶等見共赤白增長辟尸厚泡瘡不淨依節盡業風長四大如諸果成熟五及於五五及有九種乳諸毛甲遍覆如是增長生如糞中虫如人睡中寤眼見色起念增長生分別分別及專念斷齒屑和合口始說言語如鸚鵡持聲諸外道說定大乘不決定依衆生心定邪見不能近我乘內證知妄覺非境界如來滅世後誰持為我說如來滅度後未來當有人大慧汝諦聽有人持我法於南大國中有大德比丘名龍樹菩薩能破有無見為人說我法大乘无上法證得歡喜地往生安樂國

入等如經第九卷 第十七段 身

智慧觀察法不見實法體是故不可說及說亦無體若因緣生法不得言有元因緣中有物愚分別有无邪見二邪法我知離我法一切法名字無量切常學以學復更學迭共相分別若不說諸名諸世間迷惑是故作名字為除迷惑業依三種分別愚癡分別法依名迷分別及因緣能生法不滅不生自性如虛空法无體是體分別相即體影像及於幻陽焰與夢響火輪乳蘭婁諸法如是生不二真如空實際及法體我說无分別成就彼法相口心境界虛實乃立虛妄心墮於二邊是故立分別有無墮二邊以在心境界遠離諸境界今時正滅心以離取境界彼滅非有無如聖人境界愚人不能知有滅住真如智慧者能見如彼諸法住智慧者能見法體不如是以諸法無相愚癡人見鐵分別以為金非金而見金外道取法介本无言始生始生後還滅從因緣有元此說非我教無始无終法無始是相住以世間住相邪見者不知過去法是有未來法非无現在法亦有不應言法生轉時及行相

入等如經第九卷 第十七段 身

諸大及諸根虛妄取中陰若取非覺者一切佛世尊不說因緣生因緣即世間如乳闍婆城但法緣和合依此法生法離諸和合法不滅亦不生鏡及於水中眼及器塵尼而見諸鏡像諸影像是無如獸愛空水見諸種種色種種似如有如夢石女兒我乘非大乘非聲亦非字非諦非解脫非寂靜境界而我乘大乘諸三昧自在身如意種種自在花莊嚴一體及別體因緣中无法略說諸法生廣說諸法滅不生空是一而生空是二不生空是勝生滅即是空真如空實際涅槃與法界身及意種種我說異名法經毗尼毗曇分別我清淨依名不依義彼不知无我非外道非佛非我亦非餘從緣成有法云何无諸法何人成就有從因緣說無說法生邪見有妄妄分別若人見不生亦見法不滅彼人雖有無見世間寂靜衆生分別見可見如兔角分別是迷惑如禽愛陽焰虛妄分別法依彼分別見無因緣分別无因不應分無水而取水如獸妄生愛愚癡如是見聖者无如是聖人見清淨以生三解脫

難諸生死法 修行寂靜處 深快妙方便
 知國土妙事 我為諸子說 不為諸小乘
 三有是無常 空无我離我 同相及別相
 我為聲聞說 不著一切法 離世間獨行
 我說緣覺果 非思量境界 分別外實體
 從他力故生 見自身迷惑 余時轉諸心
 十地即初地 初地即八地 九地即七地
 七地即八地 二地即三地 四地即五地
 三地即六地 寂靜无次第 諸法常寂靜
 修行者无法 有無法平等 余時聖得果
 諸法無體相 无何於无法 而能作平等
 寂寂无分別 若不見諸心 內及外動法
 余時滅諸法 已見平等心 愚元始流轉
 取法如懷抱 誰凡夫而轉 如因摺出摺
 依彼因及觀 共意取境界 依於識種子
 能作於心因 修得及住持 隨種類身得
 及夢中所得 是通有四種 夢中所得通
 及於諸佛恩 取種類身得 彼通非實通
 熏種子熏心 似有法生轉 愚人不覺知
 為說生諸法 分別於外物 諸法相成就
 余時心悶沒 不見自迷惑 何故說於生
 何故說无見 不可見而見 願必為我說
 為於何等人 說何等法有 為於何等人

說何等法无 心體自清淨 意起共諸濁
 意及一切識 能作熏種子 阿梨耶出身
 意出求諸法 意識取境界 迷惑見貪取
 自心所見法 外法无外法 如是觀迷惑
 常憶念真如 修禪者境界 業諸佛大事
 此三不思議 是智者境界 過現及未來
 涅槃及虛空 我依世諦說 真諦无名字
 二乘及外道 等著於邪見 迷沒於心中
 分別於外法 緣覺佛菩提 羅漢見諸佛
 菩提堅種子 及夢中成就 何處為何等
 云何為何因 所為何義 惟願為我說
 幻心去寂靜 有无明實說 心中迷堅固
 說有幻無幻 生滅相相應 相可相有无
 分別惟是意 共於五種識 鏡像水波等
 從心種子生 若心及於意 而諸識不生
 時得如意身 乃至於佛地 諸緣及陰界
 是法自體相 假名及人心 如夢如毛輪
 世間如幻夢 見依止得實 諸相實相應
 離諸對量因 諸聖人內境 常觀諸妙行
 迷覆對量因 令世間實解 離一切戲論
 智不住迷惑 諸法无體相 空及常无常
 心住於愚癡 迷惑故分別 說是諸法者
 非說於元生 一二及於二 忽然自在有

依時勝微塵 緣分別世間 世種子是識
 依止彼因生 如依壁畫像 知實即是滅
 如人見於幻 見生死亦尔 愚癡人依聞
 縛及解脫生 內外諸種種 諸法及因緣
 如是觀修行 住於寂靜處 熏習中无心
 心不共熏習 心無差別相 熏習纏於心
 如垢見熏習 意從於識生 如鼻心亦尔
 依熏習不顯 如物非無物 我說虛空然
 阿梨耶身中 離於有无物 意識轉滅已
 心離於濁法 覺知一切法 故我說心佛
 斷絕於三世 離於有无法 世法四相應
 諸有患如幻 是二法體相 七地從心生
 餘地亦成就 二地及佛地 色界及无色
 欲界及涅槃 一切心境界 不離於身中
 若見諸法生 是生迷惑法 覺自心迷惑
 是不生諸法 无生法體相 生即著世間
 見諸相如幻 法體相如是 自心虛妄取
 莫分別諸法 為癡无智說 三乘與一乘
 及說於无乘 諸聖人寂靜 我法有二種
 相法及於證 四種對量相 立量相應法
 形及相勝種 見迷惑分別 名字及行處
 聖行實清淨 依分別分別 故有分別相
 離分別分別 實體聖境界 常恒實不變

性事及實體（楞伽經第九卷 第五十一經）真如離心法 遠離於分別

若元清淨法 亦元有於染 以有清淨心

而見有染法 清淨聖境界 是故元實事

是諸法體相 聖人之境界 從因生世間

離於諸分別 如幻與夢等 見法得解脫

煩惱熏種種 共心相應生 衆生見外境

非諸心法體 心法常清淨 非是迷惑生

迷從煩惱起 是故心不見 迷惑即真實

餘處不可得 非陰非餘處 觀陰行如實

離見能見相 若見有為法 見自心世間

彼人能離相 莫見惟心法 莫分別外義

住於真如觀 過於心境界 過心境界已

遠離諸寂靜 修行住寂靜 行者寂靜住

不見摩訶衍 自然去寂靜 依諸願清淨

智无我寂靜 應觀心境界 亦觀智境界

智慧觀境界 不迷於相中 心境界苦諦

智境界是集 二諦及佛地 是般若境界

得果及涅槃 及於八聖道 覺知一切法

得清淨佛智 眼色及於明 虛空與心意

如是等和合 識從梨耶生 能取可取受

無名亦无事 無因分別者 若取於覺者

於義中無名 名中義亦不 因無因而生

莫分別分別 一切法無實 言語亦復然

空不空義亦 愚癡見法是 妄取於實住

邪見說假名 一法成五種 如實能遠離

五種是魔法 超越過有無 非修行境界

是外道之法 不求有邪法 亦无相見我

以作自常法 惟從言語生 實諦不可說

寂滅見諸法 依止阿梨耶 能轉生意識

依止依心意 能生於轉識 依虛虛妄成

真如是心法 如是修行者 能知心性體

分別常无常 意相及於事 生及與不生

行者不應取 莫分別二法 識從梨耶生

一義二心生 不知如是生 取一二之法

是凡夫境界 无說者及說 不空以見心

不見於自心 故生見羅網 諸因緣不生

諸根亦如是 界及五陰无 無貪无有為

本元有作業 不作非有為 无除亦無縛

無縛无解脫 無无記無物 無法无非法

无時無涅槃 法體亦是無 无佛無實諦

無因亦无果 無顛倒无滅 無滅亦无生

十二支亦無 邊无邊亦不 離於諸邪見

是故說惟心 煩惱業及身 作者與果報

如陽焰及夢 乳園婆城等 住於心法中

而生諸法相 住於心法中 而見於斷常

涅槃中无陰 無我亦无相 能入惟是心

解脫不取相 見他何過失 諸衆生見外

心非有非無 由熏習不顯 垢中不見白

白中不見垢 如雲蓋虚空 是故心不見

心能作諸業 智於中分別 慧能觀寂靜

得大妙法體 心依境界縛 智依覺觀生

寂靜勝境界 慧能於中行 心意及意識

於相中分別 得无分別體 二乘非諸子

寂靜勝人相 諸佛智慧淨 能生於勝義

已離諸行相 分別法體有 他力法是無

迷惑取分別 不分別他力 非諸大有色

有色非諸大 夢幻乳園婆 獸渴愛无水

我有三種慧 依止得聖名 心無法中生

是故心不見 身資生住持 衆生依熏見

依彼分別相 而說於諸法 離二乘相應

慧離現法相 虛妄取法故 聲聞見於法

能入惟是心 如來智无垢 若實及不實

從因緣生法 一二取見 畢竟能取者

種種諸因緣 如幻無有實 如是種種種

不能成分別 依於煩惱相 諸縛從心生

不知分別法 他力是分別 所有分別體

即是他力法 種種分別見 於他力分別

世諦第一義 第三无因生 分別說相續

斷即聖境界 修行者一事 惟心種種見

彼摩无心體 如是分別相 如人眼中翳
分別種種色 翳非色非色 愚見他力亦
如金離塵垢 如水離泥濁 如虛空離雲
如是淨分別 聲聞從法生 菩薩亦三種
離諸貪癡垢 聲聞從法生 菩薩亦三種
諸如來無相 衆生心中 見佛如來像
分別无如是 他力法體有 見有無二邊
是故見分別 若无分別法 他力云何有
遠離有法體 實有法體生 依止於分別
而見於他力 依名相和合 而生於分別
常无所成就 他力分別生 亦時知清淨
第一義實體 分別有十種 他力有六種
真如是內身 是故无異相 五法是實法
及三種實相 如是修行者 不壞真如法
星宿雲形像 似於日月體 諸衆生見心
可見熏集生 諸大无自體 非能見可見
若色從大生 諸大生諸大 如是不生大
大中無四大 若果是四大 因是地水等
實及假名色 幻生作亦亦 夢及乳闍婆
獸愛水第五 一闍提五種 諸性亦如是
五乘及非乘 涅槃有六種 陰有二十四
色復有八種 佛有二十四 佛子有二種
度門有百種 聲聞有三種 諸佛圖土一

而佛亦有一解脫有三種 心慮有四種
我无我六種 可知境四種 離於諸因緣
亦難邪見過 知內身離垢 大乘無上法
生及於不生 有八種九種 一時證次第
立法准是一 无色有八種 禪差別六種
緣覺及佛子 能取有七種 元有三世法
常無常亦亦 作及於業果 如夢中作事
佛從來不生 聲聞佛子亦 心離於可見
亦常如幻法 胎生轉法輪 出家及梵率
住諸國土中 可見而不生 去行及衆生
說法及涅槃 實諦國王覺 從因緣生法
世間諸樹林 无我外道行 禪乘阿耨耶
證果不思議 月及星宿性 諸三阿僧祇
夜叉乳闍婆 因業而發生 不可思議變
退依熏習緣 斷絕諸變易 時煩惱罪滅
一切諸菩薩 如實修行者 不畜諸財寶
金銀及象馬 牛羊奴婢等 米穀與田宅
不卧穿孔牀 不得泥塗地 金銀赤白銅
鉢子及諸器 修行淨行者 一切不得畜
嬌奢耶衣服 一切不得著 飲藥羅架裝
牛糞草果菜 青赤泥生汁 涂壞於白色
石泥及與鐵 珂及於琉璃 如是鉢聽畜
滿足摩陀量 為割截木故 聽畜四寸刀

刃如半月曲 不得學伎術 如實修行者
不得市販買 所須情自衣 及諸優婆塞
常護於諸和 知於如實義 讀誦修多羅
及學諸毗尼 不與白衣雜 修行入如是
空處與塚間 窟中林樹下 尸陀林草中
乃至於露地 如實修行者 應住如是處
三衣常隨身 不畜餘錢財 為身滴衣服
他自與聽受 為乞食出行 亦不左右視
視前六尺地 安庠而直進 如蜂採諸花
乞食亦如是 比丘比丘尼 衆中衆所雜
我為佛子說 此是惡令活 如實修行者
不聽此乞食 王小王王子 大臣及長者
為求於飲食 一切不得往 死家及生家
親家所愛家 比丘雜等衆 修行者不食
寺舍煙不斷 常作種種食 故為人所作
行者不應食 離有无朋黨 能見可見縛
行者觀世間 離於生滅法 三昧力相應
及諸通自在 若不生分別 不久得如法
從微塵勝人 緣中莫分別 諸因緣和合
行者不分別 分別諸世間 種種從熏生
行者如實觀 三有如幻夢 莫分別三有
身資生住持 離於有元誘 亦離有元見
飲食如服藥 身心常正直 一心專恭敬

佛及諸菩薩如實修行者應知諸律相
 及諸修多羅簡擇諸法相五法體及心
 修行无我相清淨内法身諸地及佛地
 如是修行者住於大蓮花諸佛太慈悲
 如意手摩頂去來於六道諸有生獸心
 發起如實行至尸陀林中日月形體相
 及於花海相虛空火種種修行者見法
 見如是諸相取於外道法亦隨聲聞道
 及緣覺境界遠離如是等住於寂靜處
 時佛妙光明往於諸國土摩彼菩薩頂
 此摩頂妙相隨順真如法余時得妙身
 有因法體離於斷常法謗於有无法
 是分別中道分別無諸因无因是斷見
 見種種外法是人域中道不捨諸法相
 恐有斷絕相有無是謗法如是說中道
 覺但是内心不滅於外法轉虛妄分別
 即是中道法惟心无可見離於心不生
 即是中道法我及諸佛說生及於不生
 有物無物空諸法无自體莫分別二法
 分別是有法愚分別解脫不覺心分別
 離於二取相覺知自心見時離於二見
 如實知遠離不滅分別相實可知見心
 時知分別生不生諸分別是真如離心

離諸外道過若見生諸法彼智者應取
 涅槃而不滅知此法是佛我說及餘佛
 若異見諸法是說外道事不生現於生
 不退常現退同時如水月万億國土見
 一身及無量然火及注雨心心體不異
 故說但是心中但是心心無心而生
 種種色形相所見惟是心佛及聲聞身
 辟支佛身等復種種色身但說是内心
 無色界无色色界及地獄色現為衆生
 但是心因緣如幻三昧法而身如意生
 十地心自在菩薩轉得彼自心分別名
 戲論而搖動依見聞生知愚癡依相知
 相是他力體彼修名分別分別是諸相
 依他力法生智慧觀諸法無他力无相
 畢竟无成就智依何分別若有成就法
 離於有无法離於有无體二體去何有
 分別二種體二種體應有分別見種種
 清淨聖境界分別是種種分別是他力
 若異分別者是墮外道法分別是分別
 見是因體相分別說分別見是因相生
 離於二分別即是成就法國土佛化身
 一乘及三乘无涅槃一切空離一切生
 佛三十差別別復有十種一切國土器

依諸衆生心如分別法相現見種種法
 彼法无種種法佛世間余法佛是真佛
 餘者依彼化衆生自種子見一切佛相
 依迷惑轉心能生於分別真不離分別
 及不離於相實體及受樂化復作諸化
 佛衆三十六是諸佛實體如青赤及鹽
 珂乳及石蜜新果諸花等如月諸光明
 非一亦非異如水中洪波如是七識種
 共於心和合如大海轉變是故波種種
 阿梨耶亦余名識亦如是心意及意識
 分別外相義八無差別相非能見可見
 如大海水波无有差別相諸識於心中
 轉變不可得心能造諸業意是能分別
 意識能知法五識虛妄見青赤白種種
 衆生識現見水波相對法牟尼為我說
 青赤白種種水波中无是愚癡見諸相
 說於心中轉心中無是體離心无外見
 若有於可取應有於能取身資生住持
 說水波相似衆生識現見水波共相似
 大海水波起如舞轉現見本識如是轉
 何故知不取愚癡无智慧本識如海波
 水波轉相對是故說譬喻如日出世間
 平等照衆生如是世尊燈不為愚說法

住於真如法 何故不說實 若說於實法
心中無實法 如海中水波 如鏡及於夢
如自心境界 等見无前後 元一時境界
是故次第生 識能知諸法 意復能分別
五識現見法 寂靜无次第 如世間畫師
及畫師弟子 我住於妙法 為實修行說
離分別分別 是內身實智 我諸佛子說
不為於愚人 亦如幻種種 可見無如是
說種種亦不 說亦不不 為一人說法
不為餘人說 如人病不同 醫師處藥別
諸佛為衆生 隨心說諸法 依外法種子
分別說現法 心取他方法 可取是分別
依止心種子 觀取外境界 二種轉迷惑
更無第三因 以迷惑不生 依何法不生
六十八法 是故惟說心 自心見外法
見彼離於我 若入心分別 能離諸法相
依於阿梨耶 能生於諸識 愚癡內身入
心見於外入 取星宿毛輪 如夢中見色
有為无為常 分別無如是 乳闍婆城幻
如禽獸愛水 无如是見有 他力法亦不
我諸根形相 我說三種心 心意及意識
離於自體相 心意及意識 離於他體相
心意及意識 無我无二體 五法自體相

是諸佛境界 就相有三種 依於一真同
如綠色一種 壁上見種種 二種無我心
意及諸識相 五種法體相 我性无如是
遠離諸心相 識離於意相 諸法體如是
是我之境界 離於諸法體 是諸如來性
身口及意業 彼不作自法 如來性清淨
離於諸修行 自在淨諸通 三昧力莊嚴
種種意生身 長淨如來性 內身智離垢
離於諸因相 八地及佛地 是諸如來性
速行善慧地 法雲與佛地 是諸佛之性
餘地三乘雜 依衆主身別 及為愚癡相
為說七種地 故佛說心地 口身心諸障
七地中無是 八地中妙身 如夢瀑水相
八地及五地 學種種伎術 一切諸佛子
三有中作三 生及與不生 不分空不空
實及於不實 心中无如是 此實此非實
莫分別此實 緣覺及聲聞 非為佛子說
有有有非實 亦無有空相 假名及實法
心中一切無 依世諦有法 第一義悉无
无實法迷惑 是諸世諦法 一切法無法
我說於假名 言語及受用 愚癡見是實
從於言語法 是實有境界 從言語生法
見法无如是 如離壁無畫 亦如影離像

本淨識亦不 為水波不現 如幻心亦不
意如狡猾者 識共於五種 分別見如衆
說是真法習 所有集作化 是諸佛根本
餘者應化佛 心遂可見中 可見心中無
身資生住持 即阿梨耶現 心意及意識
實體五種法 二種无我淨 諸佛如來說
虛妄覺非境 及聲聞亦不 是內身境界
諸佛如來說 長短等相待 彼此相依生
有能成於无 無能成於有 及分別微塵
色體不分別 說但是於心 邪見不能淨
是中分別空 不空亦如是 有有但分別
可說無如是 功德微塵合 愚癡分別色
一一微塵无 是故無是我 自心見形相
衆生見外有 外无可見法 是故無是義
心如毛輪幻 夢乳闍婆城 火輪禽獸愛
實无而人見 常無常及二 二及於不二
無始過所縛 愚癡迷分別 我不說三乘
但說於一乘 為攝取衆生 是故說一乘
解脫有三種 亦說法无我 平等智煩惱
依解脫分別 亦如水中木 為波之所漂
如是癡聲聞 為諸相漂蕩 彼无究竟處
亦復不運生 得寂滅三昧 无量劫不覺
是聲聞之定 非我諸菩薩 離諸隨煩惱

入楞伽經卷第九 第三身

依習煩惱縛 三昧樂境醉 住彼无漏界
如世間醉人 酒消然後寤 彼人然後得
我佛法身體 如象没深泥 身東西動搖
如是三昧醉 聲聞没亦介
入楞伽經卷第九

笑卯歲高麗國大藏都監奉
勅彫造

入楞伽經卷第十

九如天生三歲菩提留支譯

身

持品第十八之二

依諸佛住持 諸願力清淨 受職及三昧
功德及十地 虛空及兔角 及與石女兒
分別法如是 无而說名字 因熏習世間
非有非无處 能見得解脫 解於法無我
實體分別名 他體從因生 我說是成就
諸經常說是 字句名身等 於名身勝法
愚癡人分別 如象没深泥 天乘及梵乘
及於聲聞乘 如來及緣覺 我說如是乘
諸乘不可盡 有心如是生 心轉滅亦無
无乘及乘者 心分別及識 意及於意識
阿梨耶三有 思惟心異名 命及於煖識
阿梨耶命根 意及於意識 是分別異名
心住持於身 意常覺諸法 識自心境界
共於識分別 我說愛是母 无明以為父
識覺諸境界 是故說名佛 諸使是怨家
衆和合是陰 无於相續體 斷彼名無間
二無我煩惱 及二種无我 不可思議變
无生死名佛 意相應法體 我法是我身
若能如是見 彼不隨妄覺 實无於諸法

入楞伽經第十卷 第二身

如愚癡分別 依虛妄无法 云何得解脫
生滅和合縛 見於有為法 增長於二見
不失因緣法 芭蕉夢幻等 是世間如是
惟是一法實 涅槃離意識 有貪及與瞋
及有癡無人 從愛生諸陰 陰有亦如夢
何等夜證法 何等夜入滅 於此二中間
我不說一字 內身證於法 我依如是說
彼佛及我身 无有說勝法 實有神我物
五陰雖彼相 陰體是實有 彼陰中無我
各各見分別 隨煩惱及使 得世間自心
華苦得解脫 諸因及因緣 世間如是生
是四法相應 彼不住我教 非有無生法
離有无不生 愚云何分別 從因及諸緣
有無四句離 若能見世間 尔時轉心識
即得无我法 諸法本不生 是故因緣生
諸緣即是果 果中生於有 果中生二種
果中應有二 而二中無果 果中不見物
離於觀可觀 若見有為法 離心惟是心
故我說惟心 量實體形相 離於緣實體
究竟第一淨 我說如是量 如假名為我
无實法可見 如是陰陰體 是假名非實
平等有四種 相因及於生 无我亦平等
四修行者法 轉諸一切見 分別可分別

不見及不生 故我說惟心 無法亦非元
 離於有元體 真如離於心 故我說惟心
 真如空實際 涅槃及法界 意生身及心
 故我說惟心 分別依熏習 種種生種種
 衆生心見外 故我說惟心 可見无外物
 見心種種見 身資生住持 故我說惟心
 諸聲聞盡智 諸佛如來生 一切辟支佛
 無和合而生 无外諸色相 自心見外法
 覺知於自心 愚分別有為 愚人不不知
 自心種種見 譬喻遮愚人 著於四種法
 無因无分別 譬喻五種論 自心體示相
 能知是顯慧 依分別可別 此是分別相
 依止於分別 分別於現生 一一別和合
 是一種子因 客二法是二 故人心不生
 分別心心法 住於二界中 現生於諸法
 彼體是虛妄 因依現和合 故有十二入
 依因觀和合 我不說是法 如鏡中見像
 眼睫見毛輪 如是依熏心 愚癡人心見
 共分別可別 而生於分別 如外道分別
 無如是外相 如人不識繩 而取以為蛇
 不識自心義 分別於外法 而乘於衆體
 離於一二中 以分別於衆 是自心過失
 依何法何體 分別不能見 不得言彼無

諸法體如是 依有故言无 依無故言有
 故不得言无 亦不得言有 即分別分別
 此非彼法體 云何見無體 而生於分別
 色體元色身 如瓶及壺等 可見是元法
 云何有分別 若分別是迷 有為法無始
 何法迷衆生 牟尼為我說 諸法无法體
 而說惟是心 不見於自心 而起於分別
 若分別是无 如愚癡分別 彼法無異體
 而智不能覺 若聖有彼法 非凡妄分別
 若聖要有彼 聖愚癡无別 聖人無迷惑
 以得心清淨 愚人無信心 故分別分別
 如母為諸子 虛空將果來 汝取果莫啼
 兒取種種果 我於諸衆生 分別種種果
 今貪種種說 離有元明黨 若本无法體
 非因非從因 本不生始生 亦無其身體
 元身亦非生 離因緣無處 生滅諸法體
 離因緣慶元 略觀察如是 有元非餘處
 從因緣生法 智者莫分別 說一體二體
 外道愚癡說 世間如幻夢 不從因緣生
 依言語境界 大衆無上法 我依了義說
 而愚癡不覺 聲聞及外道 依姪如說法
 於義不相應 以依妄覺說 相體及形相
 名是四種法 觀於如是法 故生於分別

分別一二多 彼隨梵天縛 日月及諸天
 是見非我子 聖人見正法 以如實修行
 能轉虛妄相 亦離於去來 此是解脫印
 我教諸佛子 離於有無法 亦離去來相
 轉種種色識 若滅一切業 不應常无常
 无世間生法 於轉時若滅 色離於彼處
 離於無過失 業住阿梨耶 色是滅體相
 識中有亦尔 色識共和合 而不失諸業
 若共彼和合 衆生失諸業 若滅和合業
 无縛無涅槃 若共於彼滅 生於世間中
 色亦共和合 无差別應有 有別亦无別
 但是心分別 諸法無滅體 離有元明黨
 假名因緣法 迷共无差別 如色中無常
 迷共生諸法 離於彼此相 分別不可知
 无有有何成 如色中无常 若善見分別
 即不起他力 見於他力法 亦不起分別
 若滅於分別 是滅於我法 於我法中作
 亦諍於有無 是諸諍法人 於何時中有
 是滅我法輪 不得共彼語 智者不共語
 不共比丘法 已滅於分別 妄見離有元
 見如毛輪幻 如夢如閻婆 亦見如陽焰
 時見於有無 彼人不覺佛 若有人攝彼
 彼人墮二邊 亦壞於餘人 若知寂靜法

入楞伽經卷第一 第三張 身

是實修行者 離於有無法 應攝取彼人
如有慶可出 金銀諸珍寶 無業作種種
而眾生受用 眾生真如性 不由於業有
不見故无業 亦非作業生 諸法無法體
如聖人分別 而有於諸法 如愚癡分別
若法无如是 如愚癡分別 无有一切法
眾生亦無諸 諸法依心有 煩惱亦如是
生死諸世間 隨於諸報轉 无明愛和合
而生於諸身 餘人恒無法 如愚癡分別
若人法不生 行者不見根 若諸法是无
能作世間因 愚人離於作 自然應離脫
愚聖无差別 有無无何成 聖人无法體
以修三解脱 五陰及人法 有同有異相
諸因緣及根 我為聲聞說 無因惟於心
妙事及諸地 內身真如淨 為諸佛子說
於未來世有 謗於我法輪 身披袈裟
說有无法法 无法因緣有 是聖人境界
分別無法體 妄覺者分別 未來世有人
取捨愚癡種 无因而邪見 破壞世間人
從微塵生世 而微塵无因 九種物是常
邪見如是說 從物生於物 功德生功德
此法異於法 分別是體是 若本无始生
世間應有本 我說於世間 無有於本際

入楞伽經卷第一 第三張 身

三界諸眾生 是本無始生 狗馳鹿无角
必應生无疑 眼本无始有 色及識亦尔
席冠自覺等 泥團中應生 於疊中無瓶
蒲中亦无疊 一於一中實 何故因不生
即命即是身 是本无始生 此是他說法
我說諸法異 我領因緣法 然後遠他法
速彼邪見者 後說於自法 故領外道法
然後說正法 恐諸弟子迷 立於有无法
從勝人生世 迦毗羅惡意 為諸弟子說
諸功德轉變 非實非不實 非從緣即緣
以无諸因緣 无實法不生 離於有无法
離因亦離緣 離於生滅法 自法離可見
世間如幻夢 離諸因緣法 立因緣者見
是故生分別 如禽獸愛水 乳聞婆毛輪
離於有无法 離因及於緣 見三有無因
如是見淨心 何等入无事 但有於內心
遠離於心事 不得說惟心 若觀於外事
眾生起於心 云何心無因 不得說惟心
真如惟心有 何人无聖法 有及於非有
彼不解我法 能取可取法 若心如是生
此是世間心 不應說惟心 身資生持持
若如夢中生 應有二種心 而心無二相
如刀不自割 指亦不自指 如心不自見

入楞伽經卷第一 第三張 身

其事亦如是 非他非因緣 分別分別事
五法及二心 寂靜无如是 能生及於生
及二種法相 我意無能生 說法无自相
種種形相體 若生於分別 虛空无角等
彼體无應生 若有諸法相 應有於外事
以無外分別 離心更无法 於無始世間
无有外諸法 以心無生因 而見於外義
若無因生長 无角亦應生 以无因增長
云何生分別 如現在無法 如是本亦无
無體體和合 云何心能生 真如空實際
濕豚及法界 一切諸法生 是第一義法
凡夫墮有 无分別因及緣 无因本不生
不知於三有 心見於可見 無始因異見
无始亦無法 云何見異生 若无物能生
貧人應多財 云何生無物 牟尼為我說
此一切无心 而不无諸法 乳聞婆毛輪
諸法無因有 无生無體相 空法為我說
離於和合法 是不見諸法 余時空无生
我說无法相 夢及毛輪幻 乳聞婆毛輪
無因而有見 世間法亦尔 如是和合一
離於可見无 非諸外道見 和合无如是
降伏依無因 成就於无生 若能成無生
我法輪不滅 說於無因相 外道生怖畏

云何為何人何處來諸法何處生於法
無因而生法生於元因中而無於二因
若能智者見余時轉邪見說生一切法
元生為無物為觀諸因緣余時轉邪見
為有法有名為無法無名而無法不生
亦非待因緣名非依於法而名非無體
聲聞辟支佛外道非境界住七地菩薩
彼則元生相轉於因緣法是故速因我
惟說依於心故我說無生元因生諸法
離分別分別離立於有元故我說無生
心離於可見亦離於二體轉於依止法
故我說元生不失外法體亦不取內心
離一切邪見此是元生相如是空無相
一切應觀察非生空法本不生是空
諸因緣和合生及與於滅離於和合法
不生亦不滅若離和合法更元實法體
一體及異體如外道分別有無不生法
非實生不生離於諸因緣生及與不生
惟是於名字彼此迭共錄可生體是元
差別因緣錄離可生無生是離諸外道
我說惟是錄而凡夫不知而可生法體
離錄更元別彼人無說因破滅壞諸錄
如燈了諸物錄亦應能了若更有別法

離於鈎錄體無體亦不生自性如空
離於鈎錄法愚癡異分別此是異不生
聖人所得法彼法生不生不生是無生
若見諸世間即是緣鈎錄世誰是鈎錄
余時心得定元明愛業等是內鈎錄法
幢圍輪等子四大外法依於他法體
是從因緣生非惟鈎錄體不住量阿含
若可生法元智何法為因彼法迭共生
非是諸因緣煖濕動及堅愚癡分別法
此鈎錄無法是故元體相如醫師依病
說治病差別而論無差別依病故差別
我依眾生身為說煩惱濁知諸根及力
我為愚法說煩惱根差別我教元差別
我惟有一乘清涼八聖道瓶壺冠及角
兔角元是因無因依彼生而元彼因法
而彼是無法汝不得取元依有因故無
依元不相應有法對於無是共相待法
若依少有法見於少有法元因見少法
少法是无因若彼依餘法彼此迭共見
如是無窮過少亦无少體依於色木等
如幻可見法如是依止事人見有種種
幻師非色等非木亦非石愚癡見如幻
依止於幻身依止於實事若見於少事

見時无二法云何見少事分別无分別
而非無分別若分別无法無縛无解脫
以分別无法故不生分別若不生分別
不得說惟心種種心差別法中無實法
以无實法故元解脫世間無外物可見
愚癡妄分別如鏡像現心因熏心迷沒
一切法不生非有似有生此一切惟心
離於諸分別愚人說諸法從因非智者
實體離於心聖人心是淨僧伽毗世師
標形婆羅門及於自在天无實障邪見
無體亦无生如空幻無垢諸佛為何說
佛為何人說修行清淨人離邪見覺觀
諸佛如法說我說亦如是若一切惟心
世間何處住去來依何法云何見地中
如鳥虛空中依止風而去不住不觀察
於地上而去如是諸眾生依分別風動
自心中去來如空中飛鳥見身資生器
佛說心如是云何因現見惟心為我說
身資生住持現見依熏生无修行者生
現見生分別分別境界體心依境界生
知不可見心不復生分別若能見分別
離於覺所覺名名不相合是說有為法
此惟是可覺名名不相離離於知可知

是說有為法
法華經第十卷 第十卷 立

此惟是可覺 名名中不離 若人異覺知
不自覺他覺 五法實法本 及於八種識
二種元我法 攝取於大衆 若見可知知
寂靜見世間 名名中分別 念時不復生
作名字分別 見彼不復生 不見於自心
是故生分別 四陰元諸相 彼則無數法
去何色多種 四大異異相 捨於諸相法
無諸大及大 若有異色相 何故陰不生
若見如是相 不見諸陰入 依境根及識
故生八種識 依相有三種 寂滅無如是
阿梨耶意我 我所及於智 因取於二法
知彼法即滅 離於彼此法 若見不相離
世間惟心分 世尊為我說 不復分別二
我及於我所 不增長分別 亦元意識因
離於因及緣 非物亦非生 分別但是心
世尊為我說 離於諸因緣 離能見可見
見自心種種 可見妄分別 不知自心見
不覺異心義 無見邪見成 若於智不見
彼何故不有 彼人心取有 分別非有無
故不生有心 不知惟心見 是故生分別
元分別分別 是滅已元因 遠四種勿黨
若諸法有因 此異名字相 彼人作不成

彼應異自生 不亦應因生 因緣應和合
以速因生法 我速於常過 若諸緣元常
是不生不滅 愚癡元常見 滅相法無法
不見作於因 故無常生有 去何人不見
我攝取衆生 依持戒降伏 智慧滅邪見
依解脫增長 一切諸世俗 外道妄語說
依因果邪見 自法不能立 但成自立法
離於因緣果 說諸弟子衆 離於世俗法
惟心可見元 心見於二種 離可取能取
亦離於斷常 但有心动轉 皆是世俗法
不復起轉生 見世是中心 來者是事生
去者是事滅 如實知去來 不復生分別
常元常及作 亦不作彼此 如是等一切
是皆世俗法 天人阿修羅 畜生鬼夜摩
衆生去彼處 我說於六道 上中下業因
能生於彼處 善護諸善法 得勝處解脫
佛說念念生 生死及於退 為比丘衆說
何意為我說 心不至第二 已滅壞不續
我為弟子說 念長轉生滅 色色分別有
生及滅即已 分別即是人 離分別無人
我說於念法 依彼我說竟 離於取色相
不生亦不滅 因緣從緣生 無明真如等
生於二法生 真如元是體 因緣從緣生

若今元異法 從常生於果 果即是因緣
無異於外道 因果共相轉 佛及諸佛說
大半元無異 此一尋身中 苦諦及集諦
滅及於道諦 我為諸弟子 取三為實者
取可取邪見 世間出世法 凡夫人分別
我領於他法 是故說三法 為速彼邪見
莫分別實體 說過无定法 亦復元心生
實亦不二取 真如無二種 无明及愛業
識等從邪生 无窮過不作 作中不生有
諸法四種滅 無智者所說 分別二種生
有物无有物 離於四種法 亦離四種見
二種生分別 見者更不生 諸法本不生
起於智差別 現生於諸法 平等莫分別
願太子尼尊 為我及一切 如法相應說
離二種二見 我離於邪見 及諸餘菩薩
常不見有元 以不見彼法 離外道和雜
離聲聞緣覺 佛證法諸聖 為我說不失
顛倒因緣因 無生及一切 異名諸迷惑
智者所遠離 辟如雲雨樓 宮閣及於虹
陽焰毛輪幻 有元從心生 諸外道分別
世間自因生 不生真如法 及與實際空
是諸異法名 莫分別無物 於色上種種
莫分別无法 如世間手爪 自在能破物

如是一切法莫分別無法離色空不異
亦无生法體莫分別無異分別者邪見
分別可分別攝取於諸事長短方圓等
是攝分別相分別是心法可分別是意
若能如法知離能相可相外道說不生
及取於我法分別如是相此二見無差
何意如是說若能如是知彼人入於量
能解我說法因見是沉沒無生是不依
知是二種義故我執无生諸法无有生
手屈為我說無因不相當无有有法華
无因亦無生異因見外道離有無无法
是故說惟心生及於不生離法是邪見
說无因無生說有是著因自然無作者
作者邪見方便諸願等是見為我說
若諸法是无云何生三世離可取能取
不生亦不滅從物見異物依彼法生心
諸法不生化云何為我說實有而不知
是故我說法手屈諸法中前後自相違
離諸外道過離於顛倒因生及與不生
大師為我說離有及於无不失於因果
地及於次第為說一無相世間墮三邊
為諸見迷惑無生无生等不知寂滅因
我无三世法我亦不說法有二畢有過

諸佛二清淨諸法空剎都无體亦不生
說邪法覆心分別非如來生及與不生
惟願為我說云何何等法離於境界生
色具足和合從於戲論集聚於外色相
從分別而生知於彼法者是如實解我
隨順聖人性而心不復生離於一切大
生法不相應心虛妄觀大觀如是元生
莫分別可別智者不分別分別於分別
是二元涅槃立於無生法如幻不見法
從幻等因生所立諸法破見心如鏡像
无始熏習因似義而無義觀諸法亦不
如鏡中色像離於一二相可見無非元
諸相亦如是乳闍婆幻等依於因緣觀
如是諸法體生非不生法分別似如人
二種相而現說我及於法而愚人不知
相違及无因聲聞諸羅漢自成及佛力
是五種聲聞時攝及於滅第一離第一
是四種無常愚无智分別愚癡墮三邊
功德及微塵不知解脫因以著有无法
譬如愚癡人取指即是月如是樂名字
不知我實法諸大各異相无色體相生
而諸大和合無大无依大火能燒諸色
水能爛諸物風能動諸色云何大相生

色陰及於識是法二無五是諸陰異名
我說如帝釋心心數差別現轉諸法生
四大彼此別色心非從依依青等有自
依自有青等依因果可生空有及於无
能作可作作寒熱見等見如是等一切
妄覺不能成心意及餘六諸識共和合
離於一異體生死虛妄生僧伽毗世師
標形自在天墮有有明黨離於寂靜義
形相貌勝生四大生非塵是外道說生
四大及四塵餘者无處生外道分別因
愚癡而不覺以依有無黨生共心相應
死不共相應清淨實相法共智相應住
業及於色相五陰境界因衆生无因體
無色界不住佛說法无我無色同外道
說无我是斷識亦不應生心有四種住
無色云何住内外諸法相而識不能行
妄覺者計有中陰有五陰如是無色生
有而是无色自然應解脫无衆生及識
是外道無疑妄覺不能知若彼處無色
是故見无色彼无非立法非衆无衆者
識從種子生共諸根和合八種色一分
於念時不取色不住於時根不共根住
是故如來說諸根念不住若不見色體

識云何分別入於他智一也 三八發身若智不生者云何生世間即生時即滅佛不如是說一時亦不念虛妄分別取諸根及境界愚癡非智者愚癡聞名取聖人如實知第六無依止以无因可取不善知於我離於有法過愚於有無法覺者雖實智有為無為我愚癡不能知一中有施法異中亦如是共心中一體忘識能覺知若施是心者心數是名字云何離能取分別於一異共因依止見業生作業等如大如是說相似相似法如火一時間可燒能燒異如是我依曰妄覺何不令生及與不生而心常清淨妄覺者立我何故不說喻迷於識網林離於真實法妄覺東西走不見神我亦令內身修實行我是清淨相如未藏佛境妄覺非境界可取及能取差別五陰我若能知於相令時生真智外道說意識阿梨耶藏體共於我相應我法說不令若如實知法實諦得解脫修行於見道斷煩惱清淨心自性清淨如未淨法身是法依眾生離於邊无邊如金及與色石性與真金陶冶人能見眾生於陰令非人亦非陰佛是无漏智

無漏常世尊入於他智一也 三八發身是故我歸依心自性清淨煩惱及意作共五陰相應說中勝者說心自性清淨意等是因緣彼能作諸業故彼二種染意等客塵法煩惱我清淨彼依煩惱染如垢依清淨如依離於垢亦如金離垢有而不可見我離過亦令如琴及調鼓種種美妙聲陰中我亦令愚癡死二異地中諸寶藏及與清淨水陰中我亦令實有不可見心及心數法功德陰和合陰中我亦令无智不能見如女人胎藏雖有而不見我於五陰中无智故不見如香薰重擔火及於諸薪陰中我亦令无智不能見一切諸法中無常及與空陰中我亦令无智有不見諸地及自在通及於受位無上妙諸法及餘諸三昧及諸勝境界若陰中无我而此諸法等一切亦應無有人破壞言若有應示我智者應答言汝心應示我說无真如我惟是虛妄說作此上業者不應共相合是人立有元隨於二朋黨破壞諸佛法彼不佳我法離諸外道過焚燒无我見今我見熾然如劫盡火炎如石室漏洩乳酪難油等彼處所有味

不嘗者不知取於五種中五陰我亦令愚癡人不見智見得解脫明等諸辭喻心法不可見何處何因緣和合不可見諸法異體相一心不能取無因亦无生虛妄覺者過實行者見心中不見心可見從見生能見何因生我姓迦旃延首陀會天出為眾生說法趣於涅槃城是過去行路我及彼諸佛三千修多羅說於涅槃法欲界及无色佛不彼成佛色界中上天離欲成菩提境界非縛因因境界是縛依智斷煩惱修行者利劍有我有幻等法有无云何愚不見如是云何有无我以有作不作無因而轉生一切法不生愚癡不覺知諸因不能生諸緣亦不作彼二不能生云何分別緣先後及一時妄覺者說因虛空瓶弟子一切諸物生佛非有為作諸相相莊嚴是轉輪功德非諸佛得名諸佛是智相離諸邪見過內身是智見離諸一切過聲語言及啞老少懷惡人是等一切人名无梵行者廣大勝妙體是轉輪王相出家或一二餘者是放逸毗耶婆迦那及於梨沙婆迦毗羅釋迦我入涅槃後

未來世當有如是等出世我滅後百年
 毗耶婆羅門及於般茶婆鳩羅婆羅門
 然後復更有及於毛釐等次毛釐極多
 次有無道王次有刀鋸亂次刀鋸末世
 次於末世世無法無修行如是等過末
 如輪轉世間日火共和合焚燒於欲界
 復成妙世界彼器世間生四姓及國王
 諸仙人及法供養大會施時法還如本
 諸仙人如是長行及子註子註復重作
 種種說無量如是我聞等迷沒諸世間
 不知真實法何者為是非衣裳如法染
 擣治令潔淨清淨牛糞等壞色而受用
 諸香塗身衣離於外道相流通我法輪
 是諸如來相不瀆水不飲腰繩及內衣
 依時行乞食離於下賤家生於如天境
 及人中勝處諸寶相成就天人中自在
 依法修行者生天四天下多時而受用
 依多貪還滅正時及三災及於二惡世
 我及餘正時釋迦末世時釋迦志遠他
 八臂及自在如是等外道我滅出於世
 如是我聞等釋迦師子說曾有如是事
 毗耶婆羅門八臂師羅延及摩離首羅
 說如是等言我化作世間我母名善才

父名梵天王我姓迦旃延離於諸煩惱
 生於暗波城我父及祖父父名為月護
 從於月護生出家修實行說於千種句
 授記入涅槃付慧轉法輪大慧與法勝
 勝與彌佉梨彌佉法元弟子於後時法滅
 迦葉拘留孫拘都舍及我離於諸煩惱
 一切名正時過彼正法後有佛名如意
 於彼成正覺為人說五法無二三災中
 過末世亦不諸佛不出世正時出於世
 無人奪有相衣裳不割裁納衣碎破難
 如孔雀畫色二寸或三寸間錯而補納
 若不如是者愚人所食棄常滅貪欲火
 智水常洗浴日夜六時中如實修行法
 如放箭石木勢極則還下放一還下一
 善不善亦不一中無多種以相无如是
 如風取一切如田地被燒若一能作多
 一切无作有不尔一切失是覺者法
 如燈及種子如何多相似一能生於多
 是覺者法如麻不生豆稻不生麴麥
 小麥等種子如何一生多波尼出聲論
 阿又波太白末世有梵藏說於世俗論
 迦旃延作經夜婆伽亦尔淨稠迦天文
 是後末世論婆伽說世福世人依福德

能護於諸法王婆羅施地迦旃修羅
 阿訶羅等說迷惑及王論末世諸仙現
 悉達他釋種淨單施五角口力及點慧
 我滅後出世阿示那三掘弥佉羅淨離
 我住阿蘭若梵天施與我汝當未來世
 名大離塵垢能說真解脫是諸牟尼尊
 梵天共梵眾及餘諸天眾鹿皮等施我
 還沒自在天諸難間錯衣及為乞食鉢
 帝釋四天王開廣施與我說无生及因
 生及與不生欲成於不生是但說言語
 若无明等因能生於諸心未生於色時
 中間无何住即時滅於心而更生餘心
 色不一念住觀何法能生依於何因緣
 心是顛倒因彼不能成法云何知生滅
 修行者合定金安闍那性光音天宮殿
 世間法不壞住於所證法是諸一切佛
 如來等智慧比丘證於法及餘所證法
 彼法常不壞云何虛妄見諸法念不住
 乳間婆幻色何故念不住諸色无四大
 諸大何所為因無明有心无始世界習
 依生滅和合妄覺者分別僧住有二種
 從勝及轉變勝中有於果果復成就果
 勝是大體相說功德差別因果二種法

入楞伽經第十卷 第三十五分

於轉變中元如水鏡清淨諸塵土不沾
真如如是淨依止於衆生如與求及慈
女人懷胎藏鹽及鹽中味種子太何有
異體不異體二體離二法有法无因緣
非無於有為如鳥中无牛陰中我亦余
說有為无為是法無可說惡見量阿含
依邪覺指染不覺說有我非因不離因
五陰中無我取我是過失一中及異中
妄覺者不覺水鏡及眼中如見鏡中像
遠離於一異陰中我亦余可觀及能觀
禪遠見衆生觀察是三法離於邪見法
即滅於知見如孔中見空諸法轉轉相
愚入妄分別迴轉離有無住如實見處
遠離生滅法亦離有元體離能見可見
觀察轉轉法離諸外道說離名相形體
依內身邪見觀察轉轉法諸天及地獄
觸及於遍心无有中陰法去何依識生
胎卵濕化等生於中陰中衆生身種種
應觀於去來離量及阿含能生煩惱種
諸外道遠古智慧者莫取先觀察於我
後觀於因緣不知有說有故石女兒勝
般若離肉眼妙眼見衆生離於有為陰
妙身體衆生住好惡色中出離縛解脫

入楞伽經第十卷 第三十五分

妙體伴有為能見妙法身在於六趣中
妄覺非境界我過於入道非餘妄覺者
而无生我心何因如是生如河燈種子
何不如是說而識未生時未有无明等
離於聞无識去何相續生三世及無世
第五不可說是諸佛境界妄覺者觀行
行中不可說以離智行中取於諸行中
智離於行法依此法生此現見是无因
諸緣不可見離於无作者依風火能燒
因風動能生風能吹動火風還離滅火
愚者不分別去何生衆生說有為无為
離於依所依去何成彼法風火愚分別
彼此增長力彼此法不及去何而生火
作言語无義衆生是誰作而分別如火
能作陰入軀意等因能生如常无我義
共心常轉生二法常清淨離於諸因果
火不能成彼妄覺者不知心衆生濕唇
自性體清淨无始等過涼如虛空无差
外道邪見垢如白泉淋城依意識識覆
六等能清淨彼人見如實見已破煩惱
捨僻常稠林彼人取聖境知能知差別
彼分別異體昧鈍人不覺復言不可說
群如拈種鼓愚人作異說如拈種沉水

入楞伽經第十卷 第三十五分

諸佛智亦尔愚人不覺知以依虛妄見
中後不受食以鋒依量取離口等諸過
嗽於清淨食此是如法行不能知相應
依於法能信莫分別邪行不著世間物
能取於正義彼人取真金能然於法燈
癡有元因緣邪見網分別一切煩惱垢
離於貪瞋恚念時不復生以無一切染
諸如來身子而投於佛位外道迷因果
餘者迷因緣及无因有物斷見無聖人
受於果轉變識及於意識意從本識生
識從於意生一切識從本識生如海波
一切從意因隨因緣而生念差別鈎鎖
縛自心取境似於形體相意眼等識生
无始來過縛依熏生取境見外心諸法
遠諸外道見依彼更生餘及依彼觀生
是故生邪見及世間生死諸法如夢幻
如乳園婆城陽焰水中月觀察是自心
行差非真如正智幻三昧依首楞嚴定
及餘諸三昧入於初地得諸通及三昧
智及如意身受位入佛地念時心不生
以見世虛妄得觀地餘地及得於佛地
轉於依止身如諸色摩尼亦如水中月
作諸衆生業離有元勿黨離二及不二

出於二乘地及出第七地 內身見諸法
地地中清淨離外道外物 今時說大乘
轉於分別識離於變易滅 如兔角摩尼
得解脫者說如依結相應 依法亦如是
依相應相應 莫分別於異 眼識業及受
無明及正見 眼色及於意 意識淨如是
佛說此妙經 聖者大慧士 菩薩摩訶薩
羅漢都大王 叔迦婆羅那 摩耳等羅叉
天龍夜叉等 乳闍婆修羅 諸天比丘僧
大歡喜奉行

入楞伽經卷第十

癸卯歲高麗國大藏都監奉
勅彫造

是而實法說名相之並假法要從
之達於法正智以會其如悟解起而
轉妙理實說無戲法亦發三自性
實證二乘我見入未來之廣遠解
應之門厚以深文來自證圓王若元
意定無動地之深求知延異起等法
其要要者所說處處皆深性切經深
以天親光等廣說廣子林錄其事

陽宮內聖出點經對法之要結成
七卷之了教三藏波門子開國僧寶
又即說大德大德先令僧徒贊等並
名地安說佛學應爾覺覺之字樣
板為為之教府或亦此是花青板金
珠共經月開國故說了連冲僧寶
與經以云安四年正月十五日釋第
六年自惟非洋言翻法經四翻而
事起第一乘而兩則難達編卷之請
法中經之文詞詞理深奧將增起是
故以共經影印家為有有對其政重
系之增補經之句不第演法注之功
清美之義無盡題目品試到於後云
大宋入楞伽經卷第一
大國子開國僧寶人經本新譯
薩婆都五勤請品第一
如是說開一神佛住大海深摩耶耶
山頂摩耶城中與大比丘及大菩薩
眾俱其諸菩薩摩訶薩先已通達三
法三性諸經無我善如境界自心現
成境成無盡自法三昧神通諸力隨
眾共心現種種形方便調伏一切諸佛

此會大慧菩薩摩訶薩問其言今時
世界於海龍王宮說法過六日已能
大海出有無量億大菩薩摩訶薩
等承迎於佛令時如來來目見摩
耶耶山頂中大佛即覺微然而作是言
普諸如來應正等覺皆於此城說也
所謂聖智經法非離外道應見邪見及
以一乘之行境於我今亦當為摩耶
耶王開示此法今所摩耶王夜叉王
以佛神力開示言更如如來從彼空
出覺釋迦世天龍國總光海深廣觀
其來會廣觀大海境界咸知種種法
無量歡喜心於其國中高舉摩耶王
曾諸佛諸人此法今我及與諸天諸
人於大夜中得大覺發作是語已即
與眷屬乘花雲般往世尊到已下
摩耶王迎而作禮供養供養中承所
持佛諸寶是太寶四寶寶寶寶寶寶
以高閣鋪無量上表而用寶寶寶寶
其妙寶寶寶寶寶寶寶寶寶寶寶
心自性法藏無量難見難證智之開
顯佛為宣說善法摩耶王身從空寶寶